

শ্রীমদ্ভক্তি-চন্দ্রিকা

—শ্রীভক্তিতী গ্রন্থভাণ্ডার ।





মুদ্রাকর :-

শ্রীমৃগালকান্তি দাস ।

আনন্দ-ভবন আর্ট প্রেস ।

কোতবাজার, মেদিনীপুর ।

প্রকাশক কর্তৃক

সর্বসদ্ব সংরক্ষিত ।

# নিবেদন ।

—)×(—

পরম করুণাময় শ্রীশ্রীগৌরসুন্দরের অপার করুণাবলে এই গ্রন্থরত্ন  
টীকাসহ প্রকাশিত হইলেন । এই গ্রন্থের পরিচয় প্রদান গোড়ীয় বৈষ্ণব  
সমাজে অনাবশ্যক । চন্দ্রের কিরণ যেমন বস্তু প্রকাশ করিয়া জগতে চন্দ্রিকা  
নামে প্রসিদ্ধ, এই গ্রন্থও তদ্রূপ যথাবিধি প্রেমভক্তি প্রকাশ করিয়া ভক্তগণ  
কর্তৃক 'প্রেমভক্তিচন্দ্রিকা' নামে অভিহিত হইয়াছে এবং সেই নিগূঢ়  
ভক্তিমাধুরী প্রকাশের নিমিত্ত স্বয়ং উগ্ৰবান শ্রীচৈতন্যের মনোভীষ্ট সংস্থাপক  
শ্রীল রূপাঙ্গামী প্রভুর রূপা দ্বারা সেই উন্নত উজ্জল রস পরিবেষণ অর্থাৎ  
ভক্তির অমুঠান-প্রকার বর্ণিত হইয়াছে । এই অমূল্য গ্রন্থখানি যাহাতে ভক্ত-  
সমাজে বহুল পচারিত হয়, এই উচ্চা আমাদের বহুকাল চাইতে ছিল ।  
যদিও এই গ্রন্থরত্ন বাংলা ত্রিপদীছন্দে বিস্তারিত, তথাপি তেই করিম যে,  
ঐ সকল ত্রিপদীর প্রকৃত অর্থ অবধারণ করা আমাদের কদ্রবক্তির অতীত.  
অথচ এই অমূল্য গ্রন্থের সিদ্ধান্তগুলি শ্রীমদ্ভাগবতাদি সংস্কৃত গ্রন্থের সারস্বরূপ  
বলিয়া ইহার সিদ্ধান্তরত্নমিচয় সর্গে ধারণ করা কর্তব্য । তাই রূপাময়  
ভক্তগণের আদেশে এই অতি সাংস্কিক কার্যে হস্তক্ষেপ করিয়াছি । কিন্তু  
মাদৃশ অনধিকারীর এই গ্রন্থ সম্পাদন বিষয়ে বহু দোষত্রুটি থাকিতে  
পারে, তথাপি রূপাময় সন্তদয় পাঠকগণ সেই দোষ ক্ষমা করিয়া মূলগ্রন্থ  
আশ্বাদন করিলে কৃতার্থ হইব । কেননা, সাধ্যবস্তুর যাহা সার, সাধনার  
যাহা পরম লক্ষ্য এবং সাধকের যাহাতে পরমাত্মপ্তি, এই প্রেমভক্তির  
চন্দ্রিকায় (উজ্জল আলোকেই) তাহা পরিদৃষ্ট হইবে । তবে শ্রীল বিশ্বনাথ  
চক্রবর্তীপাদ এই গ্রন্থের সংস্কৃত টীকা প্রণয়ন করিয়া মূলগ্রন্থের অভিপ্রায়

বৃষ্টিবার পক্ষে বিশেষ সুবিধা করিয়া দিয়াছেন, তাই আমরা ঐ টীকার সহিত গ্রন্থ প্রকাশ করিলাম।

এই গ্রন্থরত্ন মুদ্রণ বিষয়ে অর্থালুকুল্য করিয়াছেন—কোশয়াড়ীনিবাসী ভক্তজ্বর শ্রীযুত অধরচন্দ্র মাইতি ভক্তিদিবাকর মহোদয়। এক্ষণে এই প্রকাশক তাঁহার নিকট কৃতজ্ঞতাপাশে আবদ্ধ রহিল। শ্রীমন্ মহাপ্রভু তাঁহার মঙ্গল করুন—প্রার্থনা।

“সাঁউরী প্রপন্নশ্রম”

শ্রীরামপূর্ণিমা

বাংলা সন ১৩৬৮ সাল

প্রকাশক—

বৈষ্ণবদাসানুদাস

শ্রীপ্রমোদগোপাল ভক্তিশাস্ত্রী

শ্রীশ্রীকৃষ্ণচৈতন্যচন্দ্রায় নমঃ ।

# শ্রীশ্রী প্রেমভক্তি-চন্দ্রিকা

অজ্ঞান-তিমিরাক্তস্ত জ্ঞানাঞ্জন-শলাকয়া ।

চক্ষুরুন্মীলিতং যেন তস্মৈ শ্রীগুরবে নমঃ ॥

শ্রীল বিশ্বনাথ চক্রবর্তিপাদ বিরাচিত-টীকা ।

অষ্টমত-প্রকটবৃত্তো নবহরি-প্রেষ্টঃ স্বরূপ-প্রিয়ো

নিত্যানন্দ-সখঃ সনাতন গতিঃ শ্রীরূপ-হৃৎকেশনঃ ।

লক্ষ্মী-প্রাণপতি গদাধর-রসোল্লাসী জগন্নাথভূঃ

সালোপাঙ্গ-সপার্বদঃ স দয়তাং দেবঃ শচীনন্দনঃ ॥

তস্মৈ শ্রীগুরবে নমঃ শ্রীগুরুং শ্রুতি নমোহস্ত । কিভূতায় ? যেন

গুরুণা মম চক্ষুঃ নেত্রম্ উন্মীলিতং । মম কিভূতস্ত অজ্ঞানতিমিরাক্তস্ত

শ্লোকার্থ—আমি অনাদিকাল হইতে অজ্ঞান-রূপ তিমিরে অন্ধ

হইয়াছিলাম । যিনি শ্রীকৃষ্ণে ভগবতা-জ্ঞান-রূপ অঙ্কন শলাকা দ্বারা

আমার নয়ন উন্মীলিত করিয়া দিয়াছেন, সেই শ্রীগুরুদেবকে আমি

নমস্কার করি।১।

শ্রীশ্রীগুরবে নমঃ ।

শ্রীপ্রেমভক্তি-চন্দ্রিকা গ্রন্থখানি শ্রীগৌড়ীয় বৈষ্ণব সম্প্র-

দায়ে লক্ষ গ্রন্থের টীকা নামে প্রসিদ্ধ । শ্রীমন্ মহাপ্রভুর

সাক্ষাৎ কৃপাই শ্রীপাদ নরোত্তম ঠাকুররূপে আবির্ভূত । শ্রীল

নরোত্তম ঠাকুর মহাশয় শ্রীমন্ মহাপ্রভুর মনোভীষ্ট নিঃশূল,

অজ্ঞানমেব তিমিরমক্ষিরোগস্তেনাক্লস্ত দৃষ্টিশক্তিরহিতস্ত । কিংবা  
অজ্ঞানমবিদ্যা তদেব তিমিরমন্ধকারস্তেন অন্ধস্ত । অজ্ঞানতমসো নাম  
কৈতবং । যথা শ্রীচৈতন্যচরিতামৃতে—

অজ্ঞান-মের নাম कहিয়ে কৈতব ।

ধর্ম অর্থ কাম-বাঞ্ছা আদি এই সব ॥

সর্বোপাধি বিনির্মূলক বিশুদ্ধ ভক্তিয়োগ স্বয়ং জগতে আচার  
ও প্রচার করেন । শ্রীমদ্ভাগবত, গীতা ও ষাণ্ডতীয় গোস্বামী  
গ্রন্থের পরম নিরুপদ উপদেশস্বরূপ শুদ্ধভক্তিয়োগের অতি  
সারাৎসার শিক্ষাগুলি অল্লাহের এই শ্রী প্রেমভক্তি-চন্দ্রিকা  
গ্রন্থে হৃদয়স্পর্শী ভাষায় তিনি লিপিবদ্ধ করিয়াছেন ।

এই গ্রন্থখানি প্রেমভক্তি-পথের চন্দ্রিকা ( আলোক ) সদৃশ  
বলিয়া ইহার নাম 'প্রেমভক্তি-চন্দ্রিকা' । ত্রিতাপ অনলে  
তাপিত জীবের পক্ষে শ্রী প্রেমভক্তি চন্দ্রিকাই তাপশান্তিকর  
ও নবজীবনপ্রদ । তাই শুদ্ধভক্তগণের ইহা হৃদয়ের ধন ।  
ইহার একটি উপদেশ পালন করিতে পারিলে মানবজন্ম সার্থক  
হয়, অজ্ঞান আঁধার কাটিয়া যায়, পঞ্চম পুরুষার্থ প্রেম লাভ হয় ।

শ্রীপাদ ঠাকুর মহাশয় গ্রন্থারম্ভে শ্রীগুরুদেবের বন্দনা করি-  
তেছেন, 'অজ্ঞান তিমিরাক্লস্ত' শ্লোকে ।

### তাৎপর্যার্থ

'অজ্ঞান তিমিরাক্লস্ত'—আমরা অজ্ঞান-তিমিরে অন্ধ । বাহ্য  
চক্ষুর দ্বারা আমরা যে বস্তু দর্শন করি, যে জাগতিক জ্ঞান  
সংগ্রহ করি, তাহাতে আমাদের অজ্ঞান-তিমিরের অন্ধতা

তার মধ্যে যোগ-বাহ্য কৈতব প্রধান।

য'হা হইতে কৃষ্ণ-ভক্তি হয় অন্তর্দান।

কৃষ্ণ-ভক্তি বাধক যত শুভাশুভ কল্প।

সেই এক জীবের অজ্ঞানতমোধর্ম ॥”

কল্পা উন্নীলিতং জ্ঞানাজনশলাকয়া—“ঈশ্বরঃ পরমঃ কৃষ্ণঃ সচ্চিদা-  
নন্দবিগ্রহঃ। অনাদিরাদির্গোবিন্দঃ সর্বকারণ-কারণমিত্যেনেন” “কৃষ্ণস্ত  
ভগবান্ স্বয়মিত্যেনেন চ “কৃষ্ণে ভগন্তো জ্ঞান সধিদের সার” ইতি  
শ্রীচৈতন্যচরিতামৃতোক্তেঃ ॥:॥

কাটে না—বাড়িয়া যায়। প্রকৃত বাস্তব বস্তুর দর্শন এই  
জড় চক্ষু দ্বারা হয় না। জড় চক্ষু দ্বারা জড়ীয় বস্তুই দেখা  
যায়। অনুচৈতন্য ও কৃষ্ণদাসস্বরূপ ‘আমি’ বা আত্মা চৈতন্য-  
নন্দময় শ্রীকৃষ্ণের বিভিন্নাংশস্বরূপ। ‘আমি’ এই দেহ নহে।  
শূল ও সূক্ষ্ম দেহ আমার বা আত্মার আবরণ বা উপাধি ;  
জড়বস্তু আমার সেব্য বা ভোগ্য নহে—চৈতন্যানন্দময় শ্রীকৃষ্ণই  
আমার নিত্য প্রভু ও সেব্য। সুতরাং চৈতন্যানন্দঘন শ্রীকৃষ্ণ-  
স্বরূপ নিত্যবস্তুর দর্শনই আমার বা আত্মার চেতনচক্ষুর কার্য।  
আমার বা আত্মার সেই চেতন চক্ষুটী অজ্ঞানভিমিরে অন্ধ  
হইয়া আছে। অজ্ঞান শব্দের অর্থ—স্বরূপজ্ঞানহীনতা।  
ইহা দুই প্রকার। (১) অস্মৃতি (২) বিপর্যয়। অস্মৃতি—  
স্বরূপতঃ ‘আমি’ কে, শ্রীকৃষ্ণ কে, শ্রীকৃষ্ণের সহিত আমার  
কি সম্বন্ধ ইত্যাদি স্মৃতি না থাকা। আর বিপর্যয়—যাহা

আমি বা আমার নয় তাহাকে আমি বা আমার বৃদ্ধি করা । এই বিপর্যয় বা বেহে আত্মবুদ্ধি হইতে বর্ণাশ্রমাভিমান ও কৃষ্ণসেবা ছাড়িয়া অন্যাভিলাষ বা কৈতবরূপ অন্ধকার আমাকে আচ্ছন্ন করিয়াছে । শ্রীকৃষ্ণ, কৃষ্ণপ্রেম, কৃষ্ণভক্তি, কৃষ্ণনাম, বৈষ্ণব, গুরু, মহাপ্রসাদ, ধাম ইত্যাদি নিত্য ও চিদানন্দময় বস্তু ; কিন্তু বাহ্য বা জড় চক্ষে এই সমস্ত নিত্য বস্তুর স্বরূপ দেখিতে পাই না বা দেখিলেও চিনিতে বা অনুভব করিতে পারি না । কারণ চেতন বা জ্ঞান-চক্ষুটী অজ্ঞান-তিমিরে অন্ধ হইয়াছে ।

অজ্ঞানতিমির—শব্দের অর্থ কৈতব । ধর্ম, অর্থ, কাম ও মোক্ষবাসনা প্রভৃতি সমস্তই নিজস্বৈকতাৎপর্যক বলিয়া কৈতব । এখানে ধর্ম শব্দে কৃষ্ণভক্তির বাধক শুভ ও অশুভ কর্ম্ম । যদিও এই সকল ধর্মের দ্বারা স্বর্গাদি ভোগ লাভ হয়, তথাপি ঐ স্বর্গাদি ভোগও নিজেন্দ্রিয় পরিতৃপ্তি ব্যতীত আর কিছুই নহে ; কাজেই এই ধর্মজনিত কাম বা সুখ লাভ করিয়া দেহী-জীব উত্তরোত্তর মায়াপাশে সূদৃঢ়-ভাবে আবদ্ধ হয় । অতএব এই ধর্ম, অর্থ ও কাম মায়ার কুহক ; কাজেই অজ্ঞানতম বা কৈতব নামে অভিহিত হইয়া থাকে । এমনকি, যে সামুজ্যমুক্তি দ্বারা জীব চিরতরে ব্রহ্মলীন হইয়া যায়, সেই মোক্ষবাসনাকেও সর্বপ্রধান কৈতব বলা হইয়াছে । কারণ, ধর্ম-অর্থ-কাম বাসনারূপ কৈতব হৃদয়ে থাকিলেও কদাচিৎ ভগবন্তের কৃপায় ঐ সকল

কৈতবরূপ অজ্ঞানতম বিনষ্ট হইতে পারে ; কিন্তু মোক্ষবাসনা রূপ প্রধান কৈতব থাকিলে জীবের সে সৌভাগ্য লাভ সংঘটিত হয় না। যেহেতু, মুগ্ধুর চিত্তে প্রথম হইতেই 'সোহং'—আমি সেই ব্রহ্ম, এই অভেদ জ্ঞান বিদ্যমান থাকে, কাজেই "কৃষ্ণ আমার প্রভু, আমি তাঁহার দাস"—এই নিজ সম্বন্ধ জ্ঞান বিলুপ্ত হইয়া যায়। এজন্য 'মোক্ষবাঞ্ছা কৈতব প্রধান।' বস্তুতঃ উক্ত পুরুষার্থ চতুষ্টয় পাইবার বাসনা অজ্ঞানের প্রভাবেই জীবের হৃদয়ে উদ্ভিত হয়। শ্রীগুরুর রূপায় অজ্ঞান দূর হইলে চিত্তকণ জীব কৃষ্ণদাসত্বরূপ স্বীয় স্বরূপ অনুভব করিয়া ভজনে প্রবৃত্ত হন ও শ্রীরাধাকৃষ্ণের সেবানন্দ সমুদ্রে নিমগ্ন হইয়া যান। মুক্তি তখন 'আমাকে গ্রহণ কর' আমাকে গ্রহণ কর' বলিয়া সেই ভক্তের সেবা করিতে উদ্যত হয়।

জ্ঞানার্জন শলাকয়া—এখানে 'জ্ঞান' শব্দের অর্থ শ্রীকৃষ্ণে ভগবতা জ্ঞান এবং সম্বন্ধ, অভিধেয় ও প্রয়োজনরূপ তত্ত্বজ্ঞান বুঝিতে হইবে। শ্রীকৃষ্ণের ভগবতা বিষয়ে অসংখ্য প্রমাণ থাকিলেও এখানে ব্রহ্মসংহিতা প্রোক্ত—'যিনি সমস্ত জগতের আদি, এমনকি ঈশ্বর সকলেরও আদি, যাঁহার আদি কেহই নাই, সেই অনাদি গোবিন্দই নিখিল কারণ সমূহেরও কারণ অর্থাৎ ঈশ্বর গণেরও ঈশ্বর ; সেই সচ্চিদানন্দ বিগ্রহ শ্রীকৃষ্ণই পরমেশ্বর বা স্বয়ং ভগবান্। শ্রীমদ্ভাগবতেও উক্ত আছে—'যত যত ভগবদবতার আছেন, তন্মধ্যে কেহ

অংশ, কেহ বা কলা; কিন্তু শ্রীকৃষ্ণই স্বয়ং ভগবান। এই প্রকার জ্ঞানোপদেশরূপ অঞ্জন-শলাকা।

চক্ষু-উন্মীলিত “কৃষ্ণে ভগবত্তা জ্ঞান সন্নিহিতের সার।” এই জ্ঞানোপদেশরূপ অঞ্জন-শলাকা দ্বারা শ্রীগুরুদেব কৃপা করিয়া আমার অজ্ঞানরূপ চক্ষুরোগ বিনাশ করিয়া দিব্য জ্ঞান-চক্ষুর উন্মীলন করিয়াছেন। অর্থাৎ শ্রীকৃষ্ণই আমার প্রভু, আমি তাঁহার নিত্য দাস, তদীয় প্রেমসেবাই আমার প্রয়োজন এবং সেই প্রয়োজন প্রাপ্তির সাধন বা অভিধেয় একমাত্র ভক্তি—এইরূপ দিব্যজ্ঞান আমাকে প্রদান করিয়াছেন অর্থাৎ দিব্য জ্ঞানচক্ষু বিকাশ করিয়া দিয়াছেন।

যিনি প্রকৃত সদগুরু তিনি শিষ্যের দেহে ও দেহসম্বন্ধী বস্তুতে আত্মবুদ্ধি, বর্ণাশ্রমাভিমান ও অশ্লাভিলাষ সমূহ দূর করিয়া কৃষ্ণদাসস্বরূপ ও কৃষ্ণসেবাভিলাষের উদয় করিয়া দেন। ইহাকেই বলে দীক্ষা বা দীব্যজ্ঞান দান। যিনি তদ্বিপরীত দেহে আত্মবুদ্ধিমূলক বর্ণাশ্রমাভিমান ও অশ্লাভিলাষ শিষ্যের হৃদয় হইতে দূর না করিয়া বরং আরও বৃদ্ধি করেন, কেবল দীক্ষাদানের ভানে কানে ফুঁ দিয়া নিজের কনক-কামিনী আদি অশ্লাভিলাষ পূরণ করেন, তিনি গুরু হইতে পারেন না এবং ঐ দীক্ষাও প্রকৃত দীক্ষা নয়। শিষ্য যেই তিমিরে ছিল, সেই তিমিরে রহিল; অথচ গুরু কানে ফুঁ দিয়া কিছু ধন-বস্ত্রাদি লইয়া চলিয়া গেলেন। শিষ্যের অজ্ঞান তিমির দূর করা চাই, তাহার হৃদয়ে দিব্য জ্ঞানের

শ্রীচৈতন্য-মনোহভীষ্টং স্থাপিতং যেন ভূতলে ।

সোহয়ং রূপঃ কদা মহং দদাতি স্বপদান্তিকম্ ॥২॥

শ্রীচৈতন্যমহাপ্রভো মনোহভীষ্টং মনোহভিলষিতং শ্রীমদ্ভগবদ্ভক্তি-  
রসশাস্ত্রং ভূতলে যেন রূপেণ স্থাপিতং নিক্রপিতং, সোহয়ং রূপঃ  
স্বপদান্তিকং নিজচরণনিকটং কদা ভাগ্যবশেন মহং দদাতি । শ্রীরূপশ্চ  
রূপয়া নিজানুচরত্বেন ত্বংসেবনকর্ম্ম করবানীতি ভাবঃ ॥২

**শ্লোকার্থ**—শ্রীকৃষ্ণচৈতন্য মহাপ্রভুর মনোহভীষ্ট অর্থাৎ মনের  
একমাত্র অভিলষিত ভগবদ্ভক্তিরস-শাস্ত্র ভূতলে যৎকর্তৃক স্থাপিত  
হইয়াছে, সেই শ্রীরূপ গোস্বামী কবে স্বয়ং আমাকে শ্রীচরণ-  
সান্নিধ্য প্রদান করিবেন ২

### তাৎপর্যার্থ

উদয় করান চাই, হরি ভজনের দ্বারা শিষ্যের হৃদয়ে বাহাতে  
ভগবদ্ অনুভূতি হয় তদ্রূপ শক্তি সঞ্চারণ করা চাই, তবেই  
তাহাকে দীক্ষা বলা যায় এবং তাদৃশ গুরুকেই গুরু  
বলা যায় । ১।

শ্রীল ঠাকুর মহাশয় শ্রীগুরুবন্দনার পর এই শ্লোকে  
শ্রীবৈষ্ণববন্দনা করিতেছেন ।

‘বৈষ্ণব’ শব্দের অর্থ শ্রীকৃষ্ণসেবক । কৃষ্ণ সেবা ব্যতীত  
কৃষ্ণদাস আখ্যা হইতে পারে না । ‘সেবা’ শব্দে অনেকে জল  
তুলসী ও কিছু উপকরণ আদি দিয়া কৃষ্ণপূজা বুঝিয়া থাকেন ।  
কিন্তু প্রকৃত সেবারসিক গোস্বামী মহাজনগণ লিখিয়াছেন যে,  
কৃষ্ণের বা ইষ্টদেবের চিত্তানুরক্তিই সেবা । ‘সেবনং চিত্তানু-

বৃত্তি' ( শ্রীঃ ভাঃ ) উপাস্ত বা ইন্দ্রদেবের মনের সুখ বুঝিয়া সেই সুখ সম্পাদন করাই প্রকৃত সেবা ।

শ্রীপাদ রূপগোস্বামী শ্রীগৌড়ীয় বৈষ্ণব সম্প্রদায়ের অগ্রগণ্য । গৌড়ীয় বৈষ্ণব সম্প্রদায় তাঁহারই অনুগ । এইজন্য এই সম্প্রদায়কে রূপানুগ ও এই সম্প্রদায়ের ভজন-প্রণালীর নাম রূপানুগ ভজনপ্রণালী বলে ।

শ্রীগোলকের গুপ্তাবিত্ত শ্রীনাম ও শ্রীরাধার প্রেমরস-মহিমা অর্থাৎ ব্রজজাতীয় প্রেমভক্তিবিশেষ জগতে প্রচার করাই শ্রীমন্ মহাপ্রভুর মনের অভিলাষ । সেই অভিলাষ পূর্ণ করিবার নিমিত্ত যিনি শ্রীমন্ মহাপ্রভুর শ্রীচরণান্তিকে নীলা-চলে বাস করিয়া সাক্ষাৎ সম্বন্ধে কোন সেবা করেন নাই, কিন্তু তাঁহার মনের অভিলাষ বুঝিয়া সহস্র ক্রোশ দূরে শ্রীহৃন্দাবনে অবস্থান পূর্বক অশেষ ক্লেশ সহনে শ্রীধাম প্রকটন, ভগবদ্ ভক্তিরসশাস্ত্র শ্রীভক্তিরসানুভবসিন্ধু, শ্রীউজ্জ্বল-নীলমণি প্রভৃতি গ্রন্থ প্রণয়ন করত শ্রীমহাপ্রভুর মনোভাষ্য জগতে স্থাপন করিয়াছেন, সেই শ্রীরূপ গোস্বামী কবে স্বঃ নিজ চরণ নিকটে আমায় স্থান দিবেন । অর্থাৎ শ্রীরূপের কৃপায় তাঁহার নিজ অনুচররূপে এবং তদীয় নিয়োগানুসারে কবে শ্রীরাধামাধবের প্রেমসেবায় নিযুক্ত হইব ।

এই শ্লোকে আরও একটী গূঢ় রহস্য ব্যক্ত হইয়াছে যে, সেব্য বিগ্রহ শ্রীচৈতন্য মহাপ্রভুর শ্রীচরণ সান্নিধ্যে বাস করার প্রার্থনা শ্রীপাদ ঠাকুর মহাশয় করেন নাই । তদীয় সেবকাগ্র-

গণ্য শ্রীরূপের শ্রীচরণ সমীপে বাস করারই প্রার্থনা করিয়াছেন। রহস্য এই যে, শ্রীকৃষ্ণ সেবা অপেক্ষা বৈষ্ণব সেবা বড়। তাহাতে শ্রীকৃষ্ণ সেবা ও বৈষ্ণব সেবা ছুঁয়েরই রস পাওয়া যায়। সেবারসিক বৈষ্ণবের কৃপা ব্যতীত স্বয়ং কেবল কৃষ্ণ সেবা করিতে গেলে শ্রীকৃষ্ণের মনোভীষ্ট মত সেবা হয় না; স্মৃতরাং পূর্ণ কৃপাও পাওয়া যায় না।

শ্রীরূপ গোস্বামিপাদই রাগমার্গের গুরু (সেবাবিধান-কর্তা) এ বিষয়টি স্তবাবলীতেও দৃষ্ট হয়—

যদবধি মম কাচিন্মঞ্জরী রূপ পূর্বা

ব্রজভূবি বত নেত্রদম্বদীপ্তিঃ চকার।

তদবধি তব বৃন্দারণ্য-রাজ্জি প্রকামঃ

চরণকমললাক্ষা-সংদিদৃক্ষ। মমাভূৎ ॥

হে বৃন্দাবনেশ্বর! যে অবধি এই বৃন্দাবনে কোন অনির্বচনীয় রূপমঞ্জরী আমাকে রাগমার্গে শিক্ষাদান করিয়া নেত্রোন্মালন করিয়াছেন সেই অবধি তোমার অলঙ্কক-রাগরঞ্জিত চরণ-কমল সন্দর্শন করিতে আমার অভিলাষ সঞ্জাত হইয়াছে।

বলা বাহুল্য যে, এই শ্রীরূপ গোস্বামিপাদই শ্রীরূপ মঞ্জরী। বস্তুত এই শ্লোকের দ্বারা রাগমার্গের এক নিগূঢ় রহস্য পরিব্যক্ত হইয়াছে। রহস্য এই যে, যিনি রাগমার্গের গুরু হইবেন, তিনি নিশ্চয়ই শ্রীব্রজেন্দ্রনন্দনের প্রিয়তম নিত্যসিক্ক পরিকর হইবেন। বিশেষতঃ শ্রীরাধামাধবের নিগূঢ় প্রেমসেবা লাভ করিতে হইলে সাধকদেহে শ্রীল রূপগোস্বামিপাদ প্রমুখ

শ্রী গুরু-চরণ-পদ্য,                      কেবল ভকতি-সদ্য,  
 বন্দেঁ। মুদ্রিৎ সাবধান মনে ।  
 যাঁহার প্রসাদে ভাই.                      এতব তরিয়া যাই,  
 কৃষ্ণ প্রাপ্তি হয় যাঁহা হনে ॥৩॥

ছয় গোস্বামীর তথা, সিদ্ধদেহে শ্রীকৃষ্ণমঞ্জরী প্রমুখ মঞ্জরী-  
 গণের আনুগত্যে শ্রীরাধামাধবের প্রেমসেবায় নিয়োজিত  
 হইতে হইবে ২।

শ্রী গুরু চরণপদ্য— শ্রী গুরু অর্থে শ্রীযুক্ত অর্থাৎ প্রেম-  
 ভক্তি সম্পত্তিযুক্ত গুরু । ‘শ্রী’ শব্দে শোভা, সম্পদ, শ্রেষ্ঠ  
 ইত্যাদি । প্রকট ব্যক্তিতেই ‘শ্রী’ শব্দ প্রয়োগ হয় । গুরুই  
 জগতের একমাত্র শোভা, সম্পদ ও শ্রেষ্ঠস্বরূপ এবং তিনিই  
 ‘শ্রী’ যুক্ত । তিনি নিত্যকাল প্রকট, তাঁহার প্রকটাপ্রকট  
 নাই । ‘চরণ’ শব্দ এখানে উপলক্ষণে গৌরবার্থে বলিয়াছেন  
 এবং শ্রীগুরুচরণকে পদ্যের সহিত তুলিত করিয়াছেন ।  
 ভ্রমরের আশ্রয় যেমন পদ্যমধু, শিষ্যের আশ্রয়ও তেমনি  
 শ্রীগুরু চরণের কৃপামধু । পদ্য যেমন জলে বা রসে উৎপন্ন  
 হয়, সেইরূপ শ্রীগুরুপাদপদ্যও অপ্রাকৃত চিদানন্দ ভক্তিরস  
 সাগরের মাধুর্যময় সার স্রস বস্তু । পদ্য যেমন রূপমাধুর্যে  
 নয়নের অভিরাম, স্নিগ্ধতায় চিত্তের আকর্ষক ও স্নিগ্ধকারক,  
 তেমনি গুরুদেবের শ্রীপাদপদ্য যুগলও রূপমাধুর্যে সাধকের  
 নয়নাভিরাম, স্নিগ্ধতায় চিত্তের আকর্ষক ও স্নিগ্ধকারক ।  
 শ্রীগুরুদেবের রূপ, গুণ, লীলা সমস্তই সাধকের নয়ন-মনোভি-

রাম । ধ্যানযোগে স্বরূপচক্ষু বা অন্তশচক্ষু দ্বারা তাঁহার শ্রীপাদ-  
 পদ্ম চিন্তা করিলে বা সাক্ষাতে তাঁহার শ্রীপাদপদ্ম দর্শন  
 করিলে সাধকের নয়ন-মন-প্রাণ শীতল হয় ও ত্রিতাপজ্বালা  
 জুড়াইয়া যায় । পদ্ম যেমন নিজ সৌগন্ধের দ্বারা সর্ববাত্মাকে  
 আহ্লাদিত করে, সেই প্রকার শ্রীগুরুদেবের শ্রীপাদপদ্মও  
 নিজগুণে শিষ্যের দেহ-মন-আত্মাকে সচ্চিদানন্দভাবে বিভা-  
 বিত করেন । ভ্রমর যখন কেতকীবনে কাঁটায় ছিন্নপক্ষ  
 হইয়া ইতস্ততঃ ধাবমান হওত পদ্মের সুশীতল ক্রোড়ে আশ্রয়  
 গ্রহণ করে, তখন পদ্ম নিজ ক্রোড়ে তাহাকে আশ্রয় প্রদান  
 করিয়া তাহাকে স্নিগ্ধ, সুশীতল করত ( বাহিরের তাপ হইতে  
 নিবারণ করিয়া ) স্বীয় মধুপান করাইয়া উন্মত্ত করায় ও  
 তাহার স্বরূপ পুষ্ট করায় সেইরূপ শ্রীগুরুপাদপদ্মও জীবকে  
 সংসারের ত্রিতাপজ্বালা হইতে মুক্ত করত নিজ সুশীতল  
 শ্রীপাদপদ্মের, ছায়ায় আশ্রয় প্রদান করিয়া ও চরণ সীধু পান  
 করাইয়া তাহাকে স্নিগ্ধ-শীতল করত তাহার স্বরূপ পুষ্ট করিয়া  
 প্রেমানন্দে মগ্ন করেন ।

পদ্ম মধ্যে বে মধু থাকে, তাহা চক্ষুরোগের এক মহৌষধ ।  
 পদ্মমধু চক্ষে লাগাইলে চক্ষুর ছানি কাটিয়া যায় এবং চক্ষু  
 মিস্মল হইয়া জ্যোতিস্মান হওত সূক্ষ্ম দর্শনের যোগ্যতা লাভ  
 করে । সেইরূপ শ্রীগুরুপাদপদ্ম নিজের সেবারস দিয়া  
 জীবের স্বরূপচক্ষুর অজ্ঞান আঁধার কাটাইয়া ভগবন্তত্ব জ্ঞানের  
 উজ্জ্বলজ্যোতি এবং ভগবৎস্বরূপ আশ্বাদনের উপযোগী সিদ্ধ

দেহ প্রদান করেন। পদ্মমধু নয়ন নির্মূল করে বটে, কিন্তু অন্তর নির্মূল করিতে পারে না। কিন্তু শ্রীগুরুপাদপদ্মের যে সেবামধু, তাহা স্বরূপের জ্ঞানচক্ষুকে উন্মীলিত করে এবং নয়নের পথে চিত্তকে শোধন করিয়া শ্রীভগবানকে পাইবার উপযোগী করিয়া দেয়।

মধুর আর একটা অদ্ভুত গুণ বাহ্য আয়ুর্বেদ শাস্ত্রে এবং আধুনিক চিকিৎসা বিজ্ঞানে আবিস্কৃত হইয়াছে, তাহা এই যে, রোগে ভুগিয়া ভুগিয়া যখন মানুষের জীবনীশক্তি কমিয়া যায়, অথু কোন পথ্য চলে না, প্রাণরক্ষা পাওয়া কঠিন হয়, তখন নিয়মিত মধু পানে সেই রোগীর প্রাণ রক্ষা হয় এবং জীবনীশক্তি পুনরুত্থিত হয়। সেইরূপ যখন ভবরোগের মুমূর্ষু অবস্থায় জীবের স্বরূপ-জীবন লুপ্ত হইবার উপক্রম হয়, অন্য পথ্য অর্থাৎ কর্ম-জ্ঞান-যোগাদি দ্বারা উদ্ধার হওয়ার কোন সম্ভাবনা থাকে না, তখন ভবরোগের নিদানবেদী শ্রীগুরুপাদ-পদ্ম সেই জীবকে কেবল সেবামধু পান করাইয়া তাহার স্বরূপের জীবনীশক্তিকে উত্থিত করেন ও তাহার প্রাণ বাঁচান।

শ্রীগুরুদেবের শ্রীপাদপদ্ম মায়াতীত চিদানন্দ রসসাগরের বস্তু হইলেও শ্রীভগবৎ ইচ্ছাক্রমে জীবের প্রতি কৃপা করিয়া এই ভবসাগরে উদ্ভিত হয়েন, বাস করেন ও নানা লীলা বিস্তার করেন। যদি বলা যায়, মায়িক জগতে ত্রিগুণের মধ্যে বাস করত লীলা বিস্তার করিয়া কিরূপে নিত্য স্বরূপে অবিকৃত থাকেন? তাই শ্রীপদদ্বয়ের সহিত পদ্মের

তুলনা করা হইয়াছে। পদ্ম যেমন জলের মধ্যে থাকে, জলের মধ্যে ত্রীড়া করে, জলে ডুবে, ভাসে কিন্তু জলের স. স্পর্শে বিকৃত বা জলের সহিত যুক্ত হয় না, অধিকন্তু নিজের মধ্যে মধুপানের জন্য আগত মধুকরকেও এমনভাবে আবৃত রাখে যে, মধুকরও জলে স্পৃষ্ট হয় না। সেইরূপ শ্রীগুরুদেবের শ্রীপাদপদ্মও এই সংসারে উদ্ভিত হইয়া বাস করেন, নানা লীলা বিস্তার করেন বটে, কিন্তু মায়িক ত্রিগুণরসের সহিত অস্পৃষ্ট ও অবিকৃত থাকেন ; আর তাঁহার আশ্রিতগণকেও এমনভাবে আবৃত করিয়া রাখেন যে, তাঁহারাও এই সংসারের ত্রিগুণময় জড়রসে স্পৃষ্ট হইয়ে না।

আবার পদ্ম যেমন সূর্যের উদয়ের সঙ্গে সঙ্গে প্রফুল্লিত হয় এবং সূর্য অস্তাচলে যাওয়ার সঙ্গে সঙ্গে মুদিত হয়, সেইরূপ শ্রীগুরুপাদপদ্মও জীবের ভক্তিবৃত্তি উদয়ের সঙ্গে আবির্ভূত হন, আবার জীবের যখন ভক্তিবৃত্তি সঙ্কুচিত হয়, অর্থাৎ শ্রীগুরুদেব, তাঁহার আদেশ, উপদেশ, বাণী, আচার, ব্যবহার ইত্যাদি লইতে বা সেবা করিতে যখন শিষ্য কুণ্ঠিত হন, তখনই শ্রীগুরুপাদপদ্ম অন্তর্হিত হন। অবশ্য উচ্চ জাতরতি সাধকের পক্ষে প্রকটাপ্রকট কিছুই নাই। তিনি সর্বাবস্থায় শ্রীগুরুসেবা করিয়া থাকেন। আর নিষ্ঠাপ্রাপ্ত সাধক কখনও প্রকট এবং কখনও অপ্রকট এই ভাবময় মানস স্ফুটিতে শ্রীগুরুদেবের দর্শনাদি পাইয়া থাকেন। আর নিষ্ঠাশূন্য সাধক শ্রীগুরুদেবের দর্শনাদি পান না।

অবশ্য ইহাও শ্রীগুরুদেবের কৃপা। ইহাতে সাধকের আর্তি, দৈন্যের বর্জন হয়। না কাঁদিলে যে রূপ মায়েরও দুধ পাওয়া যায় না, সেইরূপ সাধকও যখন প্রবল আর্তির সহিত শ্রীগুরুদেবের দর্শন প্রার্থনা করেন, তখন পরম করুণাময় শ্রীগুরুদেবও কৃপা করিয়া দর্শন, স্বপ্ন ও অনুভবাদি দেন। সুতরাং শ্রীগুরুতত্ত্ব নিত্য সত্য ও প্রকট।

শ্রীগুরুদেব এখানে অর্থাৎ দৃষ্ট স্বরূপে শ্রীচৈতন্যের পরিকর ও সিক স্বরূপে তিনি যুথেশ্বরী। যুথেশ্বরীর মধ্যে যদিও শ্রীমতী রাধারাণী ও শ্রীললিতা দেবী প্রভৃতি মুখ্যা, তথাপি শ্রীরূপমঞ্জরীই সমস্ত মঞ্জরীর অধিষ্ঠাত্রী ও শ্রীশ্রীরাধাকৃষ্ণ সেবারূপা মঞ্জরীগণের প্রতীক।

‘শ্রীগুরুচরণ’ এখানে সমষ্টিগুরুকে লক্ষ্য করিয়া বলিয়াছেন। এই সমষ্টি গুরুর স্বরূপ অভিন্ন ভগবদ্ স্বরূপ হইয়াও শ্রীচৈতন্যের মনোভীষ্টস্থাপকরূপে শ্রীকৃষ্ণের কারুণ্যশক্তি মূর্তি পরিগ্রহ পূর্বক সাধকের স্থূল দৃষ্টির গোচর হইয়াছেন।

শ্রীগুরুদেবের গৌর-পরিকরত্ব এবং ব্রজপরিকরত্ব— এই উভয় স্বরূপই নিত্য; তাই সমষ্টি গুরুতত্ত্বের উদ্দেশ্যে ‘শ্রীগুরুচরণ’ বলিয়াছেন। ‘অজ্ঞান তিমিরান্ধস্য’ শ্লোকে শ্রীলোকনাথ গোস্বামীপাদকে ও ‘শ্রীচৈতন্যমনোভীষ্টং’ শ্লোকে শ্রীরূপ গোস্বামীপাদকে লক্ষ্য করিয়াছেন। বস্তুতঃ উভয়ে একই গুরুতত্ত্বের স্ফুরণ। শ্রীল লোকনাথ গোস্বামীপাদ শ্রীশ্রীরাধাকৃষ্ণের প্রেমসেবারূপা শ্রীরূপমঞ্জরীর প্রকাশ

মূর্তি, অতএব সর্বথা অভেদ। সিদ্ধ স্বরূপে শ্রীগুরুদেব যেমন রূপ-গুণ-লীলাদির আশ্রয়স্থল, গৌর-পারিকররূপে ঠিক সেইরূপ ভাবাদিময় বিপরীত বিহারের আশ্বাদক এবং ভাবময়। অবশ্য ইহা ব্যাপ্তি গুরুর কথা, কিন্তু সমষ্টি গুরুরূপে তিনি সমস্ত আশ্রয়ত্বের অবধি শ্রীনিত্যানন্দস্বরূপ গৌরপারিকর এবং অখিল রসামৃতমূর্তি শ্রীকৃষ্ণের অখিল রসের আশ্বাদক। সাধক-গুরুস্বরূপে এই সমষ্টি গুরুরই মূর্তি প্রকাশ। সুতরাং গুরু, কৃষ্ণ তত্ত্বতঃ অভেদ; কিন্তু লীলায় শ্রীগুরু বিষয়জাতীয় রস আশ্বাদনলোলুপ আশ্রয়ত্বের স্ফুরণরূপ স্ব স্ব গুরুমূর্তি বিশেষ হইলেও সমষ্টিভাবে 'গুরুরূপে কৃষ্ণ কৃপা করেন'— এই কথাই যথাার্থ্য প্রকাশ করিলেন। বিশেষতঃ ভজন-রাজো এইপ্রকার উপলব্ধি ব্যতীত সাধকের ব্রজ প্রাপ্তিই হয় না। শ্রীকৃষ্ণই গুরুরূপে আমাদের নিকট আসিয়া লৌকিক বন্ধুর ন্যায় আমাদের মত দুর্গত পতিত জীবকেও কৃপা করিয়া থাকেন। তিনি পরমাত্মাস্বরূপে অর্থাৎ চৈত্য গুরুরূপে বুদ্ধিযোগাদি প্রদান করিয়া যেরূপ কৃপা করেন, তাহার মহিমার তুলনা নাই। শ্রীকৃষ্ণ দীক্ষা ও শিক্ষা গুরু রূপে বাহির হইতে যে কৃপা করেন, তাহা অসীম। বস্তুতঃ দীক্ষা ও শিক্ষাগুরুতে কোন ভেদ নাই। যদিও দাস, প্রকাশ, রূপ, স্বরূপ, অধিষ্ঠান, অধিষ্ঠাতা প্রভৃতি শব্দের দ্বারা অর্থান্তর প্রতীতি হয় বটে, কিন্তু শ্রীকৃষ্ণকৃপার চরম প্রকাশ অর্থাৎ কারুণ্যঘন মূর্তিই শ্রীগুরুদেব। সুতরাং

গুরুভক্তি হইতেই কৃষ্ণ প্রাপ্তি হয়। কৃষ্ণভক্তি ও গুরুভক্তিতে কোন পার্থক্য নাই। অতএব গুরুভক্তিই কৃষ্ণভক্তি। সাধকের আকর্ষণে মূম্বয়ী মূর্তিতেও গুরুর আবির্ভাব হয়। যেখানে গুরুদেব স্বতঃসিদ্ধরূপে শ্রীকৃষ্ণের প্রিয়জন, সেখানে যে বিশেষ কোন বৈশিষ্ট্য থাকিবে, তাহার আর সন্দেহ কি? শ্রীগুরুদেবকে গুরুরূপে অর্থাৎ সর্বশ্রেষ্ঠ ভক্তির বিষয়রূপে, সর্ববজ্ররূপে, অন্তর্যামীরূপে, অর্থাৎ ভগবদ্ গুণবিশিষ্ট ভগবদ্ স্বরূপই জানিতে পারিলে শ্রীজীব গোস্বামীপাদের বাণীর যথার্থ্য অনুভব হইবে, আর জন্মে জন্মেও তিনি প্রভু থাকিবেন। তবে শ্রীগুরুদেবকে শ্রীরাধাদাসীরূপে জানিলেই সর্বান্ত সুন্দর রূপে জানা হয়। গুরুতে, পরম গুরুতে, পরাৎপর গুরুতে কোন ভেদ নাই। মূল গুরু শ্রীনিতাইচাঁদই ক্রমনিম্নে অবতরণ করিয়া আমার গুরুর মূর্তিতে আমাকে কৃপা করার জন্য আমার কাছে আগমন করিয়াছেন। এক শ্রীনিতাই চাঁদই দীক্ষা-শিক্ষা ও চৈতন্য গুরুরূপে বিরাজিত। সুতরাং গুরুতন্ম্বে কোন ভেদ নাই। কেবল লীলাগত পার্থক্য।

সাধকের স্মরণ রাখা উচিত, আমার গুরুদেব শ্রীকৃষ্ণের নিত্য পরিকর হইলেও সেই পরিকরত্বের জন্য আমার প্রিয় নন; যদি তত্ত্বদগুণসম্পন্ন নাও হইতেন, তথাপি তিনি আমাকে যে স্বরূপে কৃপা করিয়াছেন, সেই স্বরূপেই সেবা সাধক ও সিদ্ধ শরীরে করিতে হইবে। নিত্যসিদ্ধভাবের প্রকটন-হেতু তাঁহার নিত্য পরিকর (অধুনা গুরুরূপে আগত) সাধ-

কের অননুসন্ধানে দৃষ্ট মূর্তির আনুগত্যে তাঁহার পূর্বস্বরূপের ভাব স্ফূর্তি হইবে। এইটাই নিত্যসিদ্ধ গুরুর শিষ্য হওয়ার পরম লাভ।

কেবল ভক্তিসঙ্গ- একমাত্র ভক্তির আশ্রয় (গৃহ), অথাৎ কেবলা ভক্তির আশ্রয়। “কেবলা ভক্তি” বলিতে অগ্যাভিলাষশূন্য জ্ঞান-কর্মাদিদ্বারা অনাবৃত্তা স্বরূপসিদ্ধা উদ্ভমা ভক্তি। ঐশ্বর্যজ্ঞানমিশ্রা ও কেবলা-ভেদে ভক্তি দুই প্রকার, ঐশ্বর্যজ্ঞানমিশ্রা ভক্তির উপাস্ত বৈকুণ্ঠপতি পরম ঐশ্বর্যময় শ্রীনারায়ণ। শ্রীভগবানে যাঁহাদের ঈশ্বর ও ঐশ্বর্যজ্ঞান প্রধান থাকে, তাঁহারা ঐ ভক্তির অধিকারী এবং ফল—চতুর্বিধ মুক্তিলাভ পূর্বক বৈকুণ্ঠ প্রাপ্তি। যথা শ্রীচৈতন্য চরিতামৃতে—

ঐশ্বর্য জ্ঞানে বিধিমাগে ভজন করিয়া।

বৈকুণ্ঠকে যায় চতুর্বিধ মুক্তি পাইয়া ॥

আর কেবলা ভক্তি ব্রজেই বিদ্যমান ও ব্রজবাসীগণ এই ভক্তির অধিকারী। সেখানে শ্রীকৃষ্ণ ঈশ্বরবুদ্ধি নাই, ঐশ্বর্য জ্ঞান নাই। কৃষ্ণের প্রতি মমতাধিক্যে ঐশ্বর্য জ্ঞান লুপ্ত। কৃষ্ণের মধুর রূপ, মধুর গুণ, মধুর নাম, মধুর লীলার আকর্ষণে আকৃষ্ট হইয়া পরমানুরাগভরে ব্রজবাসীগণ শ্রীকৃষ্ণের প্রতি ‘মোর পুত্র, মোর সখা, মোর প্রাণপতি’ বুদ্ধিতে প্রাণাধিকরূপে সেবা করিয়া থাকেন। ইহারই নাম কেবলা বা রাগাত্মিকা ভক্তি। শ্রীগুরু পাদপদ্মের কৃপাতে এই ভক্তি লাভ হয়। শ্রীগুরুচরণই এই কেবলা বা উদ্ভমা ভক্তির আবাসস্বরূপ

অর্থাৎ শ্রীগুরুপাদপদ্মেই এই ভক্তি থাকে ! যেহেতু 'গুরু কৃষ্ণরূপ হন শাস্ত্রের প্রমাণে' । শ্রীকৃষ্ণই আমাকে কৃপা করিবার জন্ম শ্রীগুরু মূর্তিতে আমার নিকট প্রকট হইয়াছেন । অতএব শ্রীকৃষ্ণপাদপদ্মে যেমন ভক্তি থাকে, সেইরূপ শ্রীগুরুদেবও কৃষ্ণরূপ বলিয়া শ্রীগুরুচরণেও ভক্তি থাকে ।

কেহ কেহ বলেন, শ্রীগুরুচরণে কৃষ্ণভক্তি থাকিতে পারে না । যেহেতু তিনি স্বরূপতঃ কৃষ্ণদাস । যেমন শ্রীগুরুপাদপদ্মে তুলসী ইত্যাদি দেওয়া যায় না, তেমনি শ্রীগুরুপাদপদ্ম কৃষ্ণভক্তির আশ্রয় এই কথা বলা যায় না । ইহার উত্তরে শাস্ত্র এই কথা বলিতেছেন—'ন মর্ত্যবুদ্ধ্যাসৃষেত সর্বদেবময়ো গুরুঃ' । ইহা মানুষ গুরু বা ব্যবহারিক গুরু সম্বন্ধে প্রযুক্ত হইলেও 'আচার্য্যং মাং বিজানীয়াৎ' শ্রীগুরু সম্বন্ধে প্রযুক্ত হইতে পারে না ।

আবার শ্রীকৃষ্ণপাদপদ্ম যেমন বাঞ্জা কল্পতরু, তাঁর নিকট যা বাঞ্জা করা যায় তাহাই পাওয়া যায় । সেইরূপ শ্রীগুরুপাদপদ্মেও জীব যা বাঞ্জা (ঐহিক-পারত্রিক মঙ্গলাদি) করে তাহাই পায় ; আবার কেবলা ভক্তি বা সেবা প্রার্থনা করিলে তাহাই পাওয়া যায় ।

বন্দে<sup>১</sup> শ্রীশ্রী সাবধান মনে \* — যাহাতে কোন প্রকার অপরাধ না ঘটে সেজন্য সর্বদা সতর্ক থাকিয়া সাবধানে এবং

অগ্ৰাভিলাষশূন্য হইয়া শ্রীশ্রীরাধামাধবের প্রেমসেবানুসন্ধান-যুক্ত মনে শ্রীগুরুদেবকে সেবা ও বন্দনা করিতে হইবে।

এখানে শ্রীগুরুপাদপদ্মকে সাবধান মনে বন্দনা করিতে বলিতেছেন। বন্দনা—অর্থাৎ বন্দনা করি। বন্দনা তিন প্রকার হয়। কায়িক, বাচিক, মানসিক। সাধারণতঃ শরীরের দ্বারা দণ্ডবৎ প্রণাম, বাক্যের দ্বারা স্তব-স্তুতি-গুণগান ও মনের দ্বারা শ্রীগুরুপাদপদ্মেরই চিন্তন। অর্থাৎ কায়-মনো-বাক্যে শ্রীগুরুদেবকে বন্দনা করিতে হইবে। এখানে কায়, মন ও বাক্যের প্রত্যেকটির আবার তিনটী করিয়া ভেদ আছে। কায়িক অর্থে ধন-জন-বিলু। ঐগুলির দ্বারা সেবা করিতে হইবে। 'জন' বলিতে স্ত্রী-পুত্র-কলত্র-শিষ্যাदि নিজজনের দ্বারা গো-বৎসের প্রীতির গায়, ধনের দ্বারা পক্ষী শাবকের প্রীতির গায়, আর সামর্থ্যের সহিত বাচিক ও মানসিক দুইটি ভাব সৃষ্টভাবে যুক্ত হইলে প্রিয়া ও প্রিয়ের গায় সেবা হয়। বাচিক অর্থাৎ শ্রীগুরুর নিকট হইতে বাক্য শ্রবণ, তাঁহাকে শ্রবণ করান এবং পরিপ্রশ্ন ইত্যাদি দ্বারা সেবা। মানসিক অর্থাৎ শ্রীগুরুবাক্য সত্য বলিয়া দৃঢ় বিশ্বাস এবং আমার গুরুদেবই বহু মূর্তিতে প্রকাশিত হইয়া আমাকে কৃপা করিতেছেন, বৈষ্ণব ও জগৎ শ্রীগুরুদেবেরই প্রকাশমূর্তি— এই দৃঢ় বিশ্বাস, স্মরণ্য তাঁহার কৃপাই আমার একমাত্র সম্বল।

যাঁহার প্রসাদে ভাই কৃষ্ণপ্রাপ্তি হয় যাহা হনে—  
এখানে 'ভাই' শব্দে সকলকেই লক্ষ্য করিয়াছেন।

গুরু-মুখপদ্ম বাক্য, হৃদি করি মহা শক্য,  
আর না করিহ মনে আশা ।

শ্রীগুরু-চরণে রতি, এই সে উত্তম গতি,  
যে প্রসাদে পূরে সর্ব আশা : ৪৭

শ্রীগুরুপাদপদ্মের কৃপায় জগতে সকলের প্রতি সমান দৃষ্টি হয়। বড়-ছোট ভেদ থাকে না এবং সর্বজীবে দয়ার ভাব উদ্রেক হয়। আর তাঁহার প্রসাদে প্রথমে যে 'শ্রী' শব্দে সমস্ত সম্পদ বলা হইয়াছে, তাহাও লাভ হয় অর্থাৎ ভবাম্বু পার হইতে আরম্ভ করিয়া কৃষ্ণপাদপদ্ম সেবা পর্য্যন্ত লাভ হয়। যেমন এক শ্রীভগবন্নামে 'চেতোদর্পণ মাজ্জনাং' হইতে আরম্ভ করিয়া 'সর্ববাত্মসপনাং' পর্য্যন্ত বা 'এক কৃষ্ণ নামে করে 'সর্বপাপনাশ' হইতে 'কৃষ্ণের সেবন' পর্য্যন্ত লাভ হয়, সেইরূপ শ্রীগুরুপাদপদ্মের কৃপায় সংসার তরণ হইতে আরম্ভ করিয়া ব্রজনবয়ুবদ্বন্দ্বের নিগূঢ় নিকুঞ্জ সেবা লাভ হয়।

শ্রীগুরুকৃপা ব্যতিরেকে ভক্তি বা ভগবৎকৃপা লাভ সুদূর পরাহত। অতএব সংসার হইতে উত্তীর্ণ হইয়া শ্রীকৃষ্ণকৃপা প্রাপ্তির নিমিত্ত সর্ববাঞ্চে শ্রীগুরুপাদাশ্রয় কর্তব্য। কেননা, শ্রীকৃষ্ণ-করণাই ঘনীভূত হইয়া মূর্ত্তি পরিগ্রহ করত শ্রীগুরুরূপে প্রকটীত; কাজেই সাক্ষাৎ শ্রীকৃষ্ণকৃপার মূর্ত্তিবিগ্রহ শ্রীগুরুকে পরিত্যাগ করিলে তদ্ব্যতঃ শ্রীকৃষ্ণকেই পরিত্যাগ করা হয়। ৩

গুরু মুখপদ্ম-বাক্য— শ্রীগুরুদেবের মুখবিনিঃসৃত শ্রীকৃষ্ণ-ভক্তিভঙ্গ ও প্রেমরসভঙ্গ ইত্যাদি উপদেশ বাক্য।

বাক্য—কৃষ্ণভক্তি-শ্রেয়স তৎপাদেশ্বরূপ-বাক্যং । মহাশক্য—  
 শ্রীকৃষ্ণপ্রাপণশক্তিযোগ্যম্ । উত্তম-গতি-উত্তমা চাসৌ গতিশ্চেতি  
 উত্তমগতিঃ । যথা—উত্তমগতি—প্রাপ্যবস্তুনাং শ্রেষ্ঠং ; শ্রীরাধাপ্রাপ-  
 বন্ধোচ্চরণকমলয়োঃ সম্বাহনাদিরূপা শ্রেয়সেবা । যে ওসাদে পূরে  
 সর্ব আশা—শ্রীন্দাবনে মণি-নিকুঞ্জমন্দিরে শ্রীরাধাকৃষ্ণয়োঃচামর-  
 ষাজন-পাদসম্বাহনাদিরূপা আশা যন্ত প্রসাদেন পূর্ণা স্থাৎ ৷৪৷

পূজনীয় গ্রন্থকার পূর্বের 'চরণপদ্ম' বলিয়া এখানে 'মুখপদ্ম'  
 বলিয়াছেন । ইহার তাৎপর্য্য এই যে, মধুপ পদ্মের আশ্রয়ে  
 যেরূপ স্নেহ ও নির্বিঘ্নে বিশ্রামসুখ উপভোগ করে এবং যথা-  
 বসরপদ্মমধু পান করিয়া পরিতৃপ্ত হয়, তদ্রূপ ভক্তভ্রমরও  
 প্রথমতঃ গুরুপাদপদ্মের আশ্রয় গ্রহণ করেন এবং গুরুপাদা-  
 শ্রয়ের মুখ্যফল গুরুমুখপদ্মবাক্য অর্থাৎ দীক্ষালাভ । এইরূপ  
 গুরুকৃপা-প্রভাবে ভক্তিপথ নির্বিঘ্ন হয় । অর্থাৎ মহদপরাধে  
 পতিত না হইয়া পরিশেষে প্রেমভক্তি লাভ করা যায় ।

ছদ্ম করি মহাশক্য—পূর্বোক্ত গুরুবাক্য হৃদয়ে দৃঢ়  
 বিশ্বাসের সহিত ধারণ করিতে হইবে । শ্রীগুরুবাক্যই শাস্ত্র  
 বাক্য বা বেদবাণী । শ্রীকৃষ্ণ যাহা বলেন, সেইটী যেরূপ  
 বেদবাণী, শ্রীগুরুদেবও যাহা বলেন তাহাও বেদবাণী বা  
 শ্রীভগবদ্বাণী । শ্রীগুরুর প্রত্যেকটি বাক্যই মহৎ-দুস্ত এবং  
 শ্রীকৃষ্ণ প্রাপণযোগ্য শক্তি বিধি বলিয়া হৃদয়ে দৃঢ় ধারণ  
 করিতে হইবে—অর্থাৎ শ্রীগুরুবাক্য পালনেই কৃষ্ণপ্রাপ্তি

হইবে। এই দৃঢ় বিশ্বাস করিতে হইবে। শ্রীগুরুতে যেরূপ কোনক্রমে লঘুতা আসিতে পারে না, ( কারণ শ্রীগুরুদেব সকল প্রকার লঘুতাকে স্নায় গুরুত্ব প্রভাবে গুরুযোগ্য করিয়া থাকেন ) সেইরূপ তাঁহার শ্রীকৃষ্ণ পাওয়ার উপযোগী বাক্যও মহাশক্তিশালী। এজন্ম এখানে 'মহাশক্তি' এই শব্দ 'গুরুমুখ পদ্ম' বাক্যের বিশেষণরূপে ব্যবহৃত হইয়াছে। এতদ্বারা গুরুবাক্যের মহাবল প্রদর্শিত হইয়াছে। শ্রীগুরুবাক্য ব্যতীত শ্রীকৃষ্ণ পাওয়ার সম্বন্ধে অন্য কোন উপদেশ আদির আশা করা উচিত নয়। কোন শাস্ত্র বা অন্য কোন মহাজনের নিকট যদি কোন উপদেশ পাওয়া যায়, তবে তাহা গুরুবাক্যের সহিত ঐক্য করিয়া গ্রহণ করিতে হইবে। ঐক্য না হইলে তাহাতে কৃষ্ণ পাওয়ার আশা নাই।

অতএব ঘাঁহার শ্রীকৃষ্ণসেবা প্রাপ্তির নিমিত্ত লুক্ক, তাঁহার সর্ববাগ্রে শাস্ত্রসম্মত শ্রীগুরুবাক্য হৃদয়ে ধারণ করুন। কিন্তু এ জগতে সদগুরু অতীব দুর্লভ। তাই শাস্ত্র সাবধান বাণী প্রয়োগ করিয়া সাধককে সতর্ক করিয়াছেন। যথা--

গুরবো বহবঃ সন্তি শিষ্যবিত্তাপহারকাঃ।

দুর্লভা গুরবো লোকে শিষ্টিচিন্তাবিশোধকাঃ।

কেবলমাত্র নানারূপে নানাপ্রকার অনুষ্ঠানের দোহাই দিয়া শিষ্যের বিত্তহরণ করার উপযুক্ত গুরু জগতে বহু দেখা যায়, কিন্তু ঘাঁহার শ্রীচরণাশ্রয়ে চিন্তা শোধন হয় এবং ভগবৎ

চরণাবিন্দে শরণাগতিমূলা ভক্তি হয়, তা'দৃশ গুরু অতীব বিরল ।

অতদ্বজ্ঞ মানবগণ প্রায়শঃ এইরূপ গুরুভ্রমে মহাশত্রুর  
কবলে পতিত হইয়া শুদ্ধভক্তিমাৰ্গ হইতে বহুদূরে চলিয়া  
যায় । কেহবা ভগবৎসেবা তুলিয়া নিজ স্ত্রী-পুত্রাদির সেবায়  
মত্ত হইয়া রহিয়াছে, অথচ তাহারা গুরুর নিকট উপদেশ  
পাইয়াছে—“সৰ্বজীবই ভগবান, স্ততরাং তোমার স্ত্রী-পুত্রাদির  
সেবাও ভগবানের সেবা । কেহ বা বলিতেছেন, গুরুই  
সাক্ষাৎ ভগবান ! কেননা, শাস্ত্রেই আছে—“গুরুব্রহ্মা গুরু-  
বিষুঃ গুরুদেবো মহেশ্বরঃ ।” ইত্যাদি প্রমাণে গুরুসেবা  
করিলেই ভগবৎসেবা হয় । স্ততরাং পৃথকরূপে ভগবৎসেবার  
আবশ্যকতা নাই । কিন্তু দুঃখের বিষয় এই যে, তাঁহাদের  
এ ধারণা আসে না যে, শ্রীভগবানই জগতের গুরু এবং যাঁহারা  
শ্রীভগবানের চরণাশ্রয় করিয়া সেই ভক্তিপথ জগতে প্রদর্শন  
করেন, তাঁহারা ভগবৎ কৃপায় গুরুশক্তি লাভ করিয়া জগতে  
গুরুরূপে পূজিত হইয়া থাকেন । অতএব মহাজনবাণী—

তাতে কৃষ্ণ ভজে করে গুরুর সেবন ।

মায়াজাল ছুটে পায় কৃষ্ণের চরণ ॥ ( শ্রীচৈঃ চঃ )

আর না করিহ মনে আশা— শ্রীগুরুদেব কৃপা করিয়া  
যে স্বাভাবিক বস্তু নির্দেশ করিয়াছেন, তাহা ব্যতীত অণু তুচ্ছ  
বিষয়ে আশা করিও না । ইহা দ্বারা সাধনান্তরের আশা  
ব্যাবৃত্ত হইতেছে ।

এতদ্বারা প্রেমভক্তির অধিকারী নির্ণয় করা হইল ।

অর্থাৎ যিনি শ্রীগুরুবাক্যে সুদৃঢ় বিশ্বাসী হইয়া ভক্তিপথে অগ্রসর হইবেন, তিনিই প্রেমভক্তির অধিকারী।

শ্রীগুরুচরণে রতি—শ্রীগুরুবিগ্রহে যিনি শ্রীভগবানের গুরুশক্তি উপলব্ধি করিয়া শ্রীগুরুপাদপদ্মে আত্মসমর্পণ করিয়াছেন, তিনিই শ্রীগুরুচরণে রতি প্রাপ্ত হইয়াছেন।

এখানে রতি শব্দে স্থায়ীভাব। অর্থাৎ শ্রীগুরুচরণে রতিই একমাত্র স্থায়ীভাব, উহার ব্যভিচার হইবে না। শ্রীগুরুচরণে একনিষ্ঠ রতি। অর্থাৎ যেখানে যতটুকু প্রীতি-মমতা ছিল বা আছে, সেইগুলিকে শ্রীগুরুচরণেই একমাত্র কেন্দ্রীভূত করিতে হইবে। “বিষয়ে যে প্রীতি এবে আছয়ে আমার। সেইমত প্রীতি হউক চরণে তোমার। দিনে দিনে বৃদ্ধি হউক নামের প্রভাবে ॥” যা প্রীতিরবিবেকানাং বিষয়ে-ধনপায়িনী’। একনিষ্ঠতার দৃষ্টান্তস্বল—‘শ্রীনাথে জানকী-নাথে চান্দেদঃ পরমাত্মনি। তথাপি মম সর্বস্বঃ রামঃ কমল-লোচনঃ’। শ্রীগুরুচরণে রতি অর্থাৎ আসক্তি হইলেই উৎস সাধ্যবস্ত্র বা প্রয়োজন শ্রীশ্রীরাধাকৃষ্ণের প্রেমসেবালাভ হইল জানিতে হইবে। যদি বলা যায় যে, ‘গুরোরপ্যবলিপ্তস্ত কার্য্যাকার্য্যমজানতঃ। উৎপথ প্রতিপন্নস্ত পরিত্যাগো বিধীয়তে’ ॥ —এই বাক্যের সামঞ্জস্য কি? অর্থাৎ এ স্থলে ‘শ্রীগুরুচরণে রতি’ ইহার সার্থকতা থাকে কোথায়? তদুত্তরে বলা যায়—শ্রীকৃষ্ণই যখন শ্রীগুরুরূপে আগমন করিয়াছেন, তখন শ্রীকৃষ্ণের কি কার্য্যাকার্য্যের বিচার আছে—না—পতন

আছে? তা যদি না হয়, তবে শ্রীগুরুদেবেরও কার্য্যাকার্য্যের বিচার নাই এবং তাঁহার পতনও নাই। তবে যে কোন কোন স্থানে পতন দেখা যায়, তাহা গুরুর নয়। যেখানে শিষ্য অণু বাসনা-কামনার বশবর্ত্তি হইয়া পরীক্ষা না করিয়া শাস্ত্রযুক্তির বাহিরে সেইরূপ গুরুকরণ করে, তাহার সম্বন্ধে এইরূপ উক্তি; সেইখানে পতনাদি দেখা যায়। তাহাই লক্ষ্য করিয়া উক্ত শ্লোক বলা হইয়াছে। একই গুরুস্বরূপের 'আচার্য্য চৈত্য় বপুষা' এবং 'হৃদয়েশেহজ্জুন তিষ্ঠতি' ইত্যাদি দুইরূপে গুরুভক্তের অভিব্যক্তি-হেতু প্রকৃত গুরুভক্তের এবং গুরুর ব্যভিচার বা পতন হয় না।

উত্তম গতি—শ্রীগুরুচরণে রতিই একমাত্র উত্তম গতি—যাহা অপেক্ষা আর শ্রেষ্ঠ প্রাপ্যবস্তু নাই। সাধনের দ্বারা যে স্থানে গমন করা যায় বা যে বস্তু লাভ করা যায় তাহার নাম গতি। শ্রীশ্রীরাধাকৃষ্ণের পাদসম্বাহনাদি প্রেমসেবাই উত্তমগতি বলিয়া শাস্ত্রে নির্ণীত হইয়াছে। শ্রীগুরুচরণে রতি হইলেই সেই সমস্ত সাধ্য-বস্তু লাভ হইল জানিতে হইবে।

যে প্রসাদে পূরে সর্ব আশা— একমাত্র শ্রীগুরুদেবের প্রসাদেই সর্ব আশা পরিপূর্ণ হয়। এখানে 'সর্ব আশা' বলিতে শ্রীকৃন্দাবনে মণি-মাণিক্যখচিত নিকুঞ্জমন্দিরে শ্রীরাধা-মাধবের চামর ব্যজন-পাদসম্বাহনাদিরূপা সেবাপ্রাপ্তির লালসা। অর্থাৎ সর্বপ্রকারে শ্রীরাধামাধবের প্রেমসেবা একমাত্র শ্রীগুরুকৃপাতেই লাভ হইয়া থাকে। যেহেতু 'যস্য প্রসাদাৎ ভগবৎ-

চক্ষুদান দিলা যেই            জন্মে জন্মে প্রভু সেই,  
 দিব্যজ্ঞান হৃদে প্রকাশিত ।  
 প্রেমভক্তি যাগ্য হৈতে,    অবিদ্যা বিনাশ যাতে,  
 বেদে গায় বাহার চরিত ॥৫॥

চক্ষুদান ইত্যাদি—সংসারার্ণব-তারণ-পূর্বকং চক্ষুচক্ষুর্মোচয়িত্ব। পরতত্ত্বালোকনযোগ্য দিব্যচক্ষুর্হেন দত্তং । দিব্যজ্ঞান ইত্যাদি—কৃষ্ণদীক্ষাদি-শিক্ষণ-রূপং দিব্যজ্ঞানং হৃদি প্রকাশিতং যৎপ্রসাদাদিতি শেষঃ । প্রকাশিত ইতি ভাবে ক্তঃ । বেদে গায় ইত্যাদি—বেদকর্তৃক কৃচ্চরিত্রগানং । যথা—সর্ববেদান্তসার শ্রীভাগবতে—‘আচার্য্যং মাং বিজানীয়াদिति । আচার্য্যবান্ পুরুষো বেদেত্যাদি শ্রুতেশ্চ । আচার্য্যো দেবো ভবেদিত্যাद्याশ্চ ॥৫

প্রসাদঃ’ ইত্যাদি শত শত প্রমাণ বিদ্যমান রহিয়াছে ।৪।

চক্ষুদান দিলা যেই—যিনি জীবের চক্ষুচক্ষু মোচন করিয়া, অথাৎ নষ্ট চক্ষুর উন্মীলন বা অজ্ঞানরূপ তিমিরে চক্ষু নষ্ট হইলে যিনি কৃষ্ণ-বহিঃস্মৃখতারূপ অজ্ঞান বিনাশ করিয়া ভগবৎ সাস্মুখ্য বিধান করেন কিংবা ভক্তিরূপ অঞ্জন-রঞ্জিত দিব্য-নেত্রের বিকাশ করেন, তিনিই প্রভু ।

জন্মে জন্মে প্রভু সেই— শ্রীকৃষ্ণমন্ত্র দীক্ষাতে শ্রীকৃষ্ণের সহিত সম্পর্কবিশেষ স্থাপন হয়, এজন্য শ্রীগুরুদেব সাধনাবস্থায় শিষ্যকে সিদ্ধস্বরূপ অবগত করাইয়া থাকেন । আর সিদ্ধা-বস্থায়ও শ্রীরাধামাধবের প্রেমসেবায় নিযুক্ত করিয়া থাকেন। অতএব কি সাধনাবস্থা কি সিদ্ধাবস্থা উভয় অবস্থায় শ্রীগুরুই

প্রভু বা সেব্য। অথবা শ্রীবৃহত্তাগবতামৃতের সিদ্ধান্ত অনুসারে শ্রীকৃষ্ণই গুরুরূপে অবতীর্ণ হইয়া থাকেন। যথা,

তত্তে মঘ্য কৃপাং বীক্ষ্য ব্যাগ্রোহনুগ্রহকাতরঃ ।

অনাদিং সেতুমুল্লঙ্ঘ্য ত্বচ্ছন্মোদমকারয়ম্ ॥

শ্রীমদগোবর্ধনে তস্মিন্ নিজপ্রিয়তমাপ্পাদে ।

স্বয়মেবাভবং তাত জয়ন্তাখ্যঃ স তে গুরুঃ ॥ (২।৪।৮৫-৮৬)

শ্রীভগবান বলিলেন, হে বৎস ! আমার প্রতি তোমার এতাদৃশী উপেক্ষা দেখিয়া ব্যাকুল হইলাম এবং তোমার অনুগ্রহ-কাতর হইয়া অনাদি স্বকৃত যে ধর্ম্মমর্যাদা, তাহা লঙ্ঘন করিয়া নিজ প্রিয়াপ্পদ সেই গোবর্ধনে তোমায় জন্মগ্রহণ করাইলাম এবং আমি স্বয়ং জয়ন্ত নামে তোমার গুরুরূপে অবতীর্ণ হইলাম ।

অতএব সর্বত্রই শ্রীগুরুত্ব এক এবং শ্রীভগবানই গুরু-রূপে অবতীর্ণ হন বলিয়া 'জন্মে জন্মে প্রভু'। যদিও ভক্তের নিজ নিজ গুরুবিগ্রহ ব্যষ্টিভাবে পৃথক, তথাপি সমষ্টিভাবে সকলেরই গুরু এক — ভগবান। অর্থাৎ এই শ্রীগুরুদেবই সমষ্টি-গুরু শ্রীভগবানের সাক্ষাৎ অবতার বলিয়া ইনিই শ্রীকৃষ্ণ-দীক্ষাদি শিক্ষণরূপ দিব্যজ্ঞান প্রদান করিয়া থাকেন। এইরূপে সমষ্টি গুরুই জগতে নিজের ভাগবতী তনু প্রকট করিয়া ব্যষ্টি গুরুরূপ ধারণ করেন বলিয়া 'জন্মে জন্মে প্রভু' বলিয়াছেন ।

শ্রীগুরুদেবের সহিত শিষ্যের এই জন্মেই যে সম্বন্ধ শেষ

হইল এমন নহে। তিনি জন্মে জন্মে শিষ্যের নিত্য প্রভু ও শিষ্যও তাঁহার নিত্য সেবক। এখানে একটি সন্দেহ হইতে পারে, গুরু ও শিষ্যের মধ্যে অগ্র-পশ্চাৎ ভিরোভাব হওয়া অবগুন্নাহী। তাহা হইলে গুরু-শিষ্যের নিত্য সম্বন্ধ কিরূপে থাকিবে? উত্তর এই যে, গুরুত্ব ও গুরুসেবক-ত্ব অনিত্য নহে—নিত্য। লোকচক্ষে অগ্র-পশ্চাতে দেহত্যাগ আদি দৃষ্ট হইলেও শ্রীকৃষ্ণের অষ্টন-ঘটনপটীয়সী যোগমায়া শক্তি গুরু-শিষ্যের সেই নিত্য সম্বন্ধ যে কোনও কৌশলে অক্ষুন্ন রাখিবেন। গুরু যদি আগে চলিয়া যান, তিনি নিত্যধাম হইতে সংশিষ্যের হৃদয়ে শক্তি সঞ্চার করিয়া শিষ্যকে নিত্যধামে আকর্ষণ করিবেন। শিষ্য সেই দেহেই থাকুন বা যেখানেই জন্মগ্রহণ করুন না কেন, নিত্যধামগত গুরুর তাঁহার প্রতি লক্ষ্য করা বা তাঁহাকে আকর্ষণ করা অসম্ভব হইবে না। শিষ্য যেখানে জন্ম গ্রহণ করবেন, শ্রীগুরু তনিকটবর্তী কোন স্থানে কোনও যোগ্য ভক্তের উপর শক্তি প্রকাশ করিয়া, কখনও বা স্বয়ং অবতীর্ণ হইয়া শিষ্যকে পুনরায় শিক্ষা-দীক্ষা দিবেন। সারকথা, যোগমায়া দ্বারা পরস্পরের নিত্য সম্বন্ধ অক্ষুন্ন থাকিবে।

দিব্যজ্ঞান — শ্রীকৃষ্ণ-দীক্ষাদি-শিক্ষণরূপ দিব্যজ্ঞান  
 বাঁহার কৃপায় হৃদয়ে প্রকাশ পান। দিব্যজ্ঞান বলিতে অপ্রাকৃত জ্ঞান। 'দিব্যং জ্ঞানং যতো দৃষ্ট্যং কুর্ব্যাৎ পাপস্য সংক্ষয়ং তস্মাদ্দীক্ষেতি সা প্রোক্তা দেশিকৈস্তত্বকোবিদেঃ' (শ্রীহরি-

ভক্তিবিলাস) শ্রীগুরুদেব দিব্যজ্ঞান দান করেন এবং পাপের সংক্ষয় করেন। সেই জন্ম তত্ত্ববেদা তাচার্য্যগণ তাহাকে দীক্ষা বলেন। শ্রীগুরুদেব শিষ্যকে সম্বন্ধ, অভিধেয়, প্রয়োজন তত্ত্বজ্ঞান করাইয়া শ্রীকৃষ্ণের সহিত সম্বন্ধ স্থাপন করিয়া দেন, ইহার নাম দীক্ষা। আর শ্রীকৃষ্ণের ভজন-প্রণালী শিক্ষা দেন বলিয়া তাহার নাম শিক্ষা। শ্রীকৃষ্ণই গুরুরূপে মন্ত্রদানরূপ কৃপা করেন। শ্রীগুরুর মুখ হইতে মন্ত্র প্রাপ্তিই দীক্ষা। কোন গ্রন্থাদিতে কোন মন্ত্র দেখিয়া যদি কেহ জপ করেন, তাহাতে সিদ্ধি লাভ হয় না। ভগবৎ প্রাপ্তির জন্ম শ্রীগুরুর প্রসন্নতাই মূল। গুরুভক্তি অন্য সাধনের অপেক্ষা করে না। গুরু সাক্ষাৎ ভগবৎস্বরূপ। 'এষ শ্রীকৃষ্ণ-লক্ষণোহপি' 'ইনিই শ্রীকৃষ্ণ'—এইরূপ বুদ্ধি ব্যতীত ভগবত্তত্ত্ব-জ্ঞান হয় না। মন্ত্র মন্ত্রদেবতা ও গুরু, এই তিন একই। 'যো মন্ত্রঃ সঃ গুরুঃ সাক্ষাদ্ যো গুরুঃ সঃ হরিঃ স্বয়ং'। যিনি সৎ-বন্ধুর ন্যায় শিষ্যের নিকট আসিয়া স্ব-রহস্য মন্ত্র উপদেশ করেন এবং বিনাসাধনে দুর্লভ প্রেমধন প্রদান করেন, তিনি জগদ্গুরু এবং সেই জগদ্গুরু শ্রীগৌরাঙ্গই আপামরকে প্রেমদানে আত্মসাৎ করিয়াছেন। অতএব স্বরূপতঃ মন্ত্র, মন্ত্রোদ্দিষ্ট দেবতা, মন্ত্রোপদেষ্টা গুরু ও উপদিষ্ট মন্ত্রে কোন ভেদ নাই। এইরূপ একত্ব প্রতীতি হইলেই শিষ্যের প্রাকৃত সুখ-দুঃখাদি চন্দ্রভাবের অবসান হয় এবং স্বরূপানন্দে নিমগ্ন হইয়া যান। অতএব শ্রীগুরু-কৃপায় দিব্য চন্দ্রলাভ এবং

হৃদয়ে দিব্যজ্ঞান প্রকাশিত হয়।

প্রেমভক্তি যাহা হৈতে—শ্রীগুরু-কৃপালব্ধ সম্বন্ধ জ্ঞান হইতে শ্রীকৃষ্ণে মমতা বা প্রীতি প্রকাশ পাইয়া থাকে এবং সেই ভগবৎপ্রীতিই গুরুশক্তিকে সমাশ্রয় করিয়া জাগতিক সাধক হৃদয়ে প্রবিষ্ট হওত সাধককে ভগবানের সন্নিকটে আকর্ষণ করেন বলিয়া 'প্রেমভক্তি যাহা হৈতে' বলিয়াছেন।

অবিद्या বিনাশ যাতে—বস্তুতঃ সাধনভক্তি হইতেই অবিद्या বিনাশ হইয়া থাকে, তথাপি অবিদ্যার কার্য্য ভজন-বাধক অনর্থরূপে উপস্থিত হইয়া থাকে। সেই অনর্থ চারি-প্রকার। স্কৃতিজাত দুষ্কৃতিজাত, অপরাধজাত ও ভক্তিজাত।

স্কৃতিজাত অনর্থ—ভজন-প্রারম্ভে কোন ভক্ত দরিদ্র ছিলেন, কিন্তু পূর্ব্ব স্কৃতি বশতঃ হঠাৎ ধন-সম্পত্তি উপস্থিত হইল। এক্ষণে তাঁহাকে সেই প্রাপ্ত সম্পত্তির রক্ষণাবেক্ষণ ও উন্নতি সাধনেই ব্যাপ্ত থাকিতে হইল, কাজেই ভজনে বাধা পড়িল—ইহাই স্কৃতিজাত অনর্থ।

দুষ্কৃতিজাত অনর্থ—কোন ব্যক্তি ভজনে প্রবৃত্ত হইয়াছেন, কিন্তু পূর্ব্ব দুষ্কৃতি বশতঃ তাঁহার ধন-সম্পত্তি নষ্ট হইল, এবং সেই দুঃচিন্তায় তাঁহার ভজনে শৈথিল্য উপস্থিত হইল। ইহাই দুষ্কৃতিজাত অনর্থ।

অপরাধজাত অনর্থ—সাধারণতঃ নাম অপরাধ, সেবা অপরাধ ও বৈষ্ণবাপরাধ ভেদে তিনপ্রকার হইলেও নামা-পরাধই (অপরাধজাত) অনর্থ বলিয়া অভিহিত। নাম অপরাধ

দশপ্রকার। সেবা অপরাধ বত্রিশ প্রকার, বৈষ্ণব-নিন্দাদি ভেদে বৈষ্ণবাপরাধ বহু প্রকার। কিন্তু বৈষ্ণবাপরাধ অতীব ভীষণতম অপরাধ। কারণ বৈষ্ণবাপরাধ হইলে ভক্তি দেবী অন্তর্দ্বান করেন। বৈষ্ণব নিন্দা বা দ্বেষ হইতেছে ভক্তি বা প্রীতির বিরোধী ও অন্তরায়। সাধারণতঃ ঈর্ষ্যা বা ভয় বশতঃ দ্বেষ জন্মে। যেখানে ঈর্ষ্যা ও ভয়ের মিশ্রণে দ্বেষ জন্মে, সেখানে ক্রোধের উদয় হয়, আর যেখানে ঈর্ষ্যা বশতঃ দ্বেষ জন্মে, সেখানে নিন্দার উদয় হয়। কেহ কেহ বলেন, বৈষ্ণব-কৃত কঠোর বখার্খ স্বরূপ কথনের নাম নিন্দা নহে। কেননা, কুকর্্মপরাধে বৈষ্ণবগণ সম্বন্ধে নীরব হইয়া থাকিলে তাঁহাদের কুকর্মে প্রশ্রয় দেওয়া হয়।' কিন্তু সৃক্ষ্মভাবে বিচার করিয়া দেখিলে মনে হয় যে, নিন্দা করা কোন মতেই যুক্তিসঙ্গত নহে। প্রথমতঃ দেখিতে হইবে যে, যিনি নিন্দা করিতেছেন, তিনি দোষশূন্য কিনা? বস্তুতঃ সর্বদোষশূন্য মনুগ্র এজগতে বিরল, বিশেষতঃ নিজের হৃদয়ে দোষগত সংস্কার না থাকিলে, অপরের দোষ দৃষ্টি হয় না। যখন তিনি নিজে দোষশূন্য নহেন, তখন তাঁহার মুখে অন্তের দোষ কীর্তন শোভা পায় না। বাস্তবিকপক্ষে মহাপুরুষগণ কদাচ কাহারও দোষ দর্শন করেন না। অতএব যাঁহারা যে পরিমাণে নিজে দোষী, তাঁহারাই সেই পরিমাণে অন্তের দোষ দর্শন করেন এবং তাহা লোকের নিকট কীর্তন করেন।

এই জন্মই শ্রীল স্বামিপাদ শ্রীমদ্ভাগবতের টীকায় নিন্দা

শ্রী গুরু করুণা-সিন্ধু,                      অধম জনার বন্ধু,  
লোকনাথ লোকের জীবন ।

হা হা প্রভু! কর দয়া,              দেহ মোরে পদ-ছায়া,  
এবে যশঃ যুযুক ত্রিভুবন ॥ ৩৭

শব্দের অর্থ 'দোষ কীর্তন' লিখিয়াছেন। অতএব নিন্দাদি পরিত্যাগ করিয়া ভজন আরম্ভ করিলে ক্রমে ক্রমে অনর্থ ক্ষয় হইতে থাকে।

ভক্তিজাত অনর্থ—লোকে আমার ভক্তি বাজন দেখিয়া আগাকে অর্থাৎ প্রদান করুক বা পূজাদি করুক বা আমার প্রতিষ্ঠা-যশ ঘোষণা করুক—এইপ্রকার লাভ, পূজা প্রতিষ্ঠার ভজনে ভগবদ্ভজন হয় না, কাজেই ভজনের অভিন্নয় প্রদর্শন করা হয় মাত্র, ইহাই ভক্তিজাত অনর্থ।

বেদে গায় ইত্যাদি—বেদাদি শাস্ত্রও শ্রী গুরুর মহিমা কীর্তন করেন। যথা 'আচার্য্যবান্ পুরুষো বেদ', 'যশ্চ দেবে পরাভক্তি যথা দেবে তথা গুরো' ইত্যাদি শ্রীভগবান বলিয়াছেন— শ্রী গুরুকে আমার স্বরূপ বলিয়া জানিবে।

শ্রী গুরু করুণা-সিন্ধু—করুণা— পরদুঃখ-কাতরতা। যিনি পরদুঃখ সহ্য করিতে না পারেন, তাঁহাকে করুণ বলা হয়। শ্রী গুরুদেব সেই করুণা-সাগর। যদিও শ্রীভগবান ভক্তির বশ, কিন্তু শ্রী গুরুদেব নিজ শিষ্যকে সেই ভক্তি প্রদান করেন। শ্রীভগবান যোগ্যপাত্রে করুণা করেন, কিন্তু অপরাধ ঘটিলে তাহার নিকট হইতে দূরে সরিয়া যান। শ্রী গুরুদেব করুণা-

সিদ্ধু বলিয়া স্বীয় কারুণ্যগুণে শিষ্যের সমুদয় অপরাধ ক্ষমা করিয়া ভক্তিসম্পদ প্রদান করেন।

অধমজনার বন্ধু—সকলকে বশ্যবশ সম্মান করা ও সকলের নিকট ব্রহ্ম-ভক্তি প্রার্থনা করাই বৈষ্ণব-সভাব। 'উত্তম হঞা বৈষ্ণব হবে নিবভিমান'। অতএব যিনি আপনাকে সর্ববাপেক্ষা অধম বলিয়া মনে করেন, তিনিই গুরুরূপা লাভের অধিকারী। এখানে বন্ধু শব্দের অর্থ, যিনি কদাচ ত্যাগ সহ্য করিতে পারেন না। অর্থাৎ গুরু ও শিষ্যে কদাচ বিচ্ছেদ হয় না। এইজন্য বলিয়াছেন—

লোকনাথ লোকের জীবন - শ্রীল ঠাকুর মহাশয়ের দীক্ষাগুরু ভগবদ্পার্বদ শ্রীল লোকনাথ গোস্বামী প্রভু; অতএব শ্রীগুরুচরণ-সন্নিধানে অবস্থানই লোকের জীবন, অন্যথা মরণ। এইরূপে শ্রীগুরু মহিমা বর্ণন করিতে করিতে নিজের অযোগ্যতারূপ আত্তির স্মৃতিহেতু বলিছেন--

হা হা প্রভু! কর দয়া। প্রভু—অযোগ্য ও অধমকেও কৃপাগুণ-ধারণের যোগ্যপাত্র করিতে সমর্থ।

দেহ মোক্ষ পদ-ছায়া - আতপ-তাপিত জনের যেমন 'ছায়া' শান্তিপ্রদ আশ্রয়, তেমন শ্রীগুরু-পদ-ছায়াও ত্রিতাপে দগ্নীভূত অধমজনের শ্রেষ্ঠ আশ্রয়রূপ।

এবে বশঃ যুবক ত্রিভুংগ-শ্রীল ঠাকুর মহাশয়ের অনু-শরণ করিয়া সকল সাধককেই এইরূপে শ্রীগুরুর মহিমা গান করিয়া তাঁহার কৃপা প্রার্থনা করিতে হইবে। ৬।

বৈষ্ণব-চরণরেণু,

ভূষণ করিয়া তনু,

যাহা হইতে অনুভব হয় ।

মার্জ্জন হয় ভজন,

সাদুসঙ্গে অনুক্ষণ,

অজ্ঞান-অবিद्या পরাজয় ॥৭॥

যাহা হইতে- যন্মাৎ বৈষ্ণবচরণরেণু ভূষণাৎ । অজ্ঞান-অবিद्या—  
চতুর্বর্গ বাঙ্গা-তদ্রূপা অবিদ্যা ॥৭॥

বৈষ্ণব চরণরেণু...অনুভব হয় — শ্রী গুরুকৃপার সহিত  
বৈষ্ণবকৃপাও আবশ্যিক । তাই শ্রীপাদ ঠাকুর মহাশয় শ্রী গুরু  
মহিমা বর্ণনের পরেই বৈষ্ণবচরণ রেণুর মহিমা বর্ণন করিতে-  
ছেন । ভক্তি সাধকগণের বৈষ্ণবচরণ রেণুকেই তনুর ভূষণ  
করা আবশ্যিক । সর্বদা বৈষ্ণবচরণ রেণু মক্ষণ করিতে  
হইবে । কারণ আমরা মায়াবদ্ধ জীব, আমরা কৃষ্ণনাম-রূপাদি  
শ্রবণ-কীর্তন করি, বৈষ্ণবদর্শন করি, মহাপ্রসাদ সেবন করি,  
কিন্তু এই সমস্ত আনন্দ রসময় বস্তুর আনন্দ ও রসের  
কিঞ্চিন্মাত্রও আশ্বাদন বা অনুভব পাই না । মায়া দ্বারা  
আমাদের চিদানন্দ অনুভব শক্তি লুপ্ত হইয়াছে । যেমন অঙ্গে  
পক্ষাঘাত হইলে তাহাতে চিমটি কাটিলে, আগুন ছোঁয়াইলে  
কোন প্রকার অনুভূতি হয় না । আবার সেই অঙ্গে তৈলাদি  
ঔষধ মালিশের দ্বারা পক্ষাঘাত দূর হইলে তখন অনুভূতি  
আসে । সেইরূপ অবিद्या রোগে আমাদের বা আত্মার চিদানন্দ  
অনুভবের শক্তি লোপ হইয়াছে । বৈষ্ণবচরণ-রেণু সর্বদা  
মালিশের দ্বারা মারারোগ দূরীভূত হইলে আমরা ঐ সমস্ত

জয় সনাতন রূপ,                      প্রেমভক্তিরসকূপ,  
যুগল-উজ্জ্বলরস তনু।

বাহার প্রসাদে লোক.      পাশরিল দুঃখ শোক,  
প্রকট কলপতরু জন্ম ॥৮॥

চিদানন্দ রস বস্তুর এবং শ্রীগুরুমহিমা অনুভব করিতে পারিব।

মার্জ্জন হয় ভজন... অজ্ঞান অবিद्या পরাজয় — ভক্তিসাধন অবস্থাতে নানাপ্রকার অনর্থজালে জড়িত গৃহে অথবা কোন নির্জ্ঞান স্থানে একা বসিয়া ভজন করিলে নানাপ্রকার অনর্থ আসিয়া ভজনকে দূষিত করে। এইজন্য শ্রীপাদ ঠাকুর মহাশয় বলিতেছেন—অনুক্ষণ সাধুসঙ্গে হরিভজন করিলে ভজন মার্জ্জন ও অজ্ঞান-অবিद्या পরাজয় হইবে। মাসে বা পক্ষে একবার সাধুসঙ্গ করিলে ভজনে ফলোদয় হইবে না—অনুক্ষণ সাধুসঙ্গ করিতে হইবে। সাধু দুই প্রকার। (১) শুদ্ধ ভক্ত (২) ভক্তিরস শাস্ত্র। কোন সময়ে ভক্তিরসিক ভাগবতগণের সঙ্গ এবং বখনও বা ভক্তিরস শাস্ত্রের সঙ্গ করিতে হইবে। তাহা হইলেই ভজন মার্জ্জিত হইবে। ভজন মার্জ্জনের ভাবার্থ এই যে, দর্পণ যতই পরিমার্জ্জিত হয়, ততই তাহাতে প্রতিবিম্ব স্পষ্টরূপে প্রতিফলিত হয়। সেইরূপ ভজন যতই মার্জ্জিত হয়, ততই শ্রীভগবান্নাম-রূপাদির মাধুর্য্য অনুভব হয় এবং চতুর্বিধ বাসনার মূল যে অবিद्या তাহাও চিরতরে পরাজয় প্রাপ্ত হয়। স্বরূপে অবস্থিত হইয়াই শ্রবণ-কীর্তন-স্মরণাদি করিতে হইবে। কারণ কৃষ্ণনাম-রূপ গুণাদি স্বপ্রকাশ বস্তু,

জড় ইন্দ্রিয়ে প্রকাশ হন না। বিশুদ্ধ আত্মস্বরূপেই বা  
সেবোন্মুখ চিত্তবৃত্তিতে প্রকাশিত হন। সাধুসঙ্গ হইতেই স্বরূপের  
স্ফুর্তি হয় ও অবিদ্যা বিনাশ হয়। ৭।

জয়স্নাতন রূপ— শান্ত, দাস্য, সখ্য, বাৎসল্য ও মধুর  
—এই পঞ্চবিধ ভক্তিরসের মধ্যে মধুর বা উজ্জল ভক্তিরসই  
সর্ববাপেক্ষা শ্রেষ্ঠ। এই শ্রেষ্ঠতা খ্যাপনের জন্যই শ্রীল ঠাকুর  
মহাশয় তাঁহাদের দুই ভ্রাতার জয়গান করিতেছেন। যেহেতু,  
শ্রীরূপ-স্নাতনই যুগল-উজ্জলরসের শ্রেষ্ঠ আশ্বাদক এবং  
যুগলরস-বিভাবিত কলেবর।

প্রেমভক্তি রসকূপ — সাগরে অজ্ঞাত নদ-নদীর জল  
মিশ্রিত থাকে, কিন্তু কূপজলে তাহা থাকে না বলিয়া উহা  
সম্ভাবতঃ নিস্কল ও সুশীতল। সেইরূপ শ্রীরূপ-স্নাতন-  
প্রচারিত প্রেমভক্তিরসে কস্ম, জ্ঞান ও যোগাদিরূপ নদ-  
নদীর মিশ্রণ না থাকায়, এই ভক্তিরস নিজ স্বরূপে অবস্থিত  
অর্থাৎ বিশুদ্ধ। এইজন্যই রসকূপ বলিয়াছেন। যাহারা  
প্রেমভক্তি রসমাধুরী পান করিয়া কৃপার্থ হইতে চাহেন,  
তাঁহাদিগকে এই দুই কূপের আশ্রয় গ্রহণ করিতে হইবে।  
শ্রীরূপ-স্নাতনের কৃপায় অদ্যাবধি লোকসকল তাঁহাদের  
গ্রন্থরূপ রসকূপে অবগাহন করিয়া শোক দুঃখাদি ভুলিয়া  
শ্রীরাধামাধবের ভজন করত ভক্তিরস আশ্বাদনে পরিতৃপ্ত  
হইতেছেন। এজন্য বলিয়াছেন, প্রকট কল্লতরু অর্থাৎ মूर्তিমান  
প্রেমভক্তিস্বরূপ। তাই ইহাদের শ্রীচরণাশ্রয়ই পরম মঙ্গলপ্রদ।

প্রেমভক্তি-রীতি যত, নিজ গ্রন্থে সুবেকত.  
 লিখিয়াছে দুই মহাশয় ।  
 বাহার শ্রবণ হৈতে, পরানন্দ হয় চিতে,  
 যুগল মধুর রসাস্রয় ॥৯॥  
 যুগলকিশোর-প্রেম, লক্ষবাণ যেন হেম,  
 হেন ধন প্রকাশিল যারা ।  
 জয় রূপ সনাতন, দেহ মোরে এই ধন,  
 সে রতন মোর গলে হারা ॥১০॥

দ্ব্যংগ্যং মহাশয়াভ্যাং শ্রীরূপসনাতনাভ্যাং সর্বপ্রেমভক্তি-রীতি-  
 ব্যক্তং যথা স্মৃৎ তথা নিজ গ্রন্থে লিখিতা । তৎশ্রবণাৎ উক্তানাং চিত্তং  
 প্রেমানন্দরূপসমুদ্রে প্লুতং স্যাৎ ॥৯॥

সে রতন মোর গলে হারা— তেন প্রেমরত্নেন কণ্ঠে হারং কর-  
 বাণীতি ভাবঃ ॥ : ১০ ॥

প্রেমভক্তি প্রাপ্তির সাধনরীতি এবং প্রেমভক্তি আশ্বাদন-  
 রীতি ও প্রেমপ্রাপ্ত সিন্ধু ভক্তগণের রীতিসকল শ্রীরূপ ও  
 শ্রীসনাতন এই দুই মহাশয় নিজ নিজ গ্রন্থে সুন্দররূপে ব্যক্ত  
 (সুস্পষ্ট) করিয়া লিখিয়াছেন। এই সকল গ্রন্থ অনুশীলনে  
 প্রেমভক্তির সত্য বিশেষরূপে আশ্বাদন হয় অর্থাৎ শ্রীরাধা-  
 মাধবের প্রেমরস-সিন্ধুতে আপ্লুত হয়! অতএব শ্রীপাদ  
 গোস্বামীগণের শ্রীগ্রন্থরূপ রসকূপে অবগাহন ব্যতীত সম্যক-  
 রূপে শ্রীরাধামাধবের নিগূঢ় প্রেমসেবা লাভ করা যায় না ॥৯॥

লক্ষবাণ—লক্ষবার স্বর্ণকে অগ্নিতে দগ্ধ করিলে তাহার  
 ভিতর যেমন কিছুমাত্র খাদ মিশ্রিত থাকেনা এবং তাহার

ভাগবতশাস্ত্র-মৰ্ম্য,                      নববিধ ভক্তিদৰ্ম্ম,  
সদাই করিব সুসেবন ।

অন্য দেবশ্রয় নাই,                      তোমাতে কহিল ভাই  
এই ভক্তি পরম কারণ ॥১১

সাদু-শাস্ত্র-গুরু বাক্য,                      হৃদয় করিয়া ঐক্য,  
সতত ভাসিব প্রেমমাঝে ।

কৰ্ম্মী জ্ঞানী ভক্তিহীন,                      ইহা করে করিবে ভিন,  
নরোত্তম এই তত্ত্ব গাজে ॥১২॥

উজ্জ্বলতাও সমধিক বর্দ্ধিত হইয়া থাকে, সেইরূপ যুগল-কিশোর সম্বন্ধীয় প্রেম অতি সুনির্মল, তাহাতে স্ব-সুখের গন্ধ-মাত্রও নাই । শ্রীপাদ রূপ ও সনাতন নিজ নিজ গ্রন্থে সেই উজ্জ্বল রসময় প্রেমরত্ন জগতের জন্ম প্রকাশ করিয়া রাখিয়াছেন । সেইজন্ম গ্রন্থকার পুনঃপুন তাঁহাদিগের জয় ঘোষণা করিতেছেন, আর প্রার্থনা করিতেছেন— সেই প্রেমধন আমায় প্রদান করিয়া আরও তোমাদের রূপার উৎকর্ষ জগতে প্রচার কর । আর আমিও সেই প্রেমরত্নের হার গলায় ধারণ করিয়া কৃতার্থ হই । ১০।

শ্রীমদ্ভাগবতের সার মৰ্ম্মই নববিধভক্তি, শ্রীপাদ রূপ ও সনাতন-প্রচারিত গ্রন্থাদিতে সেই নববিধা ভক্তিই উল্লিখিত হইয়াছে । অতএব ব্রহ্ম-রুদ্রাদি অন্য দেবতার আশ্রয় ত্যাগ করিয়া একান্তভাবে শ্রীকৃষ্ণের চরণাশ্রয় পূর্বক এই নববিধা ভক্তিদৰ্ম্মের অনুষ্ঠানই পরম কারণ, অর্থাৎ

প্রেমভক্তিপ্রাপ্তির সর্বোত্তম উপায় । ১১।

পূর্বের বলা হইয়াছে, 'গুরুমুখপল্লবাক্য হৃদি করি মহা-  
শক্য'— ইহা দ্বারা শ্রীগুরুবাক্যই দৃঢ়রূপে হৃদয়ে ধারণ করা  
উচিত—শির হইয়াছে, অতএব শ্রীগুরুবাক্যের অবিरोধে  
অন্যান্য সাধুর বাক্য এবং শাস্ত্রবাণীর সমন্বয় করা কর্তব্য ।  
এখানে সাধু শব্দে রূপানুগ ভক্তিরসিকগণ । শাস্ত্র শব্দে  
শ্রীমদ্ভাগবত ও তদনুগত ভক্তিরস, প্রতিপাদক শাস্ত্রসমূহ ।  
আর গুরু শব্দে ভজননিপুণ, শাস্ত্রজ্ঞ ও কাম-ক্রোধাদির  
অবশীভূত সদগুরুকেই বুঝিতে হইবে । গুরুবাক্যকেই  
সর্বোপেক্ষা বলবান বিবেচনায় অবিচারিতভাবে তাহা পালন  
করিতে হইবে । সাধুদিগের আচার, বাক্য ও ভক্তিশাস্ত্রের  
উপদেশ গুরুপদেশের সহিত ঐক্যই আছে । আমাদের  
মায়াগ্রস্ত মনে এই তিনটির ভেদ কখনও দেখা গেলেও হৃদয়ে  
দৃঢ়রূপে ধারণা করিতে হইবে যে আমার নিজেরই বুদ্ধির  
দোষ । সুতরাং কোন আভিজ্ঞ সাধুর নিকটে উহার প্রকৃত মর্ম  
বুঝিতে পারা যাইবে । শ্রীগুরুদেব যদি অন্য় আঞ্জা করেন,  
তাহাও কি অবিচারে প্রতিপালনীয় ? একরূপ শঙ্কট উপস্থিত  
হইলে প্রথমতঃ বিচার্য বিষয় এই যে, শাস্ত্রোক্ত লক্ষণযুক্ত  
গুরুকে প্রথমতঃ যে ব্যক্তি আশ্রয় করেন নাই, তাঁহারই  
এতাদৃশ শঙ্কটময় অবস্থা হইতে পারে । একরূপ অবস্থায় গুরু-  
বাক্যের সহিত সংশাস্ত্রের ঐক্যতা পূর্বক সদাচারী সাধুগণের  
উপদেশ প্রতিপালন করাই কর্তব্য । তখন শাস্ত্রবাক্য ও

সদাচারসম্পন্ন সাধুগণ যাহা বলেন, তাহার সহিত শ্রীগুরুবাক্য সমন্বয় কর্তব্য। অতএব যাঁহারা যথাশাস্ত্র গুরু গ্রহণ করেন নাই, তাঁহাদের বিষয় এহলে আলোচ্য না হইলেও তাদৃশ গুরু সম্বন্ধে কিছু আলোচনা করা যাইতেছে।

শাস্ত্রীয় লক্ষণযুক্ত গুরু না হইলে নিশ্চয় গুরু ও শিষ্য উভয়ের শঙ্কট উপস্থিত হইতে পারে। এজন্য শ্রীনারদ পঞ্চ-রাত্রে কথিত হইয়াছে—‘যো ব্যক্তি ন্যায়রহিতমন্যায়েন শৃণোতি যঃ। তাবুভৌ নরকং ঘোরং ব্রজতঃ কালমক্ষয়ঃ॥’ যিনি অন্যায় বলেন এবং যিনি অম্মায় শ্রবণ করেন, তাঁহারা উভয়ে (গুরু ও শিষ্য) অক্ষয় কাল ঘোর নরকে গমন করেন। অতএব এরূপ অন্যায় আজ্ঞাকারী গুরুকে দূর হইতে প্রণাম-বন্দনাদি করা ব্যতীত নিকটে গমন করিয়া উপদেশাদি গ্রহণ করা কর্তব্য নহে। আর গুরু যদি বৈষ্ণব-বৈদেষ্ণী হন, তাঁহাকে পরিত্যাগ করিতেই হইবে। যথা, “গুরোরপ্য-বলিপ্তস্ত কার্য্যাকার্য্যমজানতঃ। উৎপথ প্রতিপন্নস্ত পরিত্যাগো বিধীয়তে” ইতি স্মরণাৎ। তত্ ত বৈষ্ণবভাবরাহিতেনা-বৈষ্ণবতয়া ‘অবৈষ্ণবোপদিষ্টেন’— ইত্যাদি বচন বিষয়ত্বাচ্চ। (ভক্তিস-সন্দর্ভঃ ২৩৮ অনুচ্ছেদ) অর্থাৎ অবলিপ্ত (কুকার্য্যরত) কার্য্য ও অকার্য্য অর্থাৎ কোন্টী কর্তব্য, আর কোন্টী অকর্তব্য— ইহা যিনি জানেন না, উৎপথ-প্রতিপন্ন অর্থাৎ যিনি শাস্ত্র বিগর্হিত পথ অবলম্বন করিয়াছেন, এমন ব্যক্তিকে গুরুপদে বরণ করা হইলেও পরিত্যাগ কর্তব্য। যেহেতু,

শ্রীমদ্রূপগোস্বামিপাদেনোক্তম্—

অন্যাত্মলাভতাশূন্যং জ্ঞানকর্মাচনাবৃতম্ ।

আনুকূল্যেন কৃষ্ণানুশীলনং ভক্তিরূপম্ ॥

অন্য অভিলাষ ছাড়ি, জ্ঞান কর্ম পরিহারি,  
কায় মনে করিব ভজন ।

সাধুসঙ্গে কৃষ্ণসেবা, না পূজিব দেবী-দেবা,  
এই ভক্তি পরম কারণ ॥১৩॥

তাঁহার বৈষ্ণবতা না থাকায় অবৈষ্ণবতা নিবন্ধন “অবৈষ্ণব-  
উপদিষ্ট মস্ত্রে নরক হয়”, ইত্যাদি বচনের বিষয়ত্ব-হেতু উক্ত  
বৈষ্ণববিদ্বেষী গুরু অবশ্য পরিত্যজ্য ।

কর্মা ও জ্ঞানী যদিও ভক্তির অনুষ্ঠান করেন বটে,  
তাহা কর্মফল প্রাপ্তির নিমিত্ত ও জ্ঞান সিদ্ধির নিমিত্ত মাত্র—  
কৃষ্ণপ্রীতির জন্য নহে । অতএব শ্রীকৃষ্ণপ্রীতিশূন্য ভক্তির  
প্রতিকূল কর্মী ও জ্ঞানীর সঙ্গ দূরে পরিহার করিতে হইবে—  
ইহাই ( শ্রীল ঠাকুর মহাশয় ) গাজে—উচ্চ কণ্ঠে ঘোষণা  
করিতেছেন অর্থাৎ গর্জ্জন করিয়া বলিতেছেন । ১২।

‘অন্যাত্মলাভতাশূন্যং’—শ্রীভক্তিরসামৃতসিন্ধুর এই  
শ্লোকের টীকায় শ্রীল জীবগোস্বামি প্রভু যে বিস্তৃত ব্যাখ্যা  
করিয়াছেন, এই ত্রিপদী তাহারই সার সংকলনমাত্র ।

কায়িক, বাচিক ও মানসিক চেষ্টারূপা এবং প্রীতি-  
বিষয়াত্মক মানসভাবই ভজন । অর্থাৎ শরীর দ্বারা পরিচর্যা  
বাক্যদ্বারা শ্রীভগবন্নাম ও গুণ কীর্তন, মনদ্বারা তদীয় লীলাদির

মহাজনের যেই পথ,                    তাতে হবে অনুরত,  
পূর্বাপর করিয়া বিচার ।

সাধন-স্মরণ লীলা,                    ইহাতে না কর হেলা  
কায়-মনে করিয়া সুসার ॥১৪॥

দণ্ডকারণ্যবাসি-মুনয়ো বৃহদামনোত্তশ্রয়শ্চ চন্দ্রকান্তিশ্চ বিশ্ব-  
মঙ্গলাদয়শ্চ পূর্বমহাজনাঃ । বড়্গোষ্ঠা মনশ্চ পরমহাজনাঃ । সুসার  
—সুসিদ্ধম্ ॥১৪॥

চিন্তা এবং ঐ সকল চেফ্টা সর্বদা ভগবৎপ্রীতি-সম্পাদনময়ী  
হইবে এই ভজন বাপার ভগবানের স্বরূপ শক্তির বৃত্তি  
বলিয়া ইং কেবল শ্রীকৃষ্ণ ও তদন্তের অনুগ্রহে লাভ হয়,  
সুতরাং এই ভক্তির বিষয় একমাত্র শ্রীকৃষ্ণ বা শ্রীকৃষ্ণের  
অগ্ণ্য অবতারসকল, কিন্তু ব্রহ্ম-রুদ্রাদি বা অগ্ণ্য দেবতা  
এই ভক্তির বিষয় হইতে পারেন না । এজন্য তাঁহাদের  
পূজাদি ত্যাগ করিয়া অনুকূলভাবে ভজন করিতে হইবে ।  
ভক্তির স্বরূপ লক্ষণ হইতেছে - অনুকূলভাবে শ্রীকৃষ্ণভজন ।  
তটস্থলক্ষণ দুইটী, (১) অগ্ণ্যভিলাষশূন্য (২) জ্ঞান-কর্মাদিতে  
অনাবৃত । এখানে অগ্ণ্যভিলাষ বলিতে একমাত্র শ্রীকৃষ্ণভক্তি  
বিষয়ে অভিলাষ ব্যতীত অগ্ণ্য বস্তুর প্রতি অভিলাষ । অর্থাৎ  
শ্রীকৃষ্ণসুখ-সম্পাদন-লালসা ভিন্ন অগ্ণ্য নিজ সুখ লাভের  
বাসনা পরিত্যাগ করিয়া ভজনে প্রবৃত্ত হইতে হইবে । জ্ঞান  
বলিতে নির্ভেদ ব্রহ্মজ্ঞান । কর্ম বলিতে স্মৃতি শাস্ত্রোক্ত নিত্য-

নৈমিত্তিক কৰ্মাদি । কেননা একরূপ জ্ঞান ও কৰ্মে প্রবৃত্তি থাকিলে ভজন হয় না । একরূপ অনন্যা ভক্তিই প্রেমলাভের শ্রেষ্ঠ সাধন । তাই শুদ্ধভক্তগণ এই ভক্তিলাভ করিবার ইচ্ছাই সর্বদা হৃদয়ে পোষণ করেন ! ১৩।

শুদ্ধভক্তিপথে সাধককে নিজের স্বাধীনতা বা স্বাতন্ত্র্য সর্বতোভাবে বর্জন করিয়া মহাজনগণ যে পথে গমন করিয়া সিদ্ধি লাভ করিয়াছেন, সেই পথেই অনুগমন করিতে হইবে । এই পথের পূর্ব মহাজন বলিতে দণ্ডকারণ্যবাসি মুনিগণ \* বৃহৎ বামনপুরাণোক্ত শ্রুতিগণ ও চন্দ্রকান্তি প্রভৃতি পূর্ববর্তি মহাজনগণ শ্রীকৃষ্ণকে পতিরূপে পাইবার নিমিত্ত কান্তাভাব অবলম্বনে ভজন করিয়া শ্রীবৃন্দাবনে গোপীদেহ লাভ করত শ্রীকৃষ্ণের প্রেমসেবা প্রাপ্ত হইয়াছেন । শ্রীবিষ্ণুমঙ্গল ঠাকুর শ্রীরামিকার সখীভাবে লুক্ক হইয়া ভজন করত সিদ্ধিলাভ করিয়াছেন, ইনিও সখীভাবের (সখীবিশেষের) ভাবের অনুগত হইয়া ভজন করিয়াছেন । পরবর্তি কালের মহাজন শ্রীকৃষ্ণ-সনাতন প্রভৃতি গোস্বামীগণ, ইহারা শ্রীরামিকার সেবাপরা মঞ্জুরীরূপে ভজনরীতি প্রদর্শন করিয়াছেন । অতএব পূর্বাপর মহাজনের ভজনরীতি বিচার করিয়া তাঁহাদের প্রদ-

\* শ্রীরামচন্দ্রের সৌন্দর্য্য দর্শন করিয়া তাঁহাদের কুম্ভবিষায়িনী এবং শ্রীসীতাদেবীর সৌন্দর্য্য দর্শনে গোপীবিসায়িনী রতি উৎকৃষ্ট হইয়াছিল । তাই ঐ সকল মুনিগণ ভজন করিয়া পরে ঠায়ে গোপী হইয়াছিলেন । অতএব তাঁহারাও রাগানুগা মধ্যে পরিগণিত ।

শ্রিত পথে ও আনুগত্যে গমন করিবে।

বস্তুতঃ পূর্বোক্ত মহাজনগণের তজ্জরীতি এবং তাঁহাদের সিদ্ধপ্রণালী আলোচনা করিলে জানা যায় যে, কান্তাভাবলুক সাধকগণ শ্রীকৃষ্ণের প্রেমসেবা লাভ করিয়া যেরূপ মাধুর্য্য-স্বাদনে সমর্থ হন, সখীভাববিশিষ্ট সাধকগণ শ্রীরাধাকৃষ্ণের প্রেমসেবা করিয়া তদপেক্ষা অধিকতর মাধুর্য্য আন্বাদনে সমর্থ হন। আবার সেবাপরা মঞ্জরীগণ সখীগণ-পরিবেষ্টিত শ্রীরাধাকৃষ্ণের প্রেমসেবা করিয়া সর্বাধিক অধিকতম মাধুর্য্যস্বাদনে সমর্থ হন। অতএব মঞ্জরীভাবে শ্রীরাধামাধবের প্রেমসেবাই সর্বোত্তম সাধন ও সিদ্ধরীতি।

অশেষ দুঃখসঙ্কুল বিষয়ানুরক্ত মনকে বিষয় হইতে প্রত্যাহত করিয়া শ্রীভগবানের নাম, রূপ, গুণ ও লীলাস্মরণে নিয়োজিত করাই সাধন। যদিও শ্রীভগবানের নাম, রূপ, গুণ, লীলাদির সহিত কথঞ্চিৎ মনের সংযোগ হইলেই স্মরণ সিদ্ধ হয়, কিন্তু শ্রীগুরু ও শ্রীভগবৎ কৃপা ব্যতিরেকে মনুষ্য মায়িক মনের দ্বারা সহস্র চেষ্টা করিয়া সেই মনকে নিজবশে আনয়ন করিতে সমর্থ নহে। তাই গ্রন্থকার বলিতেছেন, “ইহাতে না কর হেলা।” কারণ, অনুচৈতন্যস্বরূপ জীব নিজের সামর্থ্যে তাহার মায়িক মনের দ্বারা লীলা স্মরণে অসমর্থ। অথচ লীলাদি স্মরণই শ্রেষ্ঠ সাধন।

অর্থাৎ সর্বপ্রকার সাধনের মধ্যে স্মরণই প্রত্যক্ষফল-প্রদ এবং স্মরণের ফলেই স্মরণকারী শ্রীভগবানের স্পর্শসুখ

অনুভব করিয়া থাকে ; কিন্তু এই সাক্ষাৎ স্মরণ সকলের পক্ষে সহজবপর নহে । কারণ চিত্ত শুদ্ধ না হইলে স্মরণ হয় না অর্থাৎ অশুদ্ধ পদার্থের ক্ষুরণরূপ মল থাকিলে স্মরণ হয় না । আবার সাধকের নিকট প্রথমে স্মরণ ব্যাপ্যরূপ পুরুষ-প্রত্যয় সাধ্য বলিয়া মনে হয়, তাই তাহাদের পক্ষে চিত্তশুদ্ধি দুষ্কর হয় ; কিন্তু নিজের পুরুষকার বুদ্ধি পরিত্যাগপূর্বক শ্রীভগবৎচরণে শরণাপন্ন হইয়া শ্রবণ কীর্তনাদি করিলে আনুষ্ঠানিক ভাবে চিত্তশুদ্ধি হইয়া যায় এবং সুন্দরভাবে স্মরণও হয় ।

নিজাভিলষিত পরিকর বিশেষের অনুগত হইয়া নিরন্তর লীলাস্মরণই এই রাগানুগমার্গের প্রধান সাধনাজ— ইহা পরে বিশেষভাবে বিবৃত হইবে ।

এইখানে শ্রীল ঠাকুর মহাশয় লীলা স্মরণকেই রাগানুগ-গণের সাধন বলিয়া উল্লেখ করিয়াছেন । ইহাতে কেহ মনে না করেন যে, রাগানুগমার্গে শ্রীনামসংকীৰ্তনের বিশেষ আবশ্যিকতা নাই । কেবল লীলাস্মরণ দ্বারাই সাধনায় সিদ্ধ হইব— একরূপ সিদ্ধান্ত সাধু-শাস্ত্রসম্মত নহে । সর্ব ভক্তিমার্গের মধ্যে সর্বকালে, সর্বশাস্ত্রে, সর্ব মহাজন কর্তৃক শ্রীনামসংকীৰ্তনই সর্বশ্রেষ্ঠতম পরম সাধন ও সাক্ষাৎ পরম সাধ্যস্বরূপ বলিয়া সিদ্ধান্তিত হইয়াছে । শ্রীল ঠাকুর মহাশয়ও এই গ্রন্থের পরিশেষে শ্রীনামসংকীৰ্তনকেই সর্বপ্রধানতম সাধন বলিয়া নির্ণয় করিয়াছেন । সুতরাং রাগানুগীয় সাধক শ্রীনামসংকীৰ্তনকেই প্রধানতমরূপে অবলম্বন করিয়া তদনুগতভাবে লীলা



যোগী শ্যামী কন্ম্যা জ্ঞানী, অন্ম দেব-পূজক ধ্যানী,  
ইহ লোক দূরে পরিহরি ।

ধর্ম কর্ম দুঃখ শোক, য়েবা থাকে অন্ম যোগ,  
ছাড়ি ভজ্জ গিরিবর-ধারী ।।১৬।।

অন্ম যোগ—স্ত্রী-পুত্র বিষয়াসক্তিঃ ॥১৬॥

হেন এবং শ্রীরাধামাধবের প্রেমময় লীলাপ্রসঙ্গে কালাতি-  
পাত করিতেছেন, একমাত্র তাঁহাদেরই সম্বন্ধ করিতে হইবে এবং  
তাঁহাদের মুখে নিরন্তর রসপুর ব্রজের রসলীলার কথা অথবা  
ব্রজের রসপুৰিত প্রেমময় ও প্রেমময়ীর লীলাকথা শ্রবণ  
করিতে হইবে ; যেহেতু, লীলা শ্রবণই লোভের সাধন অর্থাৎ  
অননুসন্ধান স্মরণ নিষ্পন্ন হয় । ব্রজরসিক ভিন্ন প্রেমভক্তি  
রসরস ও ব্রজের রসলীলার কথা অন্ম ভক্তের দুর্বোধ্য ।  
ব্রজরসের অনভিজ্ঞ ভক্তগণের সহিত ঐশ্বর্যজ্ঞান মিশ্রাভক্তির  
আলোচনা হইতে পারে কিন্তু প্রেমভক্তি রসকৌতুক ও রসপুর  
ব্রজলীলার কথা তাঁহাদের নিকট পাওয়া বাইবে না । তাঁহা-  
দের সহিত রসলীলাকথা আলোচনা করিতে গেলে অনর্থ  
উপস্থিত হইবে এবং ভাবান্তর ঘটয়া ক্ষতি হইতে পারে । ১৫।

শুদ্ধভক্তিপথের সাধককে ত্যাগ-আচারের প্রতি বিশেষ  
দৃঢ়ভাবে লক্ষ্য রাখিতে হইবে । যতই সুপথ্য ও উত্তম ঔষধ  
সেবন কর না কেন, কুপথ্য ত্যাগ না করিলে স্বাস্থ্যলাভ ও  
শরীর পোষণ ত দূরের কথা, রোগই সারিবে না । সেইজন্য

ভবরোগনাশক বৈষ্ণবচূড়ামণি শ্রীল ঠাকুর মহাশয় পুনরায়  
 অসংস্কার ও অসদাশক্তি ত্যাগপূর্বক গিরিধারী শ্রীকৃষ্ণের চরণ  
 ভজন করিবার উপদেশ দিয়াছেন। যোগী—অফাঙ্গ যোগী,  
 হাসী—সংসার-ভয়ে ভীত হইয়া মুক্তিলাভের জন্য যাঁহারা  
 সংসার ত্যাগ করিয়াছেন। কস্মী—ভক্তির প্রাধান্য ত্যাগ  
 করিয়া বর্ণাশ্রমধর্ম্মে রত ব্যক্তিগণ। জ্ঞানী—জীবকে নারায়ণ  
 বা ব্রহ্ম ভাবিয়া যাঁহারা 'সোহং' বা 'অহং ব্রহ্মাস্মি' ইত্যাদি  
 রূপে ধারণা করেন। অন্তদেবপূজক—যাঁহারা শ্রীকৃষ্ণ পর-  
 মেশ্বর ও অন্ত দেব-দেবী সমস্তই শ্রীকৃষ্ণের দাস-দাসী, এই  
 বুদ্ধি ত্যাগ করিয়া অন্ত দেবদেবীকে পৃথক ঈশ্বর-বুদ্ধিতে পূজা  
 করেন। ধ্যানী—যাঁহারা নিরাকার ব্রহ্ম বা পরমাত্মার সহিত  
 জীবাত্মার একত্ব ধারণা করেন। ইঁহারা সকলেই অসং-  
 মধ্যে গণ্য। ইঁহাদের সঙ্গ দূরে পরিহার করিবে।

ইহা ব্যতীত ধর্ম্ম--দেহে আত্মবুদ্ধিবশতঃ যে সকল  
 বর্ণাশ্রম ধর্ম্ম আচরণ করা হয়, কস্ম--দেহাত্মবুদ্ধিমূলক বেদোক্ত  
 নিত্য-নৈমিত্তিক কস্ম, দুঃখ--নানাবিধ জড়ীয় ক্লেশ। শোক--  
 ধন-জনাদি নাশের জন্য অনুশোচনা এবং অন্য যোগ অর্থাৎ  
 স্ত্রী, পুত্র ও বিষয়াদির প্রতি আসক্তি ত্যাগ করিয়া গিরি-  
 বরধারীর ভজন কর। 'গিরিবরধারী' বলিবার তাৎপর্য্য  
 এই যে, অন্ত দেবতার উপাসনা বা অন্যান্য ধর্ম্মাদি ত্যাগ-  
 জনিত কোন প্রত্যবায় হইবে না। ব্রজবাসীগণ ইন্দ্রাদি  
 দেবতার পূজা ত্যাগ করায় ইন্দ্র ঝড়, হুষ্টি, বজ্রাঘাত আদি

তীর্থযাত্রা পরিশ্রম,                      কেবল মনের ভ্রম,  
সর্বসিদ্ধি গোবিন্দ-চরণ ।

সুদৃঢ় বিশ্বাস করি,                      মদ মাৎসর্য্য পরিহরি,  
সদা কর অনন্য-ভজন ॥১৭॥

কৃষ্ণভক্ত-অঙ্গ হেরি,                      কৃষ্ণভক্ত-সঙ্গ করি,  
শ্রদ্ধাঘিত শ্রবণ কীর্তন ।

অর্চন স্মরণ ধ্যান,                      নবভক্তি মহাজ্ঞান,  
এই ভক্তি পরম কারণ ॥১৮॥

সর্বসিদ্ধি—তীর্থযাত্রাদি-পুণ্যকরণং সিদ্ধিঃ । মদ—বিবেকহারী  
উল্লাসঃ । মাৎসর্য্য—পরোৎকর্ষাসহনম্ ॥১৭॥

নামলীলাগুণাদীনাং শ্রুতিঃ শ্রবণং । নামলীলাগুণাদীনাং মুখেন  
ভাষণং কীর্তনং । শুদ্ধিত্যাদিপূর্বকোপচারাণাং মন্ত্ৰেণোপপাদনমর্চনং  
যথাকথঞ্চিদ্মানসঃ সম্বন্ধঃ স্মরণং । স্মরণভেদবিশেষঃ ধ্যানং । শ্রদ্ধাঘিত  
ইতি সর্বত্রাহয়ঃ ॥১৮॥

দ্বারা বিশ্বের চেফ্টা করিলেও শ্রীকৃষ্ণ গিরিগোবর্দ্ধন ধারণ  
করিয়া ইন্দ্রের দর্প চূর্ণ করত ব্রজবাসীগণকে যেরূপ রক্ষা করিয়া-  
ছিলেন, সেইরূপ সাধককেও শ্রীগিরিধারী সমস্ত বিপদ হইতে  
রক্ষা করিবেন ।

এখানে তীর্থ শব্দের অর্থ কোন ভগবদ্ধাম নহে ।  
শ্রীমথুরা, শ্রীদ্বারাবতী, শ্রীনীলাচল, শ্রীঅযোধ্যা প্রভৃতি ভগবদ্  
ধাম ব্যতীত অন্য তীর্থে গমন ভক্তির অনুকূল নহে ; কাজেই  
বুধা পরিশ্রমে পর্য্যবসিত হয় বলিয়া মনের ভ্রম মাত্র । পরন্তু

শ্রীমথুরামণ্ডলে বাস ভজনের প্রধানতম অঙ্গ বলিয়া সর্ব-  
 তীর্থ গমনের ফল সিদ্ধ হইয়া থাকে । মদ—বলিতে বিবেক-  
 হারী উল্লাস । মাৎসর্য বলিতে পরের উৎকর্ষ-অসহন । যাঁহারা  
 হরিভজন করিতে অভিনাষী, তাঁহাদের কোন প্রকার জড়ীয়  
 আনন্দে মত্ত হওয়া বা কস্মী-জ্ঞানী প্রভৃতির কোন উৎকর্ষ  
 দেখিয়া অসহিষ্ণু হওয়া অনুচিত । ১৭।

অনন্ত ভক্তগণ কৃষ্ণভক্তের অঙ্গ দর্শন ও সঙ্গ করিয়া  
 এবং শ্রদ্ধাযুক্ত অর্থাৎ কেবল কৃষ্ণভজন করিলেই সর্বসিক্তি  
 হইবে—কস্মী-জ্ঞান-যোগাদির প্রয়োজন নাই—এই দৃঢ় বিশ্বাস  
 করিয়া শ্রবণ, কীর্তন, অর্চন, স্মরণ, ধ্যানাদি নববিধা ভক্তি  
 আচরণ করিবেন । সাধুসঙ্গেই কৃষ্ণভজন করিতে হইবে ।  
 অসাধুসঙ্গে কীর্তনাদি করিলে শুদ্ধ শ্রবণ-কীর্তন হয় না—  
 নামাপরাধ, সেবাপরাধ প্রভৃতি অনর্থ উপস্থিত হয় । তাহাতে  
 সাধকের সিদ্ধিলাভ সুদূর পরাহত । শ্রদ্ধাযুক্ত হইয়া  
 শ্রবণেন্দ্রিয় দ্বারা নাম-গুণ-লীলাদি গ্রহণ করার নাম শ্রবণ,  
 নাম লীলা-গুণাদির উচ্চৈঃস্বরে কথনের নাম কীর্তন । অর্চন  
 অর্থে ভগবদ্ পূজা । বিধি ও রাগমার্গভেদে ভগবদ্ পূজা  
 দ্বিবিধ । বিধিমার্গের পূজা পঞ্চরাত্রের বিধানমতে ঐশ্বর্য্য-  
 জ্ঞানের সহিত ভূতশুদ্ধি, অঙ্গন্যাসাদিপূর্বক মন্ত্রাদি দ্বারা  
 যথাবিধি অনুষ্ঠিত হয় । আর রাগমার্গে দাস্য, সখ্য, বাৎসল্য  
 ও মধুর রসের সম্বন্ধ ধরিয়া ব্রজবাসীগণের অনুগভাবে কৃষ্ণের  
 মাধুর্য্যজ্ঞানে মমতার সহিত ভাবের অবিরুদ্ধভাবে বিধি রক্ষা

হৃষীকে গোবিন্দ-সেবা, না পূজিব দেবী দেবা  
এই ত অনন্যভক্তি-কথা ।

আর বত উপালন্তু, বিশেষ সকলি দন্তু,  
দেখিতে লাগয়ে বড় ব্যথা; ॥১৯

দেবী—পার্বত্যাদয়ঃ । দেবা—রুদ্রাদয়ঃ । উপালন্তু—শ্রীকৃষ্ণ-  
কথাশ্রবণ-কীর্তনাদিব্যাতিরিক্তমহুসর্বজ্ঞানং দন্তুমাত্রমেব স্থাৎ ॥১৯॥

করিয়া অনুষ্ঠিত হয় । রাগমার্গে ঐকান্তিক নামনিষ্ঠগণের  
ভগবৎসেবা মহামন্ত্রেই সূষ্ঠুরূপেই সম্পন্ন হইয়া থাকে—  
বিশেষতঃ কলিকালে । নাম-লীলা-গুণাদির সহিত যথাকথঞ্চিৎ  
মানস সন্দ্বন্ধ হইলেই স্মরণ সিদ্ধ হয় । স্মরণের পাঁচটী স্তর  
যথা—স্মরণ, ধারণা, ধ্যান, ধ্রুবানুস্মৃতি ও সমাধি । ত হার  
মধ্যে মনের দ্বারা ইষ্টদেবের যৎসামান্য অনুসন্ধানই স্মরণ ।  
সামান্য স্মরণের দ্বারাই সর্ববিষয় হইতে মনকে আকর্ষণ  
করিয়া ইষ্টদেবে মনোনিবেশকে ধারণা বলে, বিশেষরূপে  
ইষ্টদেবের রূপাদি চিন্তনের নাম ধ্যান । নিরবচ্ছিন্ন অমৃতধারার  
মত ইষ্টবিষয়ে চিত্তপ্রবাহকে ধ্রুবানুস্মৃতি বলে, কেবল ধ্যেয়-  
মাত্রের স্মৃতিই সমাধি ।

নবভক্তি মহাজ্ঞান - ভক্তিদেবীর কৃপায় এই নবধা  
ভক্তিযাজনে সাধকের হৃদয়ে এমন মহাজ্ঞানের উদয় হয় যে,  
বহু শাস্ত্রে বহু তর্কে যে সিদ্ধান্ত বা মীমাংসা সহজে  
পাওয়া যায় না, ভজননিষ্ঠ সাধক একটী কথাতে তাহা মীমাংসা  
করিয়া দেন ।

এই ভক্তি পরম কারণ—এই সাধনভক্তিই প্রেমভক্তির কারণ। ১৮।

হৃষীক—ইন্দ্রিয়। গোবিন্দ—ইন্দ্রিয় সকলের অধিপতি বা হৃষীকেশ ইহাই এহলে গোবিন্দ শব্দের শ্লেষার্থ। অতএব পার্বতী প্রভৃতি দেবীগণের তথা রুদ্রাদি দেবগণের পৃথকরূপে পূজা না করিয়া সর্বেন্দ্রিয় দ্বারা একমাত্র শ্রীগোবিন্দ সেবাই কর্তব্য। জীব নিত্য কৃষ্ণদাস্বরূপ। তাহার হৃষীক অর্থাৎ ইন্দ্রিয় হৃষীকেশের সেবার জন্মই সৃষ্ট। এরূপ ভক্তনের নামই অনন্ত ভজন। অন্যথায় ব্যভিচার হয়। ফল—পরিণামে অধোগতি। সুতরাং জীবের স্বরূপ বা নিত্য ধর্ম্মে হৃষীকের দ্বারা হৃষীকেশের সেবা ব্যতীত অণু দেব-দেবীর পূজা কোন ক্রমেই শাস্ত্রযুক্তিসম্মত নহে। হৃষীক বা ইন্দ্রিয় এগারটি। তন্মধ্যে কন্মেন্দ্রিয় পাঁচটি। যথা—(১) বাক (২) পানি (৩) পাদ (৪) পায়ু (৫) উপস্থ। জ্ঞানেন্দ্রিয় পাঁচটি। যথা—(১) চক্ষু (২) কর্ণ ( ) নাসিকা (৪) জিহ্বা (৫) ত্বক। আর সর্ব ইন্দ্রিয়ের অধিপতি মন। এই একাদশ ইন্দ্রিয়ের মধ্যে চক্ষুদ্বারা শ্রীভগবান, তাঁহার ধাম ও তদীয় ভক্তের দর্শন, কর্ণদ্বারা তদীয় নাম-লীলাদি শ্রবণ, নাসিকা দ্বারা শ্রীভগবন্নিবেদিত তুলসী-চন্দনাদির আশ্রাণ, জিহ্বা দ্বারা মহাপ্রসাদ আশ্বাদন ও শ্রীনামকীর্তন, ত্বকের দ্বারা শ্রীধামের রক্ত, ভক্তপদ রক্ত, ভক্তপাদস্পর্শাদির অনুভব, বাক্যের দ্বারা শ্রীকৃষ্ণ ও তদীয় বা তৎসম্বন্ধী বস্তুর মহিমা কথন বা বক্তৃতা, হস্তের

দেহে বৈসে রিপুগণ,                      যতোক ইন্দ্রিয়গণ,  
 কেহ কারো বাধ্য নাহি হয় ।  
 শুনিলে না শুনে কাণ,                      জানিলে না জানে প্রাণ,  
 দঢ়াইতে না পারে নিশ্চয় ॥২০॥

দ্বারা সেবাকার্য্য করণ, পদের দ্বারা শ্রীভগবান ও ভক্তের দর্শন জন্ম গমন । আর পায়ু ও উপস্থ এই দুই ইন্দ্রিয়ের সাক্ষাৎ সেবানুকূল্য না থাকিলেও মল-মূত্র ত্যাগাদি দ্বারা চিত্ত সুস্থ হয় বলিয়া সাধুগণ ইহাদের কথঞ্চিৎ ভক্ত্যানুকূলতা স্বীকার করেন । এইরূপ ভজনের নামই অনন্যভজন । ইহা ব্যতীত ইন্দ্রিয়গণের দ্বারা ভোগময় জড় জগতের তত্ত্বালোচনা, যোগ, জ্ঞান, যম, নিয়ম, শম, দম, তিতিক্ষা, উপরতি, ধ্যান ধারণা, ব্রত, ত্যাগ, সন্ন্যাস, তপস্বাদির তত্ত্বজ্ঞান লাভ করা বা এই সব বিষয়ে ইন্দ্রিয়গণকে নিযুক্ত করা উপালম্ব মাত্র । এই সব উপালম্ব শুদ্ধভক্তির বাধক এবং তাহা দান্তিকতাতেই পর্য্যবসিত হয় । অতএব সর্ব্বেন্দ্রিয়ে শ্রীগোবিন্দ সেবা ব্যতীত ইন্দ্রিয়বান ব্যক্তির যত কিছু কার্য্যপ্রবৃত্তি, সমস্তই অবিছা-কল্পিত দেহাভিমানজনিত; সুতরাং ইহা দম্ব মাত্র । এইরূপ মায়াময় রুখা কার্য্য দেখিলে ভক্তিরসিকগণের হৃদয়ে ব্যথা বোধ হয় । ৯।

দেহমধ্যে যে কাম-ক্রোধাদি রিপুগণ বাস করে এবং চক্ষু-কর্ণাদি যে সকল ইন্দ্রিয় আছে, তাহারা কেহ কাহারও বশীভূত হইতে চাহেনা, বরং তাহারা চিত্ত চঞ্চল করিয়া দেয়,

এজন্য শ্রীকৃষ্ণভজনই যে আমার কর্তব্য—ইহা আমি দৃঢ়রূপে নিশ্চয় করিতে পারিতেছি না।

সাধক বাহিরের অসংসঙ্গ ত্যাগ করিয়া শ্রবণ-কীর্তন ও হৃষীকে গোবিন্দ সেবা করিবার চেষ্টা করিলেও তাঁহার সুল-সূক্ষ্ম দেহের মধ্যস্থিত ছয়রিপু ও বিষয়াসক্ত ইন্দ্রিয়গণ চিত্তকে বিক্ষিপ্ত করিয়া কৃষ্ণোন্মুখ অবস্থা হইতে বহিস্মুখ বিষয়ে আকৃষ্ট করে। এইজন্য সাধক ভজন হইতে বিচলিত হইয়া পড়েন। ভজন-কৌশল না জানিলে ভজনে অষ্টতা ঘটে; সেইজন্যই ঠাকুর মহাশয় ছয়রিপু ও ইন্দ্রিয়গণকে বশীভূত করিবার সূকৌশল উপদেশ দিবার প্রথমেই রিপু ও ইন্দ্রিয়গুলির অবাধ্যতা ও তাহাদের দ্বারা চিত্তের দৃঢ়তা বিচলিত হওয়ার কথা বর্ণনা করিতেছেন। কাম, ক্রোধ, লোভ, মোহ, মদ, মাৎসর্য এই ছয়টি রিপু। কাম একবার চিত্তকে আকর্ষণ করে। সঙ্গে সঙ্গে ক্রোধ, আবার লোভ ইত্যাদি যুগপৎ আকর্ষণ করিতে থাকে। তখন ইন্দ্রিয়গণই রিপুর বাধ্য হইয়া বিষয়ের দিকে ধাবিত হয়। প্রত্যেক ইন্দ্রিয় চিত্তকে নিজনিজ ভোগ্য বিষয়ের দিকে আকর্ষণ করিয়া ভজন হইতে বিচলিত করিয়া দেয়; তখন সাধকের দৃঢ়তা নষ্ট হইয়া যায়। শ্রীগুরু-দেবের ও ভাগবতের বাণী কণ শ্রবণ করিলেও তাহাতে দৃঢ়তা রাখিতে পারেনা।

প্রাণ জানিয়াও জানিতে পারে না। এখানে প্রাণশব্দের অর্থ মন অথবা পঞ্চপ্রাণ। মন বলিলে এইরূপ অর্থ হইবে যে,

মন বুঝিয়াও রিপূর বশে দৃঢ়তা রক্ষা করিতে পারে না, সুতরাং জানিয়াও না জানার মত হয়। প্রাণ শব্দের অর্থ যদি পঞ্চ প্রাণকে ধরা যায়, তাহা হইলে তাহার অর্থ এইরূপ হইবে—  
 প্রাণের বৃত্তি ক্ষুৎ-পিপাসা ; শ্রীগুরু ও ভাগবতবাণীতে শ্রবণ করা যায় যে, স্থূলদেহ, লিঙ্গদেহ, মন ও আত্মাদি শ্রীকৃষ্ণপাদ পদ্মে সমর্পণ করিলে পর এই দেহ-মন আদি শ্রীকৃষ্ণেরই হইল, জীব কৃষ্ণদাস হইল : তখন প্রভুর সেবা ও নাম-গুণ শ্রবণ-কীর্তনই তাহার নিত্যধর্ম্য হইল। দাসের ভরণ-পোষণের ভার প্রভুর চরণেই গুপ্ত হইল। সাধক বিক্রীত পশুর ন্যায় নিজের ভরণ-পোষণের বিষয় কোন চিন্তা করিবেন না। যখন পশুটী আমার ছিল, আমি তখন তাহার ভরণ-পোষণের চিন্তা করিতাম ; সেই পশুটীকে যখন আর একজনকে বিক্রয় করা হইল, তখন তাহার ভরণ-পোষণের ভার আমার থাকিল না, যাঁহাকে সেই পশু দেওয়া হইয়াছে, তিনিই তাহার ভরণ-পোষণ করিবেন। ভক্তিসাধকের ভক্তি সাধনের প্রথমেই এই বিষয়ের দৃঢ়তা চাই। সাধকের প্রথমেই শরণাগতি বা আশ্রিত হওয়া। শরণাগতির ছয়টি লক্ষণের মধ্যে গোপ্ত্বে বরণ স্বরূপ লক্ষণ আর পাঁচটি তটস্থ লক্ষণ। স্বরূপ লক্ষণ না থাকিলে তটস্থ লক্ষণে কোন ফল হয় না। 'কৃষ্ণ আমার পালন করিবেন, তজ্জন্ম কোন চিন্তা করিতে হইবে না', আমার কর্তব্য সর্বদা তাঁহার নাম-গুণাদি শ্রবণ-কীর্তন ও সেবন। এই গোপ্ত্বে বরণেতে বিশেষ দৃঢ়তা চাই,

আমার প্রাণ তিনিই পালন করিবেন—এই বিশ্বাস না থাকিলে শরণাগত বা আশ্রিত হওয়াই হইলনা : শরণাগত বা আশ্রিত না হইলে ভজন-সাধন হইতেই পারে না। শ্রীগুরুদেবের কাছে কৃষ্ণই গোপ্তা বা পালনকর্তা ইহা শ্রবণ করিয়া প্রাণকে কৃষ্ণপাদপদ্মে অর্পণ করিতে হইবে। তখন প্রাণের ক্ষুৎ-পিপাসা বা ভরণ-পোষণের জন্ম ধাওয়া-ধাই করিয়া ভজনসাধন হইতে বিচলিত হওয়া কোনক্রমেই চলিতে পারে না। বিশ্বস্তুর কৃষ্ণ বিশ্বকে পালন করেন, যিনি তাঁহার চরণে প্রাণ-মন সমর্পণ করিলেন, তিনি কি তাহাকে উপেক্ষা করিবেন—পালন করিবেন না ? সুতরাং কৃষ্ণ অবশ্যই পালন করিবেন—এই বিশ্বাস সাধকের ভজন-সাধনের মূল। শ্রীপাদ ঠাকুর মহাশয় বলিতেছেন যে, কৃষ্ণ মোর প্রভু, ভ্রাতা ও পালনকর্তা একথা যেন শুনিয়াও শুনি নাই ; কারণ প্রাণ কৃষ্ণকে বিশ্বস্তুর ও পালনকর্তারূপে বুঝিয়া ও তাঁহাকে আত্ম সমর্পণের দ্বারা পালকরূপে বরণ করিয়াও দৃঢ়নিশ্চয় করিতেছে না ! কৃষ্ণের উপর বিশ্বাস হারাইয়া অন্ন-বস্ত্র সংগ্রহের জন্ম ভজন-সাধন হইতে দূরে সরিয়া পড়িতেছে। সেইজন্য প্রথমেই সাধক শরণাগতির গোপ্তৃত্বের লক্ষণটিকেই দৃঢ়রূপে আশ্রয় করিবেন। যিনি কৃষ্ণকে গোপ্তৃত্বে বরণ করিতে না পারেন বা বরণ করিয়াও ভরণ-পোষণের জন্ম ব্যগ্র হইয়েন, তিনি কৃষ্ণভজনের অযোগ্য। ইহাই ভক্তি-সাধকের প্রথম পরীক্ষা। এই জন্মই শ্রীমন্ মহাপ্রভু ভক্ততত্ত্বের অগ্রগণ্য শ্রীমদ্ শ্রীবাস পণ্ডিতের

কাম ক্রোধ লোভ মোহ, মদ মাৎসর্য্য দন্ত সহ,  
স্থানে স্থানে নিযুক্ত করিব ।

আনন্দ করি হৃদয়, রিপু করি পরাজয়,  
অনায়াসে গোবিন্দ ভজিব ॥২১॥

নিকট হইতে এই পরীক্ষা গ্রহণ করিয়াছেন। শ্রীমন্ মহাপ্রভু শ্রীবাসকে ব্যবহারিক আত্মীয়ভাবে ভরণ-পাষণ সংগ্রহের জন্ত চেফ্টা করিতে যুক্তি-পরামর্শ দিলেন। তাহাতে শ্রীবাস বলিলেন, তোমার ভক্তসঙ্গ ও শ্রবণ-কীর্তনাদি ছাড়িয়া জীবিকা সংগ্রহের জন্ত কোথাও যাইতে আমার মন চায় না।

শ্রীমন্ মহাপ্রভু বলিলেন, উপার্জন না হইলে তোমার এতবড় সংসার পালন হইবে কি করিয়া? সে বিষয়ে কি ভাবিয়াছ? শ্রীবাস তিন তালি দিলেন। শ্রীমন্ মহাপ্রভু বলিলেন, ইহার অর্থ কি? শ্রীবাস বলিলেন, আহার তন্মত্বে এক উপবাস, দুই উপবাস, তিন উপবাস দিব; তার পরে যদি না পাই, তবে নীরবে গঙ্গায় কাঁপ দিব—তবুও ভক্তসঙ্গে শ্রবণ-কীর্তন ছাড়িয়া উপার্জনের জন্ত বিষয়ীদিগের সঙ্গ করিব না—ইহাই আমার দৃঢ়নিশ্চয়। তখন মহাপ্রভু হৃষ্কার করিয়া চতুর্ভূজ মূর্তি ধারণপূর্বক শ্রীবাসকে ধন্যবাদ দিয়া বলিলেন—

সুখে শ্রীশ্রীবাস তুমি বসি থাক ঘরে ।

সকল মিলিবে আসি তোমার দুয়ারে ॥

আম্বনি শ্রীমুখে গীতায় বলিয়াছি মুঞি ।

তাহা কি সকল শ্রীবাস পাশরিলি তুই ?

কৃষ্ণসেবা কামার্পণে,      ক্রোধ ভক্ত-দেষ্ট্রজনে,  
লোভ সাধুসঙ্গে হরিকথা ।

মোহ ইষ্টলাভ-বিনে,      মদ কৃষ্ণগুণগানে,  
নিযুক্ত করিব যথা তথা ॥২২॥

যে মোহারে ধ্যান করে না যায় কারো দ্বারে ।

আসিয়া সকল সিদ্ধি মিলয়ে তাহারে ॥২০॥

কাম-ক্রোধাদি রিপুগণ অজ্ঞেয়, অথচ ইহাদিগকে জয়  
না করিলেও শ্রীকৃষ্ণভজন হইবে না । এজন্য কামাদি রিপু  
সকলের বৃত্তিকে উপেক্ষা করত এমন এক আনন্দময় বিষয়ে  
নিযুক্ত করিতেছেন যে, তাহারা নিজ নিজ অধিকারানুসারে  
তাহা আশ্রয় করিয়া পরমানন্দ ভোগ করিবে । অতএব ইহা  
অপেক্ষা কামাদি জয়ের অণু কোন সুগম পন্থা নাই । এক্ষণে  
কোন বিষয়ে কোন রিপুকে নিয়োগ করিতে হইবে, তাহাই  
বলিতেছেন—

সুখভোগের ইচ্ছার নাম—কাম । এই কাম শ্রীকৃষ্ণ-  
সেবায় নিযুক্ত হইলে শ্রীকৃষ্ণসেবাজনিত সুখে (প্রেমে )  
পরিণত হইবে । এইরূপ ভক্তদেষ্ট্রীর প্রতি ক্রোধকে নিযুক্ত  
করিবে । কারণ, ভগবদ্ বিষয়ে চিন্তের দ্রবীভূত ভাবই ভক্তি ;  
কিন্তু ক্রোধ উৎপন্ন হইলে চিন্তের জ্বলনহেতু কাঠিণ্ড অবস্থা  
প্রাপ্ত হয় , সুতরাং ভক্তিলাভ সম্ভবপর হয় না । কিন্তু এই  
ক্রোধ ভক্তদেষ্ট্রীর প্রতি প্রযুক্ত হইলে ভক্তের মর্যাদা রক্ষা  
হেতু রৌদ্ররসরূপে পরিণত হইয়া থাকে । এজন্য চিত্তবিক্ষেপ-

অন্যথা স্বতন্ত্র কাম. অনর্থাদি যার নাম,  
ভক্তিপথে সদা দেয় ভঙ্গ ।

কিবা সে করিতে পারে, কাম ক্রোধ সাধকেরে,  
যদি হয় সাধুজন্যর সঙ্গ ॥২৩॥

কর উক্ত রস ও ভক্তির আশ্বাদনীয় হইয়া থাকে। এইরূপ সাধুসঙ্গে কৃষ্ণকথারস আশ্বাদনের নিমিত্ত লোভ নিয়োজিত হইলে ইচ্ছা সিদ্ধি হয়। ইচ্ছা অর্থাৎ ভক্ত, ভক্তি ও ভগবান। এই তিনের অপ্রাপ্তিতে মোহ এবং শ্রীকৃষ্ণগুণগানে মদকে (হৃদয়ের মত্ততাকে) নিযুক্ত করিবে। অর্থাৎ মদের স্বভাব হইতেছে, আপনার গুণকীর্তন করা, সেই স্বভাব হইতে ছাড়াইয়া তাহাকে শ্রীকৃষ্ণগুণগানে নিযুক্ত করিবে। ২২

অন্যথা,—পূর্বোক্ত নিয়মে কামকে শ্রীকৃষ্ণসেবায় নিযুক্ত না করিলে, স্বতন্ত্র কাম বশীভূত হয় না; তজ্জগ্য অনর্থাकारे सर्वदा भक्तिपथेर विघ्न उৎपादन করে। তবে যদি সর্বদা সাধুসঙ্গ হয়, সেই কাম-ক্রোধ ভজনবিঘ্ন জন্মাইতে পারে না।

“সঙ্গাৎ সংজায়তে কামঃ কামাৎ ক্রোধোহভিজায়তে”  
(গীতা) ইন্দ্রিয়ভোগ্য বিষয়ের চিন্তা হইতে বিষয়ের প্রতি আসক্তি জন্মে এবং সেই আসক্তি কামনারূপ পরিগ্রহ করে, কামনাসিক্তির ব্যাঘাত হইলে ক্রোধরূপে পরিণত হয়। এইরূপে ক্রোধের আধিক্যহেতু মোহদশা উপস্থিত হয়। এই মোহদশায় কার্য্যাকাৰ্য্য বিবেক থাকে না। এইরূপে কামই

ক্রোধ বা না করে কিবা, ক্রোধ ত্যাগ সদা দিবা,  
লোভ মোহ এইত কখন।

ছয় রিপু সদা হীন, করিব মনের ভিন,  
কৃষ্ণচন্দ্র করিয়া স্মরণ ॥২৪॥

‘মামেব যে প্রপদ্যন্তে মায়ামেতাং তরতি তে’ ইত্যনুসারেণ কৃষ্ণঃ  
স্বত্বা রিপুং বশে নয়েৎ ॥২৪॥

ক্রমশঃ প্রবল হইতেও প্রবলতর হইয়া ভজনবিগ্ন জন্মাইয়া  
থাকে। পরন্তু রিপুজয়ী সাধুর নিকট বাস করিলে উক্ত  
কাম, ক্রোধ বা মোহাদি রিপুরূপে পরিণত হইতে পারে না,  
সুতরাং ভজনবিগ্ন উৎপাদন করিতে পারে না। ২৩।

লোভ-মোহ সম্বন্ধেও এই কথা প্রযোজ্য। হীন শব্দে  
তুচ্ছ। রিপুগণ সহসা উত্তেজিত হইলে শ্রীকৃষ্ণস্মরণ করিবে।

ছয় রিপু জয় বলিতে ত্রিগুণের বৃত্তিসমূহের সম্যক  
দমনকে বুঝায়। এই গুণত্রয়ের অপর নাম মায়া। অতএব  
রিপু জয় অর্থই মায়াজয়, কিন্তু মায়া ভগবানের শক্তি,  
সুতরাং অনুচৈতন্যস্বরূপ দুর্বল জীব, বিশেষতঃ সেই মায়িক  
মনের দ্বারা নিজের সামর্থ্য কিরূপে রিপুজয় করিবে? এই-  
জন্যই ব্রহ্মকার ‘কৃষ্ণচন্দ্র করিয়া স্মরণ’ বলিয়াছেন এবং  
পূজ্যপাদ টীকাকারও গীতার শ্লোকটী উদ্ধৃত করিয়াছেন।  
শ্রীভগবান সেইজন্য নিজ সখা শ্রীঅর্জুনকে বলিতেছেন—  
এই ত্রিগুণময়ী মায়া আমা এই শক্তি, ইহা জীবের পক্ষে  
দুরতিক্রমণীয়, কিন্তু যাহারা আমার একান্ত শরণাপন্ন

আপনি পলাবে সব, শুনিয়া গোবিন্দ রব,  
সিংহ রবে যেন করীগণ ।

সকল বিপত্তি যাবে, মহানন্দ সুখ পাবে,  
যার হয় একান্ত ভজন ॥২৫॥

না করিহ অসৎ চেষ্টা, লাভ পূজা প্রতিষ্ঠা,  
সদা চিন্ত্ত গোবিন্দচরণ ।

সকল বিপত্তি যাবে, মহানন্দ সুখ পাবে,  
প্রেমভক্তি পরম কারণ ॥২৬॥

হইয়া আমার ভজন করে, তাহারাই এই মায়াকে অতিক্রম করিয়া থাকে ।” অতএব শরণাপত্তিই জীবের মায়াজয় বা রিপুজয় । অর্থাৎ ভগবৎচরণে শরণ গ্রহণ ও তাঁহার স্মরণই মায়াতিক্রমণ ॥২৪॥

শুনিয়া গোবিন্দরব— উচ্চৈঃস্বরে ভগবানের নাম ধরিয়া ডাকিলে, কাম, ক্রোধ, লোভ প্রভৃতি উপদ্রবের দ্বারা চিত্ত আর অভিভূত হয় না, সুতরাং একান্ত ভজন হইয়া থাকে এবং ভজনে চিত্ত ক্রমশঃ ভগবানে আসক্ত হইয়া প্রসন্নতা লাভ করে ॥২৫॥

শ্রীকৃষ্ণস্বকীয় চেষ্টা ব্যতীত, আর যে কোন চেষ্টা, সমস্তই অসৎ চেষ্টা । এই প্রকার অসৎ চেষ্টার ফলে দেহ-দৈহিক অসৎবস্তুতে অভিনিবেশ হয়, সুতরাং লাভ-পূজা-প্রতিষ্ঠারূপ নিজ সুখানুসন্ধান-বাসনা উৎপন্ন হয় । অতএব অসৎ চেষ্টা ও লাভ-পূজা-প্রতিষ্ঠা অগ এবং শ্রীগোবিন্দচরণ চিন্ত্তন— এই

অসৎ ক্রিয়া কুটীনাটী,      ছাড় অন্য় পরিপাটী,  
অন্য়দেবে না করিহ রতি ।

আপন আপন স্থানে,      পিরিতি সভায় টানে,  
ভক্তিপথে পড়য়ে বিগতি ॥২৭॥

আপন ভজন-পথ,      তাহে হবে অনুরত,  
ইন্দ্ৰদেব স্থানে লীলাগান ।

নৈষ্টিক ভজন এই,      তোমারে কহিল ভাই,  
হনুমান তাহাতে প্রমাণ ॥২৮॥

অসৎক্রিয়া—দুষ্টক্রিয়াম্ অধর্ম্যং ত্যজ । ভক্তিপথে চলিতুং ন  
সমর্থঃ শ্রাৎ । সভায়—সর্কজনান্ ইত্যর্থঃ ॥২৭॥

ত্রিবিধ উপায়ের দ্বারা সকল বিপদ নাশ হয় এবং চিত্তে মহা-  
নন্দ সুখ হয় । ইহাই প্রেমভক্তি লাভের পরম উপায় । ২৬।

অসৎক্রিয়া ইত্যাদি—দুষ্টকর্ম্মরূপ অধর্ম্ম ত্যাগ কর ।  
অর্থাৎ শ্রীকৃষ্ণ ভজন ব্যতীত অন্য় দুষ্ক্রিয়া পরিত্যাগ কর ।

অন্য় পরিপাটী—ভজনরীতি ভিন্ন দেহ ও দৈহিক  
বিষয়ের পরিপাটী । অন্য়দেবে স্বতন্ত্র ঈশ্বরজ্ঞানে রতি করিও  
না । যেহেতু প্রীতির স্বভাব নিজস্থানে আকর্ষণ । অন্য়দেবে  
প্রীতি করিলে, সেই প্রীতি সেই সেই দেবতাকে আকর্ষণ  
করিবে । অতএব শ্রীকৃষ্ণভজনে বিপত্তি উপস্থিত হইবে অর্থাৎ  
আর ভক্তিপথে অগ্রসর হইতে পারিবে না । ২৭।

নিজ ভজনপথে নিরন্তর রত থাকিবে । ইন্দ্ৰদেবস্থানে—  
শ্রীগুরুদেব, অথবা স্বাভীষ্ট শ্রীবিগ্রহের সন্মুখে, অথবা শ্রীভগ্ন-

শ্রীনাথে জানকীনাথে চাভেদঃ পরমাত্মনি ।

তথাপি মম সর্বস্বঃ রামঃ কমললোচনঃ ॥২৯॥

দেবলোক পিতৃলোক,                      পাষ্য তারা মহাসুখ,

সাধু সাধু বলে অমুক্ণ ।

শ্রীনাথে লক্ষ্মীপতৌ শ্রীনারায়ণে, জানকীনাথে সীতাপতৌ শ্রীরাম-  
চন্দ্রে চ অভেদঃ স্বরূপতৌ ভেদো নাস্তি । যতঃ পরমাত্মনি—ষৌ এব  
পরমাত্মানৌ ইত্যর্থঃ । তথাপি কমললোচনো রামো মম সর্বস্বঃ,  
শ্রীরামচন্দ্রং ব্লিনা মম কিমপি ধনং নাস্তীত্যর্থঃ । অনেন স্বাভীষ্ট-  
নিষ্ঠায়াঃ পরাবধিষ্ণং দর্শিতম্ ॥২৯॥

বানের লীলাস্থান শ্রীবৃন্দাবনাদিতে দেহদ্বারা অথবা মনের দ্বারা  
অবস্থিত হইয়া ভগবদ্‌লীলাগান করিবে । অন্তস্থানে লীলা-  
গান করিলে প্রায়শঃ রসাভাস দুষ্ট হইয়া ভজনে বাধা পড়ে ।  
ভাই,—হে মন ! ইহাই নৈষ্ঠিক ভজনরীতি এবং ইহার দৃষ্টান্ত-  
স্থল—শ্রীহনুমান ৷২৮৷

শ্রীহনুমান বলেন, লক্ষ্মীপতি শ্রীনারায়ণ ও সীতাপতি  
শ্রীরামচন্দ্র উভয়ই পরমাত্মা, অতএব উভয়ের মধ্যে স্বরূপতঃ  
কোন ভেদ নাই । তথাপি কমললোচন শ্রীরামচন্দ্রই আমার  
সর্বস্ব ধন । অর্থাৎ একই পরমাত্মা দুইরূপে প্রতীয়মান  
হইতেছেন বলিয়া স্বরূপতঃ উভয়ের মধ্যে কোন ভেদ নাই,  
কিন্তু আমি শ্রীরামচন্দ্র বিনা জানিনা । এতদ্বারা শ্রীহনুমানের  
নিজাভীষ্ট শ্রীরামচন্দ্রে নিষ্ঠাপরাকাষ্ঠা প্রদর্শিত হইল । যেহেতু  
এইরূপ ইচ্ছানিষ্ঠা ব্যতীত ভজনে প্রেমলাভ হয়না ৷২৯৷

যুগল-ভজন যারা, প্রেমানন্দে ভাসে তারা,  
তাহার নিছনি ত্রিভুবন ॥৩০॥

‘নৃত্যন্তি পিতরঃ সর্কে নৃত্যন্তি চ পিতামহাঃ । মৎশে বৈষ্ণবো  
জাতঃ স মে ত্রাতা ভবিষ্যতি । মঞ্চাঃ ক্রোশন্তীতি ত্রায়েন ত্রিভুবন-  
শব্দেন ত্রিভুবনস্থতা জনাঃ ॥৩০॥

এখন আপত্তি হইতে পারে যে, উক্ত নিয়মানুসারে নিজা-  
ভীষ্ট ব্যতীত অন্য দেবতাদির পূজা বা ঋষি-পিতৃ-তর্পণাদি  
পরিত্যাগ করিলে তাঁহাদের ঋণ পরিশোধের উপায় কি ?  
এই আশঙ্কা পরিহার নিমিত্ত বলিতেছেন— দেবলোক ইত্যাদি।  
যাঁহারা অনন্যভাবে শ্রীকৃষ্ণভজনে প্রবৃত্ত হইয়াছেন, তাঁহাদের  
ভজননিষ্ঠা দেখিয়া দেবলোক ও পিতৃলোক প্রভৃতি আনন্দে  
নৃত্য করিতে থাকেন। পিতৃগণ মনে করেন, অহো! আমার  
বংশে বৈষ্ণব জাত হইয়াছে। ইহার ভজন-প্রভাবে আমরাও  
ভবিষ্যতে পরিত্রাণ লাভ করিব। কেবল পিতৃগণ নহেন,  
ত্রিভুবনস্থ প্রাণীমাত্রই মনে করেন, এ আমার ত্রাণকারী  
হইবে। ‘মঞ্চাঃ ক্রোশন্তী’ ‘মৎশে ক্রন্দন করিতেছে’ বলিলে  
যেমন মৎশব্দব্যক্তি ক্রন্দন করিতেছে বুঝা যায়, তদ্রূপ এখানে  
‘ত্রিভুবন’ শব্দে ত্রিভুবনস্থ প্রাণীমাত্রই বুঝিতে হইবে। অতএব  
ভজনকারীকে কেহই ঋণী রাখেন না। যেহেতু বৃক্ষের মূল  
স্নিগ্ধ হইলে শাখা-প্রশাখা স্বতঃই স্নিগ্ধ হইয়া থাকে। এইরূপ  
নিষ্ঠার সহিত যাঁহারা শ্রীযুগলকিশোরের ভজনা করেন,  
তাঁহারা প্রেমানন্দে নিমগ্ন হইয়া থাকেন এবং ত্রিভুবনস্থ প্রাণী-

পৃথক্ আবাস যোগ, দুঃখময় বিষয়ভোগ,  
 ব্রজ বাস গোবিন্দ-সেবন।  
 কৃষ্ণ-কথা কৃষ্ণ-নাম, সত্য সত্য রসধাম,  
 ব্রজজনের সঙ্গ অনুক্ষণ ॥১১॥

ব্রজভিন্নদেশবাসো দুঃখরপবিষয়ভোগ এব শ্রুৎ, বাসস্ত শ্রীগোবিন্দস্ত  
 সুখময়ভজনং শ্রুৎ। তদভাবে মনসা বাসোহপি তদেব শ্রুৎ। কিন্তু  
 শ্রীগোবিন্দভজনং বিনা ব্রজভূমৌ বাসেহপি সুখং নাস্তি। যথা শ্রীকৃষ্ণ-  
 দাস কবিরাজোক্তো—

বৃন্দাবনে কিমথবা নিজমন্দিরে বা,  
 কারাগৃহে কিমথবা কনকাসনে বা  
 ঐন্দ্রং ভজে কিমথবা নরকং ভজামি,  
 শ্রীকৃষ্ণসেবনমৃতে ন সুখং কদাপি।

অনুক্ৰণং ব্রজবাসিভক্তজনৈঃ সহ শ্রুতাঃ কীর্তিতা বা কৃষ্ণকথা তৈঃ  
 সহ শ্রুতং কীর্তিতং বা কৃষ্ণনাম সত্যং সত্যং রসধাম শ্রুৎ ৷১১

গগণে তাঁহার প্রতি প্রীতি-পরাকাষ্ঠা প্রদর্শন করিয়া থাকেনা

পৃথক্ আবাসযোগ—ব্রজ ভিন্ন অগ্ৰস্থানে বাসস্থান রচনা  
 বা বাস করিবার জন্ম মিলিত হইলে দুঃখময় বিষয়ভোগ-  
 মাত্রই হইয়া থাকে। যেহেতু অগ্ৰ দেশসকল মায়া রচিত  
 এবং সেই সকল দেশে যে সকল ভোগ্য বিষয় আছে, তাহাও  
 মায়ায় উপাদানে গঠিত বলিয়া দুঃখময়। পরন্তু ব্রজে বাস  
 করিলে সুখময় গোবিন্দভজন স্বতঃই হইয়া থাকে। তবে যদি  
 কেহ ব্রজে বাস করিয়াও গোবিন্দভজন না করেন, তাহা

সদা সেবা-অভিলাষ. মনে করি বিশোয়াস,  
সর্বথাই হইয়া নির্ভয় ।

নরোত্তমদাস বোলে, পড়ি নু অসত-ভোলে,  
পরিত্রাণ কর মহাশয় ॥৩২॥

বিশোয়াস—বিশ্বাসঃ । মহাশয়—হে শ্রীকৃষ্ণ ! ॥৩২॥

হইলে বুঝিতে হইবে যে, তাঁহার অপরাধ আছে । অতএব তাঁহার ব্রজবাসে তাদৃশ সুখলাভ হয় না বটে; কিন্তু ব্রজধামের এমনই অনির্বচনীয় প্রভাব যে, কোন প্রকারে কিছু দিন বাস করিলেই সেই অপরাধ ক্ষয় হইয়া যায় এবং শ্রীধাম তাঁহাকে গোবিন্দভজন করাইয়া পরম সুখী করিয়া থাকেন, ইহাতে কোন সন্দেহ নাই । অতএব ভিন্ন দেশ ত্যাগ করিয়া ব্রজে বাস করাই কর্তব্য । দেহ দ্বারা ব্রজবাসে অসমর্থ হইলে মানসে নিরন্তর ব্রজবাস করিলেও শ্রীগোবিন্দভজন-সুখ লাভ হয় । শ্রীল কৃষ্ণদাস কবিরাজ গোস্বামী বলিয়াছেন—বৃন্দাবনেই বাস করি, অথবা মিজ গৃহেই বাস করি, কারাগৃহে অথবা কন্যাসনে অবস্থিতি করি, ইন্দ্রপদ প্রাপ্ত হই অথবা নরকে গমন করি, ফলতঃ শ্রীকৃষ্ণভজন ব্যতীত কোথাও সুখ নাই ।” পরন্তু অনুক্ষণ ব্রজে বাস করিয়া ব্রজজনসঙ্গে শ্রীকৃষ্ণনাম ও লীলাকথা শ্রবণ-কীর্তনে রত থাকিলে উহা সত্য সত্যই রসধাম অর্থাৎ পরমানন্দ আশ্বাদনের হেতুস্বরূপ হয় । ৩১ ।

তুমি ত দয়ার সিন্ধু,                      অধম জনার বন্ধু,  
মোরে প্রভু ! কর অসৎ-ভোলে

পড়িছু অসৎ-ভোলে,                      কাম-তিমিঙ্গিলে গিলে,  
ওহে নাথ ! কর পরিত্রাণ ॥৩৭॥

যাঙ্কত জন্ম মোর,                      অপরাধে হৈনু ভোর,  
নিষ্কপটে না ভজিছু তোমা ।

তথাপি তু ম সে গতি,                      না ছাড়িহ প্রাণপতি,  
আমা সম নাহিক অধমা ॥৩৪॥

পূর্বোক্ত বাক্যসমূহে দৃঢ়বিশ্বাস করিয়া শ্রীকৃষ্ণচরণে  
শরণাপন্ন হইলে সর্বপ্রকারে নির্ভয় হওয়া যায় । সেইরূপ  
নির্ভয় হৃদয়ে ব্রজজনসঙ্গে বাস করিয়া নিরন্তর শ্রীকৃষ্ণসেবা  
প্রাপ্তি বিষয়ে অন্তিলাষ করিবে । ( শ্রীল গ্রন্থকার বলিতে-  
ছেন হে শ্রীকৃষ্ণ ! আমার এই 'অসৎ-ভোল' হইতে পরিত্রাণ  
কর ! অসৎ ভোলে—অসতের প্রলোভনে ! শ্রীভগবানের  
সাক্ষাৎ সেবা করিয়া নিত্য পরমানন্দ ভোগ করাই জীবের  
স্বপ্ন, কিন্তু নিজ কর্মদোষে সেই সেবা ভুলিয়া যায়ার বন্ধনে  
বদ্ধ হইয়া দুঃখময় ( মায়িক ) অসৎ বিষয়ানন্দের প্রলোভনে  
ডুবিয়া রহিয়াছি । ৩২।

তিমিঙ্গিল—জলজন্তু বিশেষ । তিমি নামক বৃহৎ  
মৎস্যকে গিলিয়া ফেলে, এরূপ ভীষণ সামুদ্রিক জলজন্তু ।  
কামরূপ ভীষণ তিমিঙ্গিলে আমাকে গ্রাস করিতেছে । হা  
নাথ ! এই অবস্থায় আমাকে উদ্ধার কর । ৩৩।

পতিতপাবন নাম,            ঘোষণা তোমার শ্যাম,  
 উপেখিলে নাহি মোর গতি ।  
 যদি হও অপরাধী,            তথাপিহ তুমি গতি,  
 সত্য সত্য যেন সতী-পতি ॥৩৫॥

‘সর্বোত্তম আপনাকে হীন করি মানে’—এখানে দৈন্ত্য হেতু পূজ্যপাদ গ্রন্থকার নিজেকে অপরাধী মনে করিয়া শ্রীপ্রভুর নিকট কৃপা প্রার্থনা করিতেছেন । ইহা দ্বারা সূচিত হইতেছে যে, প্রেমভক্তিপ্রয়াসীদিগের দৈন্ত্যই বিভূষণ, স্তত্রাং এইরূপ দীনভাবে সতত শ্রীকৃষ্ণকৃপা প্রার্থনা করিতে হইবে । ৩৪

হে শ্যামসুন্দর ! তুমি পতিতপাবন, আর আমি পতিত, এই সঙ্কহেতু, তুমি মাদৃশ পতিতের ত্রাণকর্তা । সতী স্ত্রীর যেমন পতিই একমাত্র গতি এবং সতী স্ত্রীকে সতত রক্ষা করা যেমন পতির কর্তব্য ; তেমন তুমিই মাদৃশ পতিতের একমাত্র গতি এবং মাদৃশ পতিতকে সতত রক্ষা করাও তোমার কর্তব্য । অতএব যদিও আমি অশেষ অপরাধে অপরাধী, তথাপি তুমি আমাকে উপেক্ষা করিতে পার না । আর তুমি ভিন্ন আমারও গতি নাই । এইরূপ ইচ্ছের প্রতি দৃঢ় প্রত্যয় না হইলে প্রেমভক্তি সঞ্জাত হয় না । ‘কৃষ্ণ কৃপা করিবেন দৃঢ় করি মানে’ এইরূপ বিশ্বাসী অনন্ত শরণাগত জনেরই সর্ব-বিধ অপরাধ শ্রীভগবান ক্ষমা করিয়া থাকেন । কিন্তু আমরা ভগবন্তুজনে রত হইয়াও যদি একনিষ্ঠ বা তাঁহার অহৈতুকী কৃপার উপর নির্ভরশীল হইতে না পারি, তবে আমাদের তাদৃশ

তুমি ত পরম দেবা                      নাহি মোরে উপেখিবা

শুন শুন প্রাণের ঈশ্বর !

যদি করোঁ অপরাধ,                      তথাপিহ তুমি নাথ,

সেবা দিয়া কর অনুচর ॥৩৬॥

কামে মোর হত চিত,                      নাহি জানে নিজ হিত,

মনের না ঘুচে দুর্বাসনা ।

মোরে নাথ ! অঙ্গীকুরু                      ওহে বাঞ্ছাকল্পতরু,

করুণা দেখুক সর্ববজনা ॥৩৭॥

মো-সম পতিত নাই                      ত্রিভুবনে দেখ চাই,

‘নরোত্তম-পাবন’ নাম ধর ।

ঘুষুক সংসারে নাম,                      পতিত-পাবন শ্যাম,

নিজ দাস কর গিরিধর ॥৩৮॥

নরোত্তম বড় দুখী,                      নাথ ! মোরে কর সুখী,

তোমার ভজন-সংকীৰ্তনে ।

অন্তরায় নাহি যায়,                      এই ত পরম ভয়,

নিবেদন করোঁ অনুক্ষেপে ॥৩৯॥

অন্তরায়—কামাদিকৃত-বিয়ঃ ॥৩৯॥

অপরাধ তিনি সহজে ক্ষমা করিবেন না এবং আমাদের সেবাও গ্রহণ করিবেন না । অতএব প্রেমভক্তিলিপ্সু সাধককে এইরূপ অনন্তভাবে শ্রীকৃষ্ণের শরণ গ্রহণ করিতে হইবে । ৩৫।

দুর্বাসনা—বিষয়ভোগ বাসনা । অঙ্গীকুরু—নিজ দাস্ত্রে গ্রহণ করুন । ৩৭।

আন কথা আন ব্যথা,            নাহি যেন যাও তথা,  
 তোমার চরণ-স্মৃতি সাজে ।  
 অবিরত অবিকল,            তুয়া গুণ কল কল,  
 গাই যেন সতের সমাজে ॥২০॥

আন কথা আন ব্যথা—যত্রাণ্ডকথাস্তি তত্রাণ্ডব্যথাস্তি ; তত্র  
 নাহং গচ্ছামি .৪০॥

ইন্দ্রিয়গণের প্রেরণা হইতে শ্রবণ-কীর্তন ও স্মরণাদি  
 দ্বারা সামান্য ভক্তিকেই সাধনভক্তি বলে। যদিও সাধন-  
 ভক্তি স্বরূপশক্তির বৃত্তি বলিয়া ভক্তের মনোবৃত্তিতে আবির্ভূত  
 হইয়া তাদাত্ম্য প্রাপ্ত হইয়েন, তথাপি সাধন-প্রারম্ভে ঐ ইন্দ্রিয়,  
 মন ও বুদ্ধি কামের অধিষ্ঠান অর্থাৎ ইন্দ্রিয়গণের দর্শন-  
 শ্রবণাদি দ্বারা, মনের সংকল্প দ্বারা ও বুদ্ধির অধ্যবসায় দ্বারাই  
 কামের আবির্ভাব হইয়া থাকে এবং ঐ কামাদি-কৃত বিষয়ই  
 জীবকে বিমোহিত করে। সুতরাং কামই ভজনপথের  
 অন্তরায়। হে নাথ! এই দুঃখীজনের কামাদি-কৃত ভজন-  
 বিষয় বিনাশ করিয়া সুখী কর। অর্থাৎ নির্বিঘ্নে যেমন তোমার  
 সংকীর্তনাদি ভজন করিতে পারি। ৩৯

যেখানে শ্রীকৃষ্ণকথা ভিন্ন অন্য কথা হয়, সেখানেই  
 মায়িক দুঃখ উপস্থিত হয় ; কাজেই সেই সকল কথায় হৃদয়ে  
 ব্যথা লাগে। অতএব সেখানে যেন না যাই। তোমার  
 চরণ-স্মৃতি যেন সর্বদা হৃদয়ে জাগরুক থাকে। ৪০

অন্য ব্রত অন্য দান নাহি করোঁ বস্তু-জ্ঞান,  
অন্য-সেবা অন্য দেবপূজা ।

হা হা কৃষ্ণ ! বলি বলি, বেড়াব আনন্দ করি,  
মনে মোর নাহি যেন দুজা ॥৪১॥

জীবনে মরণে গতি, রাধাকৃষ্ণ প্রাণ-পতি,  
দুহাঁর পিরীতি রস-সুখে ।

যুগল-ভজন বারা, মোর প্রাণ গলে হারা,  
এই কথা রহ মোর বুকে ॥৪২॥

বস্তুজ্ঞান—প্রকরণবলাদৃষ্টবস্তুজ্ঞানং, কৃষ্ণ-কৃষ্ণভক্তি কৃষ্ণদাসেতর-  
জ্ঞানম্ । দুজা—দ্বৈধং সন্দেহ ইতি ষাৎ ॥৪১॥

অন্যব্রত—শ্রীহরিবাসর ও জয়ন্তি প্রভৃতি বৈষ্ণব ব্রত  
ভিন্ন অন্য দেবতা সম্বন্ধীয় কাম্য ব্রত । অন্য দান—ভক্ত ও  
ভগবানের প্রীতি-উদ্দেশ্য ব্যতীত অন্য উদ্দেশ্যে দান । বস্তু-  
জ্ঞান—শ্রীকৃষ্ণ, শ্রীকৃষ্ণভক্তি ও শ্রীকৃষ্ণদাসত্ব ব্যতীত অন্য  
বস্তু—নির্ভেদ ব্রহ্মানুসন্ধানরূপ জ্ঞান বা মায়াময় দেহ ও  
দৈহিক সম্বন্ধীয় জ্ঞান অর্থাৎ শ্রীকৃষ্ণ সম্বন্ধ ব্যতীত অন্য বস্তু  
বিষয়ে জ্ঞান লাভের প্রয়াস করিও না । দুজা—দ্বিধা,  
সন্দেহ । ৪১।

রাধাকৃষ্ণ প্রাণপতি—শ্রীরাধা ও শ্রীকৃষ্ণ আমার প্রাণের  
ঈশ্বরী ও ঈশ্বর । জীবনে মরণে গতি — তাঁহারা হই আমার  
জীবনে ( ইহকালে ) মরণে ( পরকালে ) একমাত্র অবলম্বন ।  
দুঁহার পিরীতি-রসসুখে — শ্রীকৃষ্ণের প্রতি শ্রীরাধার এবং

যুগল-চরণ-সেবা

যুগল-চরণ ধ্যেবা

যুগলেতে মনের পিরীতি ।

যুগলকিশোর রূপ

কামরতিগণ-ভূপ,

মনে রহু ও লীলা কি রীতি ॥৪৩॥

শ্রীরাধার প্রতি শ্রীকৃষ্ণের যে শ্রীতি এবং এই শ্রীতির বিনিময় হেতু পরিস্পরে যে রস-মাধুর্য্য আশ্বাদন করেন ও সেই স্থখে সুখী হইয়া যাঁহারা শ্রীশ্রীরাধাকৃষ্ণ-যুগলের ভজন করেন, তাঁহারা প্রেমানন্দে ভাসিতে থাকেন — এই কথা আমার বুকে হারের গ্যায় সর্বদা দীপ্তিলাভ করুক । অর্থাৎ এ বিষয়ে আমার চিত্ত লুক্ক হউক । যেহেতু, এই লোভই রাগানুগা সাধকের জীবন সদৃশ । ৫২

কামরতিগণ-ভূপ—যুগলরূপ কামগণের ও রতিগণের ভূপ, অর্থাৎ শ্রীকৃষ্ণের রূপ কোটীকন্দর্পরূপের রাজা এবং শ্রীরাধিকার রূপ কোটীরতিক্রূপের রাজ্ঞী । শ্রীমদ্ভাগবতে 'সাক্ষাৎ-মন্মথ-মন্মথঃ' বলা হইয়াছে । সাক্ষাৎ মন্মথ স্বয়ং কামদেব— শ্রীপ্রদ্যুম্ন । এই প্রদ্যুম্ন প্রকৃতির অতীত, বিশুদ্ধ সঙ্গময় মোহনস্বরূপ । এইরূপ কোটী কোটী সাক্ষাৎ প্রদ্যুম্ন সকলেরও যিনি মন্মথ অর্থাৎ মন্মথর প্রকাশক । ক্রটিতে আছে— ( পরমাত্মা চক্ষুরও চক্ষু, কর্ণেরও কর্ণ ইত্যাদি' । ইহার অর্থ এই যে, স্মৃত ব্যক্তিরও চক্ষু, কর্ণ থাকে, কিন্তু সেই চক্ষে দেখিতে পায় না, সেই কর্ণে শুনিতে পায় না ; সুতরাং এমন একটী দর্শন ও শ্রবণশক্তির উৎস আছে, যিনি চক্ষুকে দর্শনশক্তি,

দশনেতে তৃণ ধরি, হা হা ! কিশোর কিশোরি !

চরণাজে নিবেদন করি ।

ব্রজরাজ কুমার শ্যাম, বৃষভানু কুমারী নাম—

শ্রীরাধিকা রামা মনোহারী ১৮৮ ॥

কনক-কেতকী রাই, শ্যাম মরকত কাঁই

দরপ-দরপ করু চুর ।

নটবর শেখরিনী, নটিনীর শিরোমণি,

ছুঁছ গুণে ছুঁছ মন বুর ॥৪৫॥

হে শ্রীরাধিকাদীনাং রামাণাং মনোহারিন্ শ্রীকৃষ্ণ ১৪৪ ॥

কর্ণকে শ্রবণশক্তি প্রদান করেন। সেইরূপ প্রদ্যুম্ন সাক্ষাৎ কামদেব হইলেও তাঁহার মনুথত্ত্ব শক্তি স্বয়ং ভগবান শ্রীকৃষ্ণ হইতেই প্রকাশ পায় এবং এই প্রদ্যুম্নেরই আবেশ অবতার প্রকৃতির কামদেবগণ, ইঁহাদের সহিত শ্রীকৃষ্ণের অসাক্ষাৎ, অর্থাৎ প্রাকৃত কামদেবের রূপ প্রকৃতির আচ্ছাদনে আত্ম বলিয়া শ্রীকৃষ্ণের অসাক্ষাৎ কামরূপ, তবে শ্রীকৃষ্ণের শক্তি ভিন্ন ইহারাও নির্জীব। অতএব যুগলের রূপমাধুর্যের তুলনায় কোটি কোটি কন্দর্প ও রতির রূপ অতি তুচ্ছ। এতদ্বারা যুগলরূপের মহাপরাকাষ্ঠা প্রদর্শিত হইল ১৪৫ ॥

পূজ্যপাদ গ্রন্থকার অন্তর্দর্শনে স্মৃতিপ্রাপ্ত শ্রীরাধামাধ-  
বের সাক্ষাৎকার লাভ করিয়া যুগলচরণে প্রার্থনা করিতেছেন—  
হে শ্রীরাধিকাদি ব্রজরামাগণের মনোহারিন্ শ্রীকৃষ্ণ ইত্যাদি ।

শ্রীমুখ সুন্দর বর, হেম নীল কান্তি-ধর,  
ভাবভূষণ কর শোভা ।

নীল-পীত-বাসধর, গৌরী-শ্যাম মনোহর,  
অন্তরের ভাবে দৌহে লোভা ॥৪৬॥

আভরণ মণিময়, প্রতি অঙ্গে অভিনয়,  
কহে দীন নরোত্তম দাস ।

কাঁই—কান্তিঃ । নটবরশ্চ শ্রীকৃষ্ণশ্চ শেখরিণী শিরোভূষণ-রূপা ।

নটীয়াঃ শ্রীরাধায়াঃ শিবোভূষণ-মণিরূপঃ ॥৪৫॥

—কাঁই—কান্তি । শ্রীরাধিকা স্বর্ণকেতকৌবর্ণা, শ্যাম—  
ইন্দ্রনীলমণিবর্ণ । দরপ—কন্দর্প । ইহারা নিজ নিজ রূপে  
রতি ও কন্দর্পের দর্প চূর্ণ করেন । অর্থাৎ নটবর শ্রীকৃষ্ণ  
সাক্ষাৎ কন্দর্পেরও শিরোভূষণস্বরূপ, আর নটিনী শ্রীরাধিকা  
সাক্ষাৎ (অপ্রাকৃত) রতিরও শিরোভূষণ-মণিস্বরূপা । অতএব  
উভয়ে উভয়ের গুণে আকৃষ্ট হইয়া সতত যুরেন অর্থাৎ  
( অষ্ট সাত্বিক বিকারের ) নয়নজলে ভাসিতে থাকেন । ৪৫।

অন্তরের ভাবে — উভয়ে উভয়ের ভাবে লুক্ক থাকায়,  
হেমকান্তি শ্রীরাধা ও নীলকান্তি শ্রীকৃষ্ণ অশ্রু-পুলকাদি  
সাত্বিকভাবরূপ ভূষণে ভূষিত হইয়াছেন । শ্রীরাধিকা নীল-  
কান্তিধর শ্রীকৃষ্ণের প্রেম-প্রতীক নীলবস্ত্র পরিধান করিয়াছেন,  
আর শ্রীকৃষ্ণও হেমকান্তিধারিণী শ্রীরাধিকার প্রেম-প্রতীক  
পীতবসন ধারণ করিয়াছেন । অতএব উভয়ে উভয়ের প্রেমে  
বিভোর হইয়া রহিয়াছেন । ৪৬

নিশি দিশি গুণ গাও, পরম আনন্দ পাও,  
 মনে মোর এই অভিলাষ ॥৪৭॥  
 রাগের ভজন পথ, কহি এবে অভিমত,  
 লোক-বেদ-সার এই বাণী ।  
 সখীর অনুগা হৈএগ ব্রজে সিদ্ধ দেহ পাএগ,  
 এই ভাবে জুড়াবে পরাণী । ৪৮॥

লোকবেদ-সার এই বাণী—ইয়ং বাণী লোকবেদয়োঃ সাররূপা ॥৪৮॥

রাগানুগা ভজনরীতি বলিতেছেন । অভিমত—শাস্ত্রসম্মত ।  
 লোক-বেদ-সার — লোক, রাগমাগীয় মহাজন, বেদ—  
 গোপালতালনী প্রভৃতি শ্রুতিসমূহ এবং সর্ববেদান্তসার  
 শ্রীমদ্ভাগবত ও তদনুগত শাস্ত্রসমূহ ।

রাগের ভজন পথ — রাগ-লক্ষণ — ( ইফে গাঢ় তৃষণ  
 রাগের স্বরূপ লক্ষণ— শ্রী চৈঃ চঃ ) নিজাভীফে স্বাভাবিকী  
 প্রেমময়ী গাঢ় তৃষণর নাম রাগ । এই রাগ দ্বারাই নিজাভীফে  
 পরম আবিষ্কতা হয় । ( ইফে আবিষ্কতা তটস্থ লক্ষণ  
 কথন — শ্রী চৈঃ চঃ ) প্রগাঢ় তৃষণতুর ব্যক্তির যেমন এক-  
 মাত্র জলেই আবেশ হয়, জল ভিন্ন অন্য বস্তুর অনুসন্ধান-  
 প্রবৃত্তিও লোপ পায়, তক্রূপ নিজাভীফে ঝাঁহার রাগ, ( প্রগাঢ়  
 তৃষণ ) অভীফ বস্তু ব্যতীত অন্য বস্তুর অনুসন্ধান লইতে  
 তাঁহার মন অসমর্থ, একমাত্র নিজাভীফেই আবেশ হয় । উহাই  
 রাগের লক্ষণ । অতএব অভীষ্ট বস্তুতে যে স্বাভাবিকী  
 পরমাবিষ্কতা ( প্রেমময়ী তৃষণ ) তাহার নাম —রাগ । এই

রাগময়ী ভক্তিকে রাগাত্মিকা বলে । এই রাগাত্মিকার আনুগত্যে যে ভক্তি সাধন হয়, তাহাকেই রাগানুগা ভক্তি বলে ।

এই রাগাত্মিকা ভক্তি একমাত্র ব্রজবাসিগণেই বিরাজমানা । অতএব যাঁহারা এই ব্রজবাসিদিগের ভাবে অর্থাৎ প্রেমসেবা পরিপাটিতে লুক্ক হইয়া সেই রাগাত্মিকা ভক্তির অনুসরণ পূর্বক শ্রবণ-কীর্তনাদি ভক্তি অঙ্গের অনুষ্ঠান করেন, তাঁহাদের অনুষ্ঠিত ভক্তির নাম রাগানুগা ভক্তি । এই রাগানুগা ভক্তির অনুষ্ঠান করিতে করিতে ব্রজবাসীজন হইতে সাধক-হৃদয়ে রাগের আবির্ভাব হইয়া থাকে । এই জন্যই শ্রীল ঠাকুর মহাশয় বলিয়াছেন — ‘সখীর অনুগা হইয়া’ ইত্যাদি । কোন সখীবিশেষের ভাবের অনুগত হইয়া মনে নিজ সিদ্ধ দেহ ভাবনা করত নিরন্তর ব্রজে শ্রীরাধাকৃষ্ণের প্রেমসেবায় নিযুক্ত থাকিতে হইবে ।

এই জড়দেহের দ্বারা অপ্রাকৃত চিন্ময়ধামে শ্রীভগবানের সেবা হয় না, অথচ সাক্ষাৎভাবে সেবা ভক্তের প্রার্থনীয় । সাধনে সিদ্ধিলাভ করিলে সেই চিন্ময় ব্রজধামে সাধক এমন একটা অপ্রাকৃত দেহ পাইতে ইচ্ছা করেন, যাহা তাঁহার স্বেচ্ছা সেবার উপযোগী হইবে, এই দেহটির নামই সিদ্ধদেহ ।

শ্রীগুরুদেব কৃপা করিয়া সাধককে এই দেহের পরিচয় প্রদান করিয়া থাকেন । সাধক গুরু-নির্দিষ্ট সেই সিদ্ধদেহ অন্তরে ভাবনা করিয়া শ্রীকৃষ্ণের সেবা করেন ।

শ্রীরাধিকার সখী যত, তাহা বা কহিব কত,  
মুখ্য সখী করিয়ে গণন।

ললিতা বিশাখা তথা, সুচিত্রা চম্পকলতা,  
রঙ্গদেবী সুদেবী কখন ॥৪৯॥

তুঙ্গবিছা ইন্দুলেখা, এই অমৃত সখী লেখা,  
এবে কহি নশু সখীগণ।

শ্রীরাধিকা-সহচরী, প্রিয় প্রেষ্ঠ নাম ধরি,  
প্রেমসেবা করে অনুক্ষণ ॥৫০॥

শ্রীরাধার যে সমস্ত নিত্যসিদ্ধ সখী ও মঞ্জরীগণ আছেন, তাঁহারা স্বরূপশক্তির বিলাস। তাঁহাদের মধ্যে নিজভাবের অনুকূল কাহারও অনুগত হইয়া এবং শ্রীগুরুরূপা মঞ্জরীগণের আদেশে শ্রীরাধামাধবের প্রেমসেবা করিলে চির পিপাসিত প্রাণ জুড়াইয়া থাকে। শ্রীল ঠাকুর মহাশয় বলিলেন,— ‘সেইভাবে জুড়াবে পরাগী।’ ৪৮।

এক্ষণে শ্রীরাধিকার সখীগণের পরিচয় প্রদান করিতেছেন—

শ্রীকৃষ্ণ অখণ্ড পরমানন্দস্বরূপ হইয়াও যে শক্তিদ্বারা আনন্দ-বিশেষ স্বয়ং উপভোগ করেন এবং ভক্তগণকে উপভোগ করান, সেই আনন্দিনী শক্তির নাম—হ্লাদিনী। হ্লাদিনী শক্তির দুই প্রকার বৃত্তি—ভেদ ও অভেদ। ভেদ বৃত্তিদ্বারা লীলার নিমিত্ত শ্রীকৃষ্ণ হইতে পৃথক হইয়া গোপী প্রভৃতিরূপে আবির্ভূতা এবং অভেদবৃত্তিদ্বারা শক্তিমান শ্রীকৃষ্ণের সহিত অভিন্না হইয়া রহিয়াছেন। এই হ্লাদিনী শক্তির উভয়বৃত্তি থাকিলেও

লীলার্থ পৃথক আবির্ভাব ভেদপ্রতিই প্রবল । সেইজন্য তাঁহারা সকলেই শ্রীকৃষ্ণের প্রতি প্রেমময়ী এবং শ্রীকৃষ্ণও তাঁহাদের প্রতি তদনুরূপ প্রেমভাব পোষণ করেন । এইরূপে 'রাধা পূর্ণশক্তি, কৃষ্ণ পূর্ণ শক্তিমান'— (শ্রীচৈঃ চঃ ) এই কান্ত্য প্রেম স্বতঃসিদ্ধ — সাধনসিদ্ধ নহে ; কিন্তু সাধকগণ রাগানুগা ভক্তির অনুশীলন দ্বারা ক্রমশঃ এই ব্রজজাতীয় মধুর প্রেম লাভ করেন । ফলতঃ ব্রজজাতীয় প্রেমের রহস্য অতি দুর্গম ।

প্রথমতঃ ব্রজের গোপীগণ বিবিধা । এক নিত্যসিদ্ধা, অপর সাধনসিদ্ধা । তন্মধ্যে সাধনসিদ্ধাগণ দুইভাগে বিভক্ত । (১) যুথভুক্তহেতু যৌথিকী (২) যাঁহারা কোন যুথভুক্তা নহেন, তাঁহারা অযৌথিকী । যৌথিকীগণ দুইভাগে বিভক্ত । (১) নিখিল শাস্ত্রস্বরূপিণী ঋক্, যজু, সান ও অথর্বি— এই শ্রুতি-চতুষ্টয় ও উপনিষদগণ গোপকন্যারূপে জাতা ; ইঁহাদিগকে শ্রুতিচরী বলা হয় । (২) গোপালোপাসক ঋষিগণ গোপকন্যারূপে জাত, ইঁহাদিগকে ঋষিচরী বলা হয় । আবার ঋষি-চরীগণ দুইভাগে বিভক্ত । (১) রাসরজনীতে লক্ষনির্গমা, (২) রাসরজনীতে অলক্ষনির্গমা ।

নিত্যসিদ্ধাগণ দুই ভাগে বিভক্তা । (১) গোপকন্যকা, (২) দেবকন্যকা । গোপকন্যকাগণ পরোঢ়া ও কন্যকা-ভেদে দ্বিবিধা ; ফলতঃ ইঁহারা নিত্যসিদ্ধা বলিয়া 'গোপীজনবল্লভায়' প্রভৃতি মন্ত্রে শ্রীকৃষ্ণের সহিত অভেদরূপে প্রতিপাদিত হইয়াছেন । এইরূপ হলাদিনীশক্তির অধিষ্ঠাত্রী বা মূর্ত্তিমতী

অবস্থায় শ্রীরাধিকা এবং অমূর্ত্যবস্তায় রতি, প্রেম, স্নেহ, মান, প্রণয়, রাগ, অনুরাগ, ভাব বা মহাভাবরূপে পরিণত। এই মহাভবই শ্রীরাধিকার স্বরূপ এবং অন্যান্য গোপীগণ তাঁহার কায়ব্যুহরূপা। (অবতারী কৃষ্ণ যৈছে করে অবতার। অংশিনী রাধা হৈতে তিনগণের বিস্তার — চৈঃ চঃ)। শ্রীকৃষ্ণ যেরূপ স্বয়ং ভগবান হইয়াও অনন্ত ভগবৎস্বরূপে অনাদিকাল হইতে বিরাজিত এবং এই সমস্ত অনন্ত ভগবৎস্বরূপ যেমন তাঁহার অনন্ত রসবৈচিত্রীরই অনন্ত প্রকাশ; তদ্রূপ শ্রীকৃষ্ণকে অনন্ত কান্তারস-বৈচিত্রী পৃথক পৃথকভাবে আশ্বাদন করাইবার নিমিত্ত লক্ষ্মী, মহিষী ও ব্রজদেবী প্রভৃতি অনন্ত কৃষ্ণকান্তারূপে শ্রীরাধাই অনাদিকাল হইতে বিরাজিতা এবং এ সমস্ত অনন্ত কৃষ্ণকান্তাও তদ্রূপ তাঁহার অনন্ত কান্তাভাব-বৈচিত্রীরই অনন্ত প্রকাশ। তন্মধ্যে স্বভাব-ভেদে ব্রজদেবীগণ প্রধানতঃ চারিটা শ্রেণীতে বিভক্ত; যথা — বিপক্ষ, তটস্থপক্ষ, সুস্থপক্ষ ও স্বপক্ষ। এই যে স্বভাবভেদ, ইহা দ্বারা শ্রীকৃষ্ণ পৃথক পৃথকরূপে রস-বৈচিত্রী আশ্বাদন করেন।

হ্লাদিনীশক্তির মূল-আশ্রয় শ্রীরাধিকা। স্বপক্ষ—  
শ্রীললিতা-বিশাখাদি তাঁহার প্রিয়নশ্ম সখীবৃন্দ।

প্রিয়নশ্ম সখীগণের পরিচয়

১। শ্রীললিতা—( শ্রীগৌরলীলায় শ্রীস্বরূপ-দামোদর )

অপর নাম অনুরাধা, গোরোচনাবর্ণা, শিখিপিজু-বসনা,

সারদা--মাতা, বিশোক—পিতা, ভৈরব—পতি, বামা-প্রথরা স্বভাবা, শ্রীরাধিকার অপেক্ষা ২৭ দিনের বড়। কর্পূর ও তাম্বুলসেবা। যোগপীঠের উত্তরদলে তড়িৎবর্ণ ললিতানন্দকুঞ্জ। ইঁহার যুখে ( প্রিয়সখী বলিয়া পরিকীর্তিত ) রত্নপ্রভা, রত্নিকেলী, সুভদ্রা, ভদ্ররেখিকা, সুমুখী, ধনিষ্ঠা, কলহংসী, কলাপিনী।

২। শ্রীবিশাখা — ( শ্রীগৌরলীলায় শ্রীল রামানন্দ রায়) বিদ্যুৎবর্ণা, তারাবলী বসনা, দক্ষিণা—মাতা, পাবন—পিতা, বাহিক—পতি, অধিক-মধ্যস্বভাবা, শ্রীরাধার জন্মসময়ে জন্ম। বস্ত্রালঙ্কার সেবা,ঈশান দলে মেঘবর্ণ বিশাখানন্দকুঞ্জ। ইঁহার যুখে মাধবী, মালতী, চন্দ্রলেখা, কুঞ্জরী, হরিণী, চপলা, সুরভি ও শুভাননা।

৩। শ্রীচিত্রা — ( শ্রীগৌরলীলায় শ্রীগোবিন্দানন্দ ) কাশ্মীর গৌরবর্ণা, কাচতুল্য বসনা, চর্বিবিকা—মাতা, চতুর—পিতা, পিঠর—পতি, অধিক-মৃদ্বীস্বভাবা, শ্রীরাধিকা অপেক্ষা ২৬ দিনের ছোট, লবঙ্গমালা সেবা, পূর্বদলে বিচিত্রবর্ণ চিত্রানন্দদ পদ্মকিঞ্জলু কুঞ্জ। ইঁহার যুখে — রসালিকা, তিলকিনী, শৌরসেনী, সুগন্ধিকা, রমিলা, কামনগরী, নাগরী ও নাগবেলিকা।

৪। শ্রীইন্দুলেখা — ( শ্রীগৌরলীলায় বসু রামানন্দ ) হরিতালবর্ণা, দাড়িম্বপুষ্পবসনা, বেলা—মাতা, সাগর—পিতা, দুর্বল—পতি, বামাপ্রথরা স্বভাবা, শ্রীরাধা অপেক্ষা ৩ দিনের

ছোট। মধুপান সেবা, অগ্নিকোণের দলে স্বর্ণবর্ণ ইন্দুলেখা-  
সুখদ পূর্ণেন্দু কুঞ্জ। ইঁহার যুখে তুঙ্গভদ্রা, রসোত্তুঙ্গা,  
রঙ্গবাটী, সুমঙ্গলা, চিত্রলেখা, নিচিত্রাঙ্গী, মোদনী, মদনালসা।

৫। শ্রীচম্পকলতা — (শ্রীগৌরলীলায় সেন শিবানন্দ)  
চম্পক কুসুমবর্ণা, চাষপক্ষীবসনা, বাটিকা—মাতা, অ'ব'ম—পিতা,  
চণ্ডাক—পতি, বামামধ্য-স্বভাবা, শ্রীরাধিকা হইতে ১ দিনের  
ছোট, রত্নমালা ও চামরব্যঞ্জন সেবা, দক্ষিণ দলে তপ্তজাম্বু-  
নদবর্ণ চম্পকলতানন্দদ কামলতাকুঞ্জ। ইঁহার যুখে —  
কুরঙ্গাক্ষী, সুচরিতা, মণ্ডলী, মণিবুণ্ডলা, চন্দ্রিকা, চন্দ্রলতিকা,  
কন্দুকাক্ষী ও সুমন্দিরা।

৬। শ্রীরঙ্গদেবী — (শ্রীগৌরলীলায় শ্রীগোবিন্দ ঘোষ)  
পদ্মকিঞ্জলুবর্ণা, জবাকুসুমবস্ত্রা, করুণা—মাতা, রঙ্গসার—পিতা,  
বক্রেক্ষণ—পতি, বামামধ্য-স্বভাবা। শ্রীরাধিকা হইতে ৭ দিনের  
ছোট। চন্দনসেবা, নৈঋতদলে শ্যামবর্ণ রঙ্গদেবীসুখদ-কুঞ্জ।  
ইঁহার যুখে কলকণ্ঠী, শশিকলা, কমলা, মধুরা, ইন্দিরা, কন্দর্প-  
সুন্দরী, কামলতিকা ও প্রেমমঞ্জরী।

৭। শ্রীতুঙ্গবিদ্যা— (শ্রীগৌরলীলায় শ্রীবক্রেশ্বর পণ্ডিত)  
কপূরচন্দনমিশ্রিত-কুসুমবর্ণা, পাণ্ডুরবস্ত্রা, মেধা—মাতা পৌক্ষর—  
পিতা, বালিশ—পতি, দক্ষিণপ্রথরস্বভাবা, শ্রীরাধিকা হইতে  
৫ দিনের বড়। নৃত্যগীতাদি সেবা, পশ্চিমদলে অরুণবর্ণ  
তুঙ্গবিদ্যানন্দদ কুঞ্জ। ইঁহার যুখে মঞ্জুমেধা, সুমধুরা, সুমধ্যা,  
মধুরেক্ষণা, তনুমধ্যা, মধুসুন্দা, গুণচূড়া ও বরাঙ্গদা।

৮। শ্রী সুদেবী — ( শ্রী গোবিন্দ গীলায় বাতুলের বোধ ) রঙ্গ-  
দেবীর যমজ ভগ্নী, বর্ণ ও বস্ত্র রঙ্গদেবীর গায়, বক্রেশ্বরের  
কনিষ্ঠ ভ্রাতা পতি, বামা প্রথরা স্বভাবা, জলসেবা, বায়ুকোণের  
দলে হরিতবর্ণ সুদেবীসুখদকুঞ্জ ইঁহার বৃথে কাবেরী, চারু-  
কবরী, সুকেশী, মঞ্জুকেশী, হারহীরা, মহাহীরা, হারকণ্ঠী, মনোহরা ।

এই সখীগণের মধ্যেও পঞ্চবিধ ভেদ পরিলক্ষিত হয় ।  
যথা — সখী, নিত্যসখী, প্রাণসখী, প্রিয়সখী ও পরম প্রেষ্ঠ বা  
প্রিয়নন্দ্য সখী । ইঁহাদের মধ্যে কেহ নায়ক শ্রীকৃষ্ণে স্নেহাধিকা,  
কেহ বা নায়িকা শ্রীরাধিকায় স্নেহাধিকা, কেহ কেহ উভয়ের  
প্রতি সম স্নেহ পোষণ করেন । তন্মধ্যে সমস্নেহা সখীগণ  
উভয়ে তুল্যস্নেহশীলা হইলেও নায়িকা 'শ্রীরাধারই আমরা'—  
এইরূপ অভিমান পোষণ করেন । এই যে শ্রীরাধিকাতে  
মমতাধিক্য দেখা যায়, তাহা শ্রীরাধারই সুখের জন্ম । আবার  
যাঁহারা শ্রীকৃষ্ণে অধিক প্রীতিসম্পন্ন, তাঁহারাও শ্রীকৃষ্ণসুখের  
জন্ম তাতৃশী প্রীতি বহন করিয়া থাকেন । এইভাবে দেখা  
যাইতেছে যে, শ্রীরাধাকৃষ্ণের সুখ নিমিত্ত সেই ( সম ও বিষম )  
স্নেহ পর্যাবসিত হওয়ায় সখীগণের শ্রীরাধাকৃষ্ণ বিষয়ে এক  
হইতে অণ্ডে যে অধিক প্রীতি—তাহা প্রেমস্বভাবেই হইয়া  
থাকে । ইঁহাদের মধ্যে যাঁহারা সখীস্থানায়ী, তাঁহারা শ্রীকৃষ্ণের  
প্রতি অধিক স্নেহশীলা । নিত্যসখীগণ শ্রীরাধিকাতে অধিক  
স্নেহবতী ; সুতরাং ইঁহারা বিষম স্নেহবতী । প্রাণসখী, প্রিয়-  
সখী ও পরম প্রেষ্ঠ সখীগণ সমস্নেহা । তাই গ্রন্থকার বলিতেছেন,

সমস্নেহা বিধমস্নেহা                      না করিও দুই লেহা

কহি মাত্র অধিক স্নেহাগণ ।

নিরন্তর থাকে সঙ্গে,                      কৃষ্ণকথা-লীলারঙ্গে,

নর্যা-সখী এই সব জন ॥১১॥

শ্রীরূপ মঞ্জরী সার.                      শ্রীরতি মঞ্জরী আর

অনঙ্গ মঞ্জরী মঞ্জুলালী ।

শ্রীরস মঞ্জরী সঙ্গে,                      কস্তুরিকা আদি রঙ্গে,

প্রেমসেবা করে কুতূহলী ॥১২॥

### শ্রীমঞ্জরীগণের পরিচয়

১। শ্রীরূপ মঞ্জরী—( শ্রীগৌরলীলায় শ্রীরূপগোস্বামী )  
অপর নাম শ্রীরঙ্গনমালিকা, গোরোচনাবর্ণা শিখিপিজ্ববসনা,  
রত্নভানু—পিতা, বমুনা—মাতা, দুর্মেধক—পতি, প্রিয়নর্গসখী-  
গণের মুখ্যা, সার্ক ত্রিদশ বৎসর বয়স, বামামধ্যাস্বভাষা,  
শ্রীললিতাদেবীর কুঞ্জের উত্তরে রূপোল্লাস-নামক কুঞ্জ ।

২। শ্রীলবঙ্গ মঞ্জরী—( শ্রীগৌরলীলায় শ্রীসনাতন  
গোস্বামী) বিদ্যুৎবর্ণা, তারাবলী বসনা, রত্নভানু—পিতা, বমুনা—  
মাতা মণ্ডলীভদ্র—পতি, দক্ষিণামূর্ধ্বাস্বভাষা, শ্রীরূপমঞ্জরী  
অপেক্ষা ১ দিনের বড়, সর্বপ্রকার আভরণসেবা, শ্রীতুঙ্গবিহার  
কুঞ্জের পূর্বের লবঙ্গসুখদ কুঞ্জ ।

৩। শ্রীরতি মঞ্জরী—( শ্রীগৌরলীলায় শ্রীরঘুনাথ দাস  
গোস্বামী ) অপর নাম শ্রীতুলসী মঞ্জরী, তড়িৎবর্ণা, তারাবলী

বসনা, তের বৎসর দুইমাস বয়স বিশোক পিতা, শারদা মাতা  
দিব্যক পতি দক্ষিণামূর্ধ্বীস্বভাবা, চামরব, জন সেবা, শ্রীইন্দু-  
লেখার কুঞ্জের দক্ষিণে রত্নাসুজ কুঞ্জ ।

৪ । শ্রীরসমঞ্জরী — ( শ্রীগৌরলীলায় শ্রীরঘুনাথ ভট্ট  
গোস্বামী ) ফুলচম্পকবর্ণা, হংসপক্ষবসনা, তেরবৎসর বয়স,  
শ্রীলবঙ্গ মঞ্জরীর তুল্য গুণসম্পন্ন, দক্ষিণামূর্ধ্বীস্বভাবা, সুভানু  
পিতা, প্রেমমঞ্জরী — মাণ্ডা, বিটক — পতি ; শ্রীচিত্রাদেবীর কুঞ্জের  
পশ্চিমে রসানন্দপ্রদ কুঞ্জ ।

৫ । শ্রীগুণমঞ্জরী — ( শ্রীগৌরলীলায় শ্রীগোপাল ভট্ট  
গোস্বামী ) তড়িৎকান্তি, জবাপুষ্পবর্ণাবসনা, তের বৎসর  
এক মাস সাতাইশ দিন বয়স, চন্দ্রভানু পিতা, যমুনা মাতা,  
গোভট পতি, শয্যাসেবা, দক্ষিণ্যামাশ্রিত প্রথরা, শ্রীচম্পক-  
লতার কুঞ্জের ঈশানে গুণানন্দদ কুঞ্জ ।

৬ । শ্রীবিলাস মঞ্জরী ( শ্রীগৌরলীলায় শ্রীজীব গোস্বামী )  
ইনি শ্রীরূপমঞ্জরীর সখ্য আশ্রিতা, স্বর্ণকেতকীবর্ণা, ভ্রমরবর্ণ  
বসনা, বামামূর্ধ্বী স্বভাবা, বার বৎসর এগার মাস ছাব্বিশ দিন  
বয়স, স্বভানু পিতা, দুর্বলা মাতা, বিড়ম্বক পতি, জলসেবা-  
পরায়ণা, শ্রীরঙ্গদেবীর কুঞ্জের নৈঋতে বিলাসানন্দদ কুঞ্জ ।

৭ । শ্রীমঞ্জুলালী — ( শ্রীগৌরলীলায় শ্রীলোকনাথ  
গোস্বামী ) তপ্তহেমবর্ণা, কিংশুকপুষ্পবর্ণবসনা, বামামধ্য  
স্বভাবা, বস্ত্রসেবা । তের বৎসর ছয় মাস সাত দিন বয়স ।  
শ্রীঐশাখার কুঞ্জের উত্তরে লীলানন্দপ্রদা কুঞ্জ ।

এ সভার অনুগা হইয়া, প্রেমসেবা নিব চাঞা  
ইন্দ্রিতে বুঝিব সব কাজ ।

রূপে গুণে ডগমগি সদা হব অনুরাগী  
বসতি করিব সখী মাঝে ॥৫৩॥

৮। শ্রীকৃষ্ণের মঞ্জরী — ( শ্রীগৌরলীলায় শ্রীকৃষ্ণদাস  
কবিরাজ ) শুদ্ধহেমবর্ণা, কাচবর্ণবসনা, ত্রিখণ্ড সেবা, ত্রয়োদশ  
বর্ষ বয়স, বামাধীন্যভাবা, শ্রীসুদেবীর কুঞ্জের উত্তরে কস্তুর্যা  
নামক কুঞ্জ । ৫২

রাগমাগীয়া সাধকগণ শ্রীকৃষ্ণদত্ত অন্তর্শ্চিত্ত সেবোপ-  
যোগী সিদ্ধদেহে এই সকল মঞ্জরীগণের আনুগত্যে শ্রীরাধা-  
কৃষ্ণের প্রেমসেবা করিয়া থাকেন—ইহাই সাধ্যবস্তু ।  
শ্রীরাধাকৃষ্ণের এই প্রেমসেবায় কেবল সখী-মঞ্জরীগণের  
অধিকার । এতএব ইঁহাদের আদেশক্রমে প্রেমসেবায় নিযুক্ত  
হইব । যুগলের রূপগুণে 'ডগমগি,'—বিভোর হইয়া তাঁহাদের  
মাধুর্য্য আশ্বাদন করিব ।

সখী ও মঞ্জরী উভয়েই রাগাত্মিক এবং সর্বদাই যুগল-  
কিশোরের প্রেমসেবারসে নিমগ্না, তথাপি সেবা বিষয়ে  
মঞ্জরীগণের কোন কোন অংশে বৈশিষ্ট্য আছে । মঞ্জরীগণের  
নিজ ইন্দ্রিয়দ্বারা শ্রীকৃষ্ণমুখবর্ধনরূপ মিলনাকাঙ্ক্ষা নাই, ইঁহারা  
কেবল যুগলসেবার জ্বালাময়ী পিপাসার মূর্ত্তি । সর্বপ্রকারে  
কান্তসহ কান্তার মিলন করাইবার অদম্য নব নব আকাঙ্ক্ষার  
মূর্ত্তবিগ্রহ—মঞ্জরীগণ ।

বৃন্দাবনে দুইজন,                      চারিদিকে সখীগণ,  
সময় বুঝিব রস-সুখে ।

সখীর ইঙ্গিত হবে,                      চামর ঢুলাব তবে,  
তাম্বুল যোগাব চাঁদমুখে ॥৫৪॥

রাগময়ী ভক্তির অপর নাম রাগাত্মিকা ভক্তি । ইহা  
দ্বিবিধ—কামরূপা ও সঙ্গক্রান্তুগা । যাহাতে উত্তমই কেবল-  
মাত্র শ্রীকৃষ্ণের সুখের নিমিত্ত হওয়ায় সন্তোগত্বকোও প্রেমরূপে  
পরিণত হয় সেই ভক্তিকে কামরূপা ভক্তি বলে । ইহা  
কেবলমাত্র ব্রজগোপীগণেই বিद्यমানা । আর সঙ্গক্রূপা ভক্তি  
বলিতে যাহা সঙ্গক্রকে অবলম্বন করিয়া শ্রীকৃষ্ণের সুখের নিমিত্ত  
প্রবর্তিত হয়, তাহাই সঙ্গক্রূপা ভক্তি । এইপ্রকারে রাগা-  
ত্মিকা ভক্তি দুইপ্রকার হওয়ার রাগাত্মিকা ভক্তিও দুইপ্রকার  
—কামাত্মুগা ও সঙ্গক্রাত্মুগা । কামরূপা ভক্তির অনুগামিনী  
যে তৃষ্ণা, তাহার নাম কামাত্মুগা ভক্তি । ইহা দুই প্রকার—  
সন্তোগেচ্ছাময়ী ও তত্তদ্ভাবেচ্ছাময়ী । কেলিবিষয়ক অভিলাষ-  
ময়ী কামাত্মুগা ভক্তির নাম সন্তোগেচ্ছাময়ী । নিজ যুথেশ্বরীর  
ভাবমাধুর্য্য প্রাপ্তিবিষয়ে বাসনাময়ী কামাত্মুগা ভক্তির নাম  
তত্তদ্ভাবেচ্ছাময়ী । শ্রীকৃষ্ণবিগ্রহের মাধুর্য্য দর্শন করিয়া অথবা  
ব্রজদেবীগণের সহিত শ্রীকৃষ্ণের লীলাকথা শ্রবণ করিয়া  
যাঁহারা ঐ ভাবকাজ্জলী হন, তাঁহারা এই ভক্তির অধিকারী ।  
তত্তদ্ভাবেচ্ছাময়ী ভক্তিই মঞ্জুরীভাব । ২৩

শ্রীবৃন্দাবনের মণিময় রত্নমন্দিরে সমরূপ-গুণাদিসম্পন্ন

যুগল-চরণ সেবি,                      নিরন্তর এই ভাবি,  
অনুরাগে থাকিব সদায় ।

সাধনে ভাবিব যাহা,                      সিন্ধুদেহে পাব তাহা,  
রাগপথের এই সে উপায় ॥৫৫॥

সাধনে ~~সে~~ ধন চাই,                      সিন্ধুদেহে তাহা পাই,  
প্ৰকাপক মাত্র সে বিচার ।

পাকিলে সে প্রেমভক্তি,                      অপকে সাধন রীতি,  
ভকতি-লক্ষণ তদুসার ॥৫৬॥

নরোত্তম দাস কহে,                      এই যেন মোর হয়ে,  
ব্রজপুরে অনুরাগে বাস ।

সখীগণ-গণনাতে,                      আমারে গণিবে তাতে,  
তবহঁ পূর্ব অভিলাষ ॥৫৭॥

প্রেয়সীবরা শ্রীরাধার সহিত উপবিষ্ট শ্রীকৃষ্ণ এবং সখীগণ চারিদিকে নিজ নিজ স্থলে অবস্থিত হইয়া সময়োচিত সেবারসে নিমগ্না রহিয়াছেন । এমতাবস্থায় তাঁহারা আমাকে ইঙ্গিত করিবেন এবং আমিও সময়োচিত সেবা করিব । সেই সেবার প্রকার চামর ব্যজন, তাম্বুল প্রদান ইত্যাদি । ৫৪

সাধনে ভাবিব যাহা — সাধকের স্বাভীষ্ট কৃষ্ণপ্রেষ্ঠ জনের অনুগত প্রেমসেবার উপযোগী সিন্ধুদেহে সম্পাদিত যে সেবা তাহাই লক্ষ্য । অতএব সাধক, এই লক্ষ্য স্থির রাখিয়া শ্রীরাধামাধবের (পূর্বোক্তরূপ) প্রেমসেবায় রত থাকিবেন । সাধকদেহ ভঙ্গের পর ঐ ( অন্তশ্চিন্তিত ) সিন্ধুদেহ সাক্ষাৎ প্রাপ্ত হইয়া নিজাভীষ্ট শ্রীকৃষ্ণমঞ্জরী প্রভৃতির সঙ্গিনীরূপে

সখীনাং সঙ্গিনীরূপামাত্মানাং বাসনাময়ীম্ ।

আজ্ঞা-সেবাপরাং তত্তৎকৃপালঙ্কারভূষিতাং ॥১৮

সখীনাং শ্রীললিতা-শ্রীকৃপমঞ্জরাদীনাং সঙ্গিনীরূপাম্ আস্থানাং  
 ধ্যায়ৈদিতি শেষঃ । কিম্বৃত্তাম্ আজ্ঞাসেবাপরাম্ আজ্ঞয়া তাসামনুমত্যা সেবা-  
 পরাং শ্রীরাধামাধবরোরিতিশেষঃ । পুনঃ কিম্বৃত্তাং তত্তৎকৃপালঙ্কারভূষিতাং

লীলায় প্রবেশ ঘটিবে এবং অন্তশ্চিন্তিত সেবাও সাক্ষাৎরূপে  
 লাভ হইবে । অতএব সাধনাবস্থায় যে সকল দেবা-পরিপাটী  
 চিন্তা করা যাইবে, সিদ্ধাবস্থায় তাহাই লাভ হইবে ; সুতরাং  
 সাধন ও সিদ্ধ উভয়াবস্থায় স্বরূপতঃ সেবা বিষয়ে কোন ভেদ  
 নাই ; কেবল সাধকের অবস্থাগত অপকৃত্তা ও পকৃত্তা-অংশে  
 ভেদ মাত্র ।

“সিদ্ধস্ত লক্ষণং যৎস্বাৎ সাধনং সাধকস্ত তৎ ।” এই  
 গ্রন্থানুসারে সিদ্ধের যাহা লক্ষণ, সাধকের তাহাই সাধন  
 অর্থাৎ সিদ্ধের আনুগত্যে সাধক সাধনপথে অগ্রসর হইবেন  
 এবং তাঁহাদের প্রেমসেবা-পরিপাটীর অনুসরণ করিবেন —  
 ইহাই সাধনরীতি ।

এইরূপ সাধকের সাধনের অবসান হইলে, সিদ্ধদেহে  
 ব্রজে জন্মলাভ এবং সখীমণ্ডলীতে নিত্য বাস সিদ্ধ হয় ও  
 সখীগণের গণনাতেও সখি বলিয়া পরিগণিত হওয়া যায় ।  
 অতএব সাধক সর্বদা শ্রীরাধারাণীর কিঙ্করীভাবে এই সকল  
 সেবা ভাবনা করিবেন এবং ইহা লাভের নিমিত্ত সতত  
 অনুরাগী হইয়া ব্রজে বাস করিবেন । ৫৫—৫৭।

কৃষ্ণং স্মরণং জনক্যস্ত প্রেষ্ঠং নিজসমীহিতং ।

ততঃ কথারতশ্চাসৌ কুর্যাদ্বাসং ব্রজে সদা ॥৫৯॥

সুপ্রসিদ্ধ শ্রীকৃষ্ণমনোহররূপেণ শ্রীরাধিকা-নিশাঙ্কাদ্বারং ভূমিতাং ;  
নিশাঙ্ক-মালাবসনা-ভরণাস্ত দাস্ত ইত্যুক্তেঃ । পুনঃ কিলুতাং বাসনা-  
ময়ীং চিন্তাময়ীম্ ঈক্ষেত চিন্তাময়মেতমীশ্বরামত্যাগিবৎ ॥৫৮

কৃষ্ণং স্মরণমিতি । স্মরণশ্চত্র রাগানুগাম্যং ; স্বং স্বং । রাগস্ত  
মনোধর্ম্মভাং । প্রেষ্ঠং নিজভাবোচিত-লীলাবিলাসিনং কৃষ্ণং বৃন্দাবনা-  
ধীশ্বরম্ । অস্ত কৃষ্ণস্ত জনক্য কীদৃশং নিজসমীহিতং স্বাভীলবণীরং  
শ্রীবৃন্দাবনেশ্বরী-ললিতাবিশাখারপংক্ত্যাদিকং । কৃষ্ণস্তাপি নিজসমী-  
হিতত্বেহপি তজ্জনস্য উজ্জ্বলভাটকনিষ্ঠত্বাৎ নিজসমীহিতত্বাধিক্যং । ব্রজে  
বাসমিতি অসামর্থ্যে মনসাপি সাধকশরীরেণ বাসং কুর্থাৎ । সিদ্ধ  
শরীরেণ বাসস্ত উক্তর শ্লোকার্থতঃ প্রাপ্ত এব ॥৫৯॥

সিদ্ধদেহ ভাবনা — ‘আমি শ্রীললিতা-বিশাখা ও শ্রীকৃষ্ণ-  
মঞ্জুরী আদির সঙ্গিনীরূপা. তাঁহাদের অনুমতি অনুসারে  
শ্রীরাধামাধবের সেবাপরা কিঙ্করী, সর্বমনোহারী শ্রীকৃষ্ণেরও  
যাহাতে মন হরণ হয়, তাদৃশ শ্রীরাধার প্রসাদী অলঙ্কারাদি  
দ্বারা বিভূষিতা এবং শ্রীরাধামাধবের প্রেমসেবা-বাসনাদ্বারা  
আমার সর্ববাবয়ব বিভাবিত’ ॥৫৮

রাগানুগাম্যে স্মরণেরই মুখ্যত্ব, যেহেতু রাগ মনের ধর্ম্ম ।  
অতএব রাগানুগীয় সাধক, নিজ প্রেষ্ঠ ভাবোচিত-লীলা-  
বিলাসী বৃন্দাবনাধীশ্বর শ্রীকৃষ্ণকে ও তদীয় প্রিয়জনকে স্মরণ  
করত এবং শ্রীকৃষ্ণ ও তদীয় প্রিয়জনের কথায় নিরত থাকিয়া

যুগল চরণ-প্রীতি, পরম আনন্দ তুথি,

রতি প্রেমময় পরবন্ধে ।

কৃষ্ণনাম রাধানাম, উপায় করেঁ রসধাম,

চরণে পড়িয়া পরানন্দে ॥৬০॥

মনের স্মরণ প্রাণ মধুর মধুর ধাম,

যুগলবিলাস স্মৃতি-সার ।

পরবন্ধে—প্রবন্ধে, শ্রীকৃষ্ণ-ভক্তিরসবিজ্ঞ-ভক্তজনবিরচিত-প্রেম-

ময়কথায়াং মম রতির্ভবতু । চরণে বাধামাধবরোরিতি শেষঃ ॥৬০॥

সাধকদেহ ও সিন্ধুদেহ উভয় দেহ দ্বারাই সতত ব্রজে বাস করিবেন । অর্থাৎ সাধকরূপে যথাবস্থিত দেহে এবং সিন্ধুরূপে অন্তর্স্থিত দেহে ব্রজস্থ নিজাভীষ্ট কৃষ্ণপ্রিয়বর্গের ভাব-লিপ্সু হইয়া তাঁহাদের আনুগত্যে সেবায় প্রবৃত্ত হইবেন । সমর্থ হইলে শরীর দ্বারা শ্রীকৃষ্ণাদিধামে বাস করিবেন, অগত্যা মনে মনেও বাস করা উচিত । ৫৯

যুগলচরণে প্রীতি হইলেই পরম আনন্দ লাভ হইয়া থাকে । পরবন্ধে — প্রবন্ধে, শ্রীকৃষ্ণভক্তিরসজ্ঞ - ভক্তজন-বিরচিত যুগলের প্রেমময় ( প্রবন্ধে ) কথাতে আমার রতি হউক । শ্রীরাধাকৃষ্ণনাম শ্রবণ-কীর্তনরূপ উপাসনাই সর্ব-রসের মূল উৎস । অতএব তাঁহাদের চরণে শরণাপন্ন হওত নিরন্তর নামকীর্তন ও শ্রবণে পরমানন্দস্বরূপ শ্রীযুগলকিশোর চরণে প্রীতिलाভ হইয়া থাকে । ৬০

সাধ্য সাধন এই. ইহা বই আর নাই,

এই তত্ত্ব সর্ববিবিসার ॥৬১॥

জ্বলদ-সুন্দর কাঁতি, মধুর মধুর ভাতি,  
বৈদগধি-অবধি সুবেশ ।

পীতবসন-ধর, আভরণ মণিবর,  
ময়ুর চন্দ্রিকা করু কেশ ॥৬২॥

বিধীনাং কর্তব্যোপদেশানাং সারঃ ॥৬১

মধুর মধুর—মধুরাদপি মধুরম্ অতিশয়মধুরমিত্যর্থঃ ॥৬২॥

স্মরণই মনের প্রাণ, স্মরণহীন মন নির্জীব বা মৃতপ্রায় ।

প্রাণহীন দেহ যেমন শৃগাল-কুকুরাদির ভক্ষ্য হয়, সেই প্রকার

বাঁহার মনে ভগবৎস্মরণ নাই, তাঁহার মনকে সর্বদা কামাদি রিপু-

গণ দংশন করিতে থাকে । অতএব কামাদির কবল হইতে

রক্ষা পাইতে হইলে নিরন্তর ভগবৎ স্মরণ করিতে হইবে ।

নানাবিধ লীলা স্মরণের মধ্যে যুগলকিশোরের লীলাবিলাস

স্মৃতিই সমধিক উৎকর্ষযুক্ত । যেহেতু ইহা অপেক্ষা আর

শ্রেষ্ঠ স্মরণীয় বস্তু নাই । বিশেষতঃ এই যুগল-বিলাস-

স্মৃতিই নিখিল সাধন-পরম্পরার মূলভূত মুখ্যফলস্বরূপা বলিয়া

সাধ্যরূপ, আবার এই সাধ্য শিরোমণি লাভের একমাত্র

সাধন হইল—ঐ লীলাবিলাস-স্মরণ । অতএব মধুর হইতেও

সুমধুর শ্রীরাধাকৃষ্ণের লীলা স্মরণই বিধি, অর্থাৎ সর্বপ্রকার

কর্তব্য উপদেশের সারমর্ম । 'স্মর্তব্যঃ সততং বিষ্ণুবিষ্ণুত্তব্যো ন

জাতু চিৎ । সর্বৈ বিধিনিষেধাঃ স্ম্যরেতয়োরেব কিঙ্করাঃ' ॥৬১

মৃগমদ চন্দন,                      কুক্কুম বিলেপন,

মোহন-মুরতি ত্রিভঙ্গ ।

নবীন কুসুমাবলী,              শ্রীঅঙ্গে শোভয়ে ভালি,

মধুলোভে ফিরে মত্ত ভৃঙ্গ ॥৬৫॥

ঈষত মধুর স্মিত                      বৈদগধি লীলামৃত,

লুবধল ব্রজবধুবৃন্দ ।

চরণ-কমল' পর                      মণিময় নূপুর

নখমণি যেন বালচন্দ্র ॥৬৬॥

নবীনকুসুমাবলী। মধুলোভেন মত্তভৃঙ্গঃ যশু সমীপে ভ্রমতীত্যর্থঃ । ৬৫॥

শ্রীল ঠাকুর মহাশয়, অন্তর্দশায় স্ফুর্তিপ্রাপ্ত শ্রীকৃষ্ণরূপ-  
মাধুর্য্য বর্ণন করিতেছেন — জলদসুন্দর ইত্যাদি । কাঁতি—  
কান্তি । নবীন মেঘ অপেক্ষাও সুন্দর শ্রীকৃষ্ণের নীল অঙ্গ-  
কান্তি, মধুর হইতেও সুমধুররূপে শোভা পাইতেছেন ।  
বৈদগধি অবধি সুবেশ — শ্যামসুন্দর বেরূপ বেশ-ভূষণে বিভূ-  
ষিত আছেন, তাহাতে কেলি-কলা-পাণ্ডিত্যের পরাকাষ্ঠা  
প্রকাশ পাইতেছে । তিনি স্নকুঞ্চিত কেশকলাপের উপর  
ময়ূরপুচ্ছ-রচিত চূড়া ধারণ করিয়াছেন । ৬২-৬৩॥

মুহু মধুর হাস্যরূপ লীলামৃতবর্ষণে যে বিদগ্ধতা প্রকাশ  
করিতেছেন, তাহাতে ব্রজবধুবৃন্দ লুব্ধ হইতেছেন । চরণ-  
কমলে মণিময় নূপুর ও নখমণিসমূহ যেন বালচন্দ্রসদৃশ শোভা  
পাইতেছে । ৬৪

নৃপুর মুরলি ধ্বনি

কুলবধু মরালিনী

শুনিয়া রহিতে নারে ঘরে ।

হৃদয়ে বাঢ়য়ে রতি,

যেন মিলে পতি সতী,

কুলের ধরম গেল দূরে ॥৬৫॥

মরালিনী—রাজহংসিনী । এখানে কুলবধু মরালিনী বলিতে রাজহংসিনীর ন্যায় গতিবিশিষ্টা ব্রজসুন্দরীসকল । কেননা, শ্রীকৃষ্ণের মধুর মুরলীর কাকলী ও নৃপুর শিঞ্জনে তাঁহাদের হৃদয়ে শ্রীকৃষ্ণবিষয়িনী রতি বৃদ্ধিপ্রাপ্ত হইত ; কিন্তু তাঁহারা কুলবধু ; তথাপি সতী স্ত্রী যেমন পতির সহিত মিলিত হইয়েন, তাঁহারাও তদ্রূপ কুলধর্মু ত্যাগ করিয়া মরালিনী গতিতে প্রাণবল্লভ শ্রীকৃষ্ণের সহিত মিলিত হইয়েন । এতদ্বারা ব্রজের পরকীয়া-তত্ত্ব প্রদর্শিত হইল ।

এখানে ব্রজসুন্দরীগণ পরম দুঃসহ লোকলজ্জাদির প্রতি দৃষ্টি বা আদর না করিয়া একমাত্র শ্রীকৃষ্ণপ্ৰীতিতেই প্রবৃত্ত হইয়াছিলেন বলিয়া জানা যাইতেছে । যেহেতু, একমাত্র শ্রীকৃষ্ণপ্ৰীতিই সর্বশাস্ত্রফল । এইজন্যই ব্রজের পার-কীয়ত্বভাব পরম উপাদেয় বলিয়া মহাজনগণ বলিয়াছেন । (শ্রীভাঃ ১০ঃ৩৮।৮) শ্রীঅক্রুর বলিতেছেন—

‘গোচারণ্যানুচরৈশ্চরন্ বনে যদগোপিকানাং

কুচকুম্বাঙ্কিত’ ইত্যাদি—যে চরণকমল গোচারণের

নিমিত্ত সখাগণের সহিত বনে বনে বিচরণপূর্বক গোপীগণের

কুচকুম্ব দ্বারা অঙ্কিত হয় — অথু আমি সেই চরণদর্শন করিব । এই শ্লোকে শ্রীঅকুর শ্রীকৃষ্ণের ঔপপত্যভাবেরই উল্লেখ করিয়াছেন । যদিও অকুরের সহিত শ্রীকৃষ্ণের পিতৃত্ব সম্বন্ধ, তথাপি ঐ উক্তি পিতৃত্ব বা দাসত্ব হিসাবে নহে ; বাস্তবিক কিন্তু উহা উপাদেয়-বুদ্ধিতেই উল্লিখিত হইয়াছে । এইরূপ অসংখ্য শাস্ত্র প্রমাণ রহিয়াছে । অধিক কথা কি ? (শ্রীভাগ-বতাদি মহাপুরাণে) নানাজাতীয় মুনি-ঋষি ও রাজ সভাতে যে ঐ ঔপপত্য-প্রতিপাদক রাসলীলার সঙ্গীত হয়, তাহা ত নিশ্চয়ই উপাদেয় বলিয়াই কীর্তিত হইয়া থাকে । বিশেষতঃ রাসকমণ্ডলভূষণ শ্রীকৃষ্ণ ঐ পারকীয়া রসবিশেষের আশ্বাদন-কাঙ্ক্ষায় ঐ সকল নিত্যকান্তা গোপীগণকে অবতারিত করিয়াছেন । যেহেতু, অপ্রকটলীলায় যেরূপ পরম অলৌকিক পরকীয়া রসরীতি আছে, তদ্রূপ প্রকট-লীলাতেও রসাবধি আশ্বাদন করিব — এই অভিপ্রায়ে শ্রীকৃষ্ণ প্রপঞ্চোও সেই পরমোৎকর্ষাময় পরকীয়া রসবিশেষ (আশ্বাদন করিবার ইচ্ছায়) অবতারিত অর্থাৎ যথাবস্থিত নিত্যলীলা হইতে প্রকট-প্রকাশে আনয়ন করিয়াছেন ।

আর প্রকট-লীলাতেও যে সমস্ত গোপীগণ পরোঢ়া বলিয়া প্রসিক্ত হইয়াছেন, তাঁহাদেরও পতির সহিত মিলন হয় নাই । অভিসারাদি কালে যোগমায়া-কল্পিত তাদৃশী গোপীমূর্ত্তি গৃহমধ্যে দেখিয়া পতিন্য গোপগণের এইরূপ প্রতীতি হইত যে, ‘আমার পত্নী আমার গৃহে আছে ।’ —

গোবিন্দ-শরীর সত্য, তাঁহার সেবক নিত্য,  
 বৃন্দাবন-ভূমি তেজোময় ।  
 ত্রিভুবনে শোভা সার হেন স্থান নাহি আর,  
 যাহার স্মরণে প্রেম হয় ॥৬৬॥

অতএব তাঁহারা শ্রীকৃষ্ণের প্রতি অসূয়া প্রকাশ করিতেন না ;  
 বরং প্রীতিভাবই পোষণ করিতেন । এইরূপে ব্রজবাসিগণ  
 ভগবন্মায়ায় মোহিত হইয়া কেহ পরোক্ষে, কেহ বা অপরোক্ষে  
 শ্রীকৃষ্ণের পরকীয়া রস আশ্বাদনেরই সাহায্য করিতেন ।  
 অতএব ব্রজের পরকীয়া ভাব যে সর্বোত্তম এ বিষয়ে কোন  
 সন্দেহ নাই । ৬৫

সচ্চিদানন্দবিগ্রহ শ্রীকৃষ্ণে দেহ-দেহী ভেদ নাই এবং  
 তাঁহার শ্রীমূর্তি, অবতার, রূপ, ঐশ্বর্য্য ও সেবকাদি সবই  
 নিত্য । যথা, পদ্মপুরাণে —

“ততো মামাহ ভগবান্ বৃন্দাবনচরঃ স্ময়ন্ । যদিদং মে  
 ত্বয়া দৃষ্টং রূপং দিব্যং সনাতনং ॥ নিস্কলং নিষ্ক্রিয়ং শান্তং  
 সচ্চিদানন্দবিগ্রহং । পূর্ণং পদ্মপলাশাকং নাতঃ পরতরং মম ।  
 ইদমেব বদন্ত্যেতে বেদাঃ কারণ-কারণম্ । সত্য ব্যাপি পরানন্দং  
 চিদঘনং শাস্বতং শিবম্ ॥” অতঃপর বৃন্দাবনবিহারী শ্রীভগবান  
 শ্রীকৃষ্ণ মৃদুমন্দ হাস্য সহকারে বলিলেন,—তুমি আমার যে  
 রূপ দর্শন করিলে, ইহা অলৌকিক, সনাতন, নিস্কল, শান্ত,  
 সচ্চিদানন্দমূর্তি, পূর্ণ ও পদ্মপলাশলোচন—ইহা হইতে পর-

শীতল কিরণ কর

কল্পতরু গুণধর

তরুলতা ষড়ঋতু শোভা ।

গোবিন্দ আনন্দময়

নিকটে বনিতাচয়,

মধুর বিহার অতি শোভা ।৬৭।

তরবস্তু আর আমার কিছুই নাই । বেদ সমূহ ইহাকেই সর্বকারণ-কারণ, সর্বব্যাপী সত্য, পরমানন্দ, শাস্ত, চিদ্ব্যন ও মঙ্গলময় বলিয়া কীর্তন করেন । শ্রীগোবিন্দের সেবক ও তদীয় বিগ্রহবৎ নিত্য । আর তাঁহার ধামও তদ্রূপ সচ্চিদানন্দস্বরূপ । অতএব জ্যোতিষ্য—স্বপ্রকাশবস্তু, শ্রীকৃষ্ণের ইচ্ছায় এই পৃথিবীতেই বিরাজমান রহিয়াছেন ।

কিন্তু শ্রীবৃন্দাবনধাম স্বরূপতঃ বিভূ, তেজোময় ও সচ্চিদানন্দস্বরূপ হইলেও চন্দ্রচক্ষে উহা প্রাকৃতজগতের ন্যায়ই প্রতীয়মান হইতেছেন । আবার ভক্তগণ প্রেমনেত্রে তাঁহার তেজোময় স্বরূপ দর্শন করিতেছেন । অতএব শ্রীকৃষ্ণবিগ্রহ ও তাঁহার শ্রীধাম তদ্বৎ সচ্চিদানন্দস্বরূপ বলিয়া শ্রীধামের স্মরণেও প্রেমলাভ হয় ।৬৬

স্কন্দপুরাণে উক্ত আছে—শ্রীহরির বৃন্দাবনে নিত্য অধিষ্ঠান এবং ব্রহ্মা-রুদ্রাদি দেবগণ এই ধামকে সেবা করেন । আবার ঐ ঐ লীলাস্থান সমূহ লীলানুসারে বিস্তারিত ও সঙ্কুচিত হয় । আর নানাবিধ সময়ের ( বসন্ত শীতাদি ) যুগপৎ সম্মিলন-হেতু নানাজাতীয় পুষ্প ও ফলে সুশোভিত,

ব্রজপুর-বনিতার,                      চরণ-আশ্রয়-সার,  
 কর মন একান্ত করিয়া ।  
 অণু বোল গণ্ডগোল,                      না শুনহ উতরোল,  
 রাখ প্রেম হৃদয় ভরিয়া । ৬ ॥

উতরোল — উত্তরলঃ । ৬৮ ॥

বৃন্দলতা বক্সতরু হইতেও গুণশালীরূপে সত্তত শোভমান ।  
 তাদৃশ শোভাশালী শ্রী বৃন্দাবনে পূর্ণচন্দ্র অপেক্ষাও স্নিগ্ধোজ্বল  
 তঙ্গজ্যোতিপূর্ণ শ্রীগোবিন্দদেবও অনুরূপ অমুরাগবতী ব্রজ-  
 সুন্দরীগণ পরিবৃত হইয়া মধুর মধুর হাস্তভঙ্গি আদি দ্বারা  
 সর্বদা বিলাস-সুখে নিমগ্ন রহিয়াছেন ।

শ্রীকৃষ্ণ ও গোপীগণ উভয়েই সচ্চিদানন্দ বিগ্রহ, সূতরাং  
 স্বতঃতৃপ্ত ; যেহেতু, সচ্চিদানন্দ বিগ্রহের কাম বা নিজদেহ-  
 তর্পণেচ্ছা থাকিতে পারে না । প্রেম তাঁহাদের সচ্চিদানন্দ  
 স্বরূপেরই অংশ এবং সেই প্রেমের স্বভাব — প্রিয়জনের  
 তর্পণেচ্ছা — তাহাতেই প্রেমিকের সুখ । এইজন্য শ্রীকৃষ্ণকে  
 সুখ দেওয়াই গোপীগণের ইচ্ছা এবং গোপীগণকে সুখ দেওয়াই  
 শ্রীকৃষ্ণের উদ্দেশ্য । ৬৭

ভক্তের অভীষ্ট প্রকৃষ্ণরূপে পূর্ণ করাই শ্রীভগবানের  
 একমাত্র অপেক্ষিত বস্তু । তাই অসাধারণ প্রেমনিষ্ঠ ব্রজ-  
 বাসীদিগের অভীষ্ট তিনি পরমেশ্বররূপে পূরণ করিতে পারেন  
 নাই ! কারণ, গোপীগণের প্রেম পরম মাধুর্য্যময়, এজন্য  
 ভগবানকে ঐশ্বর্য্য লুকাইয়া গ্রাম্য গোপবালকের গায় লীলা

করিতে হয়। কারণ ঐশ্বর্য্য দেখিলে বা সম্ভ্রমোচিত পূজাদি করিলে তাদৃশ মাধুর্য্যময় দাস, সখা ও পতি প্রভৃতি লৌকিক ব্যবহার সিক্ত হইবে না এবং নিঃসঙ্কোচে প্রেমসেবাও হইবে না। পক্ষান্তরে তাঁহারাও তাদৃশ প্রেমসেবা হইতে বঞ্চিত বা তাঁহাদের প্রতি ভগবানের যে প্রেম আছে, তাহাও চরম-সীমা প্রাপ্ত হইবে না।

বৃন্দাবনে কেবলই মাধুর্য্য। সেখানে ভগবান তাঁহার পরিকরণের সহিত সর্ববিধ ঐশ্বর্য্য আবৃত করিয়া মহামোহন লীলাবিলাসযুক্ত গোপগোপীস্বরূপে ক্রীড়াপরায়ণ। বলা বাহুল্য যে, এই গোপরূপই ভগবানের স্বয়ং রূপ এবং তাঁহার পরিকরণকেও তদ্রূপ জানিতে হইবে। অতএব যঁাহাদের প্রেম ঐশ্বর্য্যরহিত কেবল মাধুর্য্যপূর্ণ, তাঁহারা এই ব্রজধাম লাভ করিতে পারেন। এইরূপ ভক্ত-প্রেমের তারতম্য অনুসারে ভগবানের মাধুর্য্য প্রকাশেরও তারতম্য হয় এবং ব্রজের প্রেম সর্বোৎকৃষ্ট বলিয়া তথায় ভগবানেরও সর্বোৎকৃষ্ট মাধুর্য্য প্রকাশ।

পরন্তু বৃন্দাবনে ঐশ্বর্য্য বাহিরে প্রকাশ না থাকিলেও মাধুর্য্যের অন্তরালে থাকিয়া যে প্রভাব বিস্তার করেন, তাহা বৈকুণ্ঠাদি ঐশ্বর্য্যময় স্থানেও তাদৃশ ঐশ্বর্য্যের প্রকাশ হয় না। তথাপি ব্রজের ঐশ্বর্য্য মাধুর্য্যনিষিক্ত বলিয়া তথায় লৌকিকতাই প্রাবল। তাই পূজ্যপাদ গ্রন্থকার বলিতেছেন—রে মন! এই অনুরাগিনী ব্রজপুর-বনিতার চরণাশ্রয় একান্তভাবে সার কর।

পাপ-পুণ্যময় দেহ,                      সকলি অনিত্য এহ,  
 ধন জন সব মিছা ধন্দ ।  
 মরিলে যাইবে কোথা,              ইহাতে না পাও ব্যথা,  
 তবু নিতি কর কার্য্য মন্দ ॥৬৯॥  
 রাজার যে রাজ্যপাট                      যেন নাটুয়ার নাট,  
 দেখিতে দেখিতে কিছু নয় ।  
 হেন মায়া করে যেই.                      পরম ঈশ্বর সেই,  
 তারে মন সদা কর ভয় ॥৭০॥

যেহেতু, তাঁহাদের শ্রীচরণশ্রয় ব্যতীত ব্রজরস আশ্বাদনের  
 অন্য উপায় নাই । অতএব এই ব্রজগোপীর চরণশ্রয়-বাঁধা  
 ব্যতীত অন্য যে কোন প্রসঙ্গ, সমস্তই গণ্ডগোল, তাহা কদাচ  
 শ্রবণ কারও না । ‘রাখ প্রেম হৃদয় ভরিয়া’—উচ্ছলিত  
 প্রেমবেগ হৃদয়ে ধারণ করিবে, কদাচ বাহিরে প্রকাশ  
 করিও না । ৬৮

ব্রজপুর-বনিতার চরণশ্রয়রূপ সুহৃৎলীভ পদ প্রাপ্তির  
 নিমিত্ত সাধকের মহান্ প্রযত্ন করা কর্তব্য । যদিও ভক্তনের  
 আরম্ভে ভক্তির অবাস্তুর ফলরূপে ভক্তের অনাদি জন্মার্জিত  
 কামভোগবাসনা তাঁহার অননুসন্ধানে আপনিই বিদূরিত  
 হইয়া যায় এবং দেহ-দৈহিক সম্বন্ধীয় দুঃখ নিবৃত্তির জন্ম  
 পৃথক কোন সাধন বা প্রয়াসের আবশ্যকতা নাই, তথাপি  
 ভক্তকে সতত দেহ-দৈহিক বিষয়ে বিরক্ত থাকিতে হইবে ।  
 কারণ, বিষয়ে আবেশ থাকিলে ভক্তনে আবেশ হইবে না,

পাপে না করিহ মন,                      অধম সে পাপীজন,  
 তারে মন দূরে পরিহরি ।  
 পুণ্য যে সুখের ধাম,                      তার না লইও নাম,  
 পুণ্য মুক্তি দুই ত্যাগ করি ॥৭১॥

সুতরাং পূর্বোক্ত সুদুল্লভ পদ প্রাপ্তি সুদূর পরাহত । এজন্য দেহ-দৈহিক অনিত্যতা পর্যালোচনা করা কর্তব্য । এই জন্মই শ্রীল ঠাকুর মহাশয় সাধ্য-সাধনতত্ত্ব বর্ণনের আনুসঙ্গিকরূপে স্বীয় মনকে উপলক্ষ্য করিয়া অজাতরতি সাধকগণকে বৈরাগ্য উপদেশ করিতেছেন—পাপ-পুণ্যময় দেহ ইত্যাদি । ৬৯-৭০ ।

মন, রজস্তম-সম্ভৃত কাম, ক্রোধ ও লোভাদি দ্বারা প্রেরিত হইয়া পাপকন্মের আবৃত্ত হইলে চিত্ত মলিন হয় এবং সেই পাপকন্মের অভিনিবেশহেতু ভগবৎস্মৃতি পর্য্যন্ত বিলুপ্ত হইয়া যায় । তাই বলিতেছেন—পাপে না করিহ মন । স্বর্গাদি ভোগবাসনা উদ্দেশ্যে পুণ্যকন্মও ঐপ্রকার ; উহা দ্বারা ভক্তিবাসনা খর্ব্ব হয় বলিয়া চিত্তশুদ্ধি হয় না । আর মোক্ষবাসনা হৃদয়ে থাকিলেও ভক্তিদেবী দূরেই সরিয়া যান । এজন্য শাস্ত্রে কথিত আছে—ভক্তিলাভেচ্ছ সাধককে অগ্ৰাণ্য বিষয়সুখের আশা একেবারেই ত্যাগ করিতে হইবে । কারণ 'ভুক্তিমুক্তিস্পৃহা যাবৎ পিশাচী হৃদি বর্ততে । তাবৎভক্তি-সুখস্তাত্র কথমভ্যদয়ো ভবেৎ ? যতদিন ভুক্তি-মুক্তিস্পৃহা-রূপ পিশাচী হৃদয়ে বর্তমান থাকিবে, ততদিন পর্য্যন্ত কিরূপে সেই হৃদয়ে ভক্তিসুখের অভ্যুদয় হইবে ? ৭১।

প্রেমভক্তি সুধানিধি, তাহে ডুব নিরবধি

আর যত ক্ষারনিধি প্রায় ।

নিরন্তর সুখ পাবে, সকল সন্তাপ যাবে,

পরতত্ত্ব কহিল উপায় ॥৫২

অগ্নের পরশ যেন, নহে কদাচিত্ হেন,

ইহাতে হইবে সাবধান ।

রাধাকৃষ্ণ-নাম গান, এই সে পরম ধ্যান,

আর না করিহ পরমাণ ॥৫৩

অগ্নের — যোগি-শাসি-কর্মা-জ্ঞানী-প্রভৃতীনাং । কদাচিত্ —  
আপত্তপি যথা স্পর্শনং ন ভবেৎ তথা সাবধানো ভবামি ॥৫৩

প্রেমভক্তি সুধাসাগর সদৃশ । এতদ্ভিন্ন ভুক্তি-মুক্তি  
প্রভৃতি ক্ষারনিধি— লবণসমুদ্রবৎ তীরে দুঃখপ্রদ । অতএব  
ভুক্তি-মুক্তি প্রভৃতি সর্বপ্রকার ভোগবাসনা পরিত্যাগ করিয়া  
প্রেমভক্তিরূপ সুধাসাগরে অবগাহন করিলে অখণ্ড পরমানন্দ  
লাভ হইয়া থাকে । অর্থাৎ শ্রীভগবানের রূপ, গুণ, লীলা,  
ঐশ্বর্য ও মাধুর্যের অনুভব হইয়া থাকে । বৈষ্ণবদার্শনিকগণ  
ইহাকেই পরমানন্দ প্রাপ্তির শ্রেষ্ঠ উপায় বলিয়া নির্দেশ  
করিয়াছেন । ৭২

অগ্নের পরশ — বিপদ সময়েও যেন যোগী, শাসী,  
কর্মা, জ্ঞানী প্রভৃতি অভক্তজনের সঙ্গ-স্পর্শ না হয় — সতত  
সাবধান থাকিব । আর জ্ঞান-কর্মাতির কোন সাধনকেই  
প্রমাণ অর্থাৎ কর্তব্য বলিয়া মনে করিব না । যেহেতু,

কর্মী জ্ঞানী মিছাভক্ত, না হবে তাঁতে অনুরক্ত,  
 বিশুদ্ধ ভজন কর মন ।  
 ব্রহ্ম-জনের যেই রীত, তাহাতে ডুবাও চিত,  
 এই সে পরম-তত্ত্ব ধন ॥৭৪

শ্রীরাধাকৃষ্ণের নাম গানই পরম শ্রেষ্ঠ উপাসনা । শ্রীকৃষ্ণ-ভক্তনের সর্বশ্রেষ্ঠতার কথা পূর্বেই বলা হইয়াছে । শ্রীমহাদেব বলিলেন — ‘আরাধনানাং সর্বেষাং বিষ্ণোরাদানং পরং । তস্মাৎ পরতরং দেবি ! তদীয়ানাং সমর্চনম্ ॥’ সকল দেব-দেবীর আরাধনা হইতেও শ্রীবিষ্ণুর আরাধনাই শ্রেষ্ঠ । হে দেবি ! তাহা হইতেও আবার ভক্তগণের আরাধনা শ্রেষ্ঠতর ॥” এই শ্রমাণে জানা যায় যে, যে কোন ভগবন্তু-পূজাই ভগবৎ পূজা হইতেও শ্রেষ্ঠ । অতএব ভক্তগণের আশ্রয় নিত্য পরিকরগণ এবং সেই পরিকরগণের মধ্যেও শ্রীকৃষ্ণের নিত্য পরিকরগণের ভজন ত’ পরমশ্রেষ্ঠ হইবেই । আবার সেই নিত্য পরিকরগণশিরোমণি শ্রীরাধার ভজন যে অতিশয় পরমশ্রেষ্ঠ হইবে, তাহাতে আর সন্দেহ কি ? ৭৩ ।

পৃজ্যপাদ গ্রন্থকার পূর্বেই আলোচনা করিয়াছেন যে, কর্ম ও জ্ঞান স্বরূপতঃ পরিত্যাগ করিয়া ভক্তি অনুশীলন করিবে এবং যাহাদের কর্ম ও জ্ঞানে আসক্তি থাকে, সেই সকল কর্মী ও জ্ঞানীকে দূরে পরিহার করিবে । এখানে বলিতেছেন, কর্মমিশ্রা ভক্তি ও জ্ঞানমিশ্রা ভক্তির অনুষ্ঠান-

প্রার্থনা করিব সদা, শুদ্ধভাবে প্রেম-কথা,  
নাম-মন্ত্রে করিয়া অভেদ ।

আস্তিক করিয়া মন, ভজ রাগা শ্রীচরণ,  
পাপ হ্রাসি হবে পরিচ্ছেদ ॥৭৫

কারীদের সম্বন্ধে পরিত্যাগ করিবে । বিশুদ্ধ ভজন —  
ভক্তি-আবরক জ্ঞান-কর্মাদি পরিত্যাগপূর্বক অন্যাভিলাষিতা-  
শূন্য হইয়া বাহাতে শ্রীকৃষ্ণের সুখ হয়, একরূপভাবে বিশুদ্ধ  
ভক্তির অনুষ্ঠান কর । শ্রীকৃষ্ণসুখের রীতি-নীতি একমাত্র  
ব্রজবাসীগণই জানেন, অতএব তাঁহাদের মধ্যে নিজ ভাবের  
অনুকূল ব্রজজন বিশেষের রাগভক্তির অনুগত হইয়া  
শ্রীরাধাকৃষ্ণভজনে নিরত থাক — “এই সে পরমতত্ত্ব ধন’ ১৫৪

সাধারণতঃ বীজসম্পূর্ণিত নমস্-শব্দাদি-দ্বারা অলঙ্কৃত,  
ঋষি, ছন্দ ও দেবতাবিশিষ্ট চতুর্থী-বিভক্তিযুক্ত ভগবনামাত্মক  
যে পদ, তাহা ভগবৎসম্বন্ধবিশেষ-প্রতিপাদকরূপে গুরু-  
পরম্পরায় প্রাপ্ত হওয়া যায় বলিয়া ‘মন্ত্র’রূপে কথিত হইয়া  
থাকে । আবার শ্রীমন্ মহাপ্রভু কর্তৃক ‘হরেকৃষ্ণ’ ইত্যাদি  
ষোলনাম বত্রিশাক্ষর মহামন্ত্র নামে অভিহিত হইয়াছেন ।  
এজন্ম মহামন্ত্র সর্বমন্ত্রের অংশী । অর্থাৎ মহামন্ত্রের  
মধ্যে মন্ত্রই অন্তর্ভূত রহিয়াছেন । এজন্ম প্রেমভক্তি-  
লিপ্সু ভক্তগণ নাম ও নিজ দীক্ষালব্ধ অষ্টাদশাক্ষরাদি  
মন্ত্রে অভেদ ভাবনা করিয়া এবং নাম ও ভগবৎস্বরূপে  
কিছুমাত্র ভেদ জ্ঞান না করিয়া ভজনে প্রকৃত হইবেন । আর

রাধাকৃষ্ণ-সেবন, একান্ত করিয়া মন,  
 চরণকমল বলি যাও ;  
 দুঁহু নাম শুন শুন, ভক্তমুখে পুনি পুনি,  
 পরম আনন্দ-সুখ পাও ॥৭৬

দুঁহু নাম — শ্রীরাধাকৃষ্ণনাম ॥৭৬

এই ভজনটি হইবে শুদ্ধভাবে। অর্থাৎ সর্বপ্রকারে স্বসুখ বাসনা বর্জন করিয়া কেবল অভীষ্টের সুখানুসন্ধানপর হইয়া তাঁহারই প্রেমসেবা প্রার্থনারসে মজিয়া যাইবে।

আস্তিক করিয়া মন — শাস্ত্র বলিয়াছেন, শ্রীকৃষ্ণনাম, মন্ত্র, শ্রীকৃষ্ণরূপ ও শ্রীকৃষ্ণবিগ্রহ — এই সকল এক অভিন্ন সচ্চিদানন্দ তত্ত্ব। ভক্তিবাজনে এই সকলের নিঃসুর সংযোগহেতু ভক্তের দেহেন্দ্রিয়াদিও সচ্চিদানন্দময় হইয়া যায়। কেন না, শ্রীকৃষ্ণনামাদি প্রাকৃত ইন্দ্রিয়ের গ্রাহ বিষয় হইতেই পারেন না। কিন্তু নাস্তিক ব্যক্তির শাস্ত্র ও গুরুর উপদেশে বিশ্বাস হয় না বলিয়া তাহাদের আত্মবিষয়িনী জ্ঞান বা প্রকার উদয় হয় না। তাই শ্রীল ঠাকুর মহাশয় বলিতেছেন—শাস্ত্র ও গুরুবাক্যে আস্তিক (বিশ্বাসী) হইবে। বিশ্বাস ব্যতীত ভক্তিপথে একপদও অগ্রসর হওয়া যায় না। এইরূপ দৃঢ় শ্রদ্ধাসহকারে শ্রীরাধাকৃষ্ণের শ্রীচরণ ভজন করিলেই পাপগ্রন্থি বিমোচন হইবে। অর্থাৎ চিত্তের অহঙ্কাররূপ অবিছাবন্ধন কাটিয়া যাইবে এবং অসন্তোষনাদি সংশয় সমূহও বিলীন হইয়া যাইবে; কাজেই সেই সময়ে স্বীয় স্বরূপগত অভিমান ও নিজ ইচ্ছের সহিত সম্বন্ধবিশেষ জাগ্রত হইবে। ৫

হেম-গৌরী তনু রাই,                      আঁখি দর্শন চাই,  
 বোদন করিব অভিলাষে ।  
 জলধর ঢর ঢর,                      অঙ্গ অতি মনোহর,  
 রূপে গুণে ভুবন প্রকাশে ॥৭৭  
 সখীগণ চারিপাশে,                      সেবা করে অভিলাষে,  
 যে সেবা পরম সুখ ধরে ।

শ্রীরাধাকৃষ্ণের শ্রীচরণে আত্মসমর্পণ করিয়া ওজনে প্রবৃত্ত হইলে শীঘ্রই শ্রীচরণমহিমা অনুভব হয় । তাই বলিতেছেন — শ্রীচরণে বলিহারি যাও । ভক্তমুখে শ্রীরাধাকৃষ্ণের নাম শ্রবণ অধিকতর ভক্তনুসুখ প্রাপ্তির কারণ । কারণ, ইহাতে অননুসন্ধান 'স্মরণ' হইয়া থাকে ।

আবার মন্দভাগ্যগণের সহজে ক্রীকৃষ্ণভজনে প্রবৃত্তি হয় না । তাহাদের পক্ষে ভক্তমুখে ভগবৎ নাম শ্রবণ দ্বারা ভগবানে অর্থাৎ নাম গ্রহণে রূচি জন্মায় । যেহেতু, ভক্তগণের শ্রীমুখ হইতেই বীৰ্য্যসম্পন্ন 'হৃৎকর্ণ-রসায়ণ' ভগবৎ কথা বাহির হয় । ৭৬

হেম-গৌরী তনু রাই ইত্যাদি — কবে সেই স্তবর্ণের শ্রায় গৌরকান্তিধারিণী শ্রীরাধাকে নয়নে দর্শন করিব ? — এই অভিলাষে বোদন করিব । জলধর ঢর ঢর ইত্যাদি — বর্ষাণামুখ নবমেঘের শ্রায় স্নিগ্ধ-শ্যামলকান্তি শ্রীকৃষ্ণ স্বীয় রূপে জগৎ উদ্ভাসিত করিয়াছেন এবং কারুণ্যগুণে সকলেরই প্রতি কৃপাবর্ষণ করিতেছেন । ৭৭

এই মন তনু মোর,                    এই রসে হৈয়া ভোর,  
নরোত্তম সদাই বিহরে ॥৭৮

রাধাকৃষ্ণ করো ধ্যান,            স্বপ্নেও না বলো আন,  
প্রেম বিনা আন নাহি চাঁউ ।

যুগলকিশোর-প্রেম,            যেন লক্ষবাণ হেম,  
আরতি পিরীতি রসে ধঁয়াউ ॥৭৯

আরতি-পিরীতি রসে ধঁয়াউ — আত্মা প্ৰীতিসুখস্বরূপে ধ্যানং  
কুরু। হে মনঃ! ইতি শেষ ॥৭৯

এক্ষণে রাগানুগামার্গের স্মরণীয় যোগপীঠে বিহরণশীল  
শ্রীরাধাকৃষ্ণের চারিপাশে সখীগণ ইত্যাদির সেবা লিখিত  
হইতেছে । শ্রীললিতাদি সখীগণ, শ্রীরূপমঞ্জরী প্রভৃতি  
মঞ্জরীগণ শ্রীরাধাকৃষ্ণের চতুর্দিকে থাকিয়া নব-নবায়মান  
অভিলাষের সহিত সেবা করিতেছেন এবং সেই সেবায়  
নেবনীয় শ্রীরাধাকৃষ্ণকে সুখী দেখিয়া তাঁহারাও পরম সুখ  
লাভ করিতেছেন । আমার কি মন-তনু ( সিন্ধুদেহ )  
তাঁহাদের অনুগত হইয়া এই সেবারসে ভোর হইবে ? যেহেতু,  
একমাত্র সেবাসুখ আশ্বাদনই এই রাগানুগামার্গীয় সাধকগণের  
অভিলষণীয় । ৭৮

লক্ষবাণ হেম — স্বর্গের মল নিষ্কাশণ জন্ত অগ্নিতে  
স্বর্গকে দগ্ধ করা হয়, এরূপ লক্ষবার দগ্ধ করিলে সেই স্বর্গে  
আর মল থাকে না বলিয়া তাহাকেই লক্ষবাণ হেম বলে ।  
এই বিশুদ্ধ স্বর্গের মত যুগলকিশোরের প্রেমও বিশুদ্ধ এবং

জলবিনু যেন মীন,                      দুঃখ পায় আয়ুহীন,  
 প্রেম বিনা সেই মত ভক্ত ।

চাতক জলদ-গতি,                      এমতি একান্ত রীতি,  
 জানে যেই সেই অনুরক্ত ॥৮০

লুবধ ভ্রমর যেন,                      চাকার চন্দ্রিকা তেন,  
 পতিব্রতা জন' (র) যেন পতি ।

অন্যত্র না চলে মন,                      যেন দরিদ্রের ধন,  
 এই মত প্রেমভক্তি রীতি । ৮১

উজ্জ্বল । অতএব রে মন ! আর্তিসহকারে প্রীতির মূর্ত্তস্বরূপ  
 শ্রীযুগলকিশোরকে ধ্যান কর । ৭৯

এক্ষণে আর্তির প্রকার পরিষ্কার করিবার উদ্দেশ্যে  
 বলিতেছেন — জল বিনা যেন মীন ইত্যাদি — মৎস্য যেমন  
 জল বিনা ক্ষণকাল থাকিতে পারে না, অর্থাৎ ছট্‌ফট্‌ করিয়া  
 প্রাণত্যাগ করে, প্রেম বিনা ভক্তের অবস্থাও তদ্রূপ হয় ।  
 আবার চাতক যেরূপ আকাশের জল ব্যতীত অন্য জল পান  
 করে না, ঐকান্তিক ভক্তও তদ্রূপ প্রেমামৃতবধি শ্রীযুগল-  
 কিশোরের কৃপাবারি ভিন্ন অন্য কিছু পান বা আশ্বাদন করেন না  
 — ইহাই ঐকান্তিক ভক্তের রীতি । যাঁহারা এই তত্ত্ব জ্ঞাত  
 হইয়া ভজনে প্রবৃত্ত হন, তাঁহারাও অচিরে সেই ঐকান্তিকতায়  
 অনুরক্ত হইয়া পড়েন । ৮০

পুনরায় প্রেমভক্তির আর্তিময় রীতির বিস্তৃত বর্ণনা  
 করিতেছেন — লুবধ ভ্রমর যেন ইত্যাদি । মধুলুক ভ্রমরের



মধ্যে মধ্যে আছে দুষ্টি                      দৃষ্টি করি হয় রুষ্টি,  
গুণ বিগুণ করি মানে ।

গোবিন্দ-বিমুগ্ধজন,                      ক্ষুণ্ণ নহে হেন ধন,  
লৌকিক করিয়া সব জানে ॥৮৩

অজ্ঞান-বিমুগ্ধ যত,                      নাহি লয় সত-মত,  
অহঙ্কারে না জানে আপনা ।

অভিমानी ভক্তি-হীন,                      জগতাবে সেই দীন,  
বৃথা তার অশেষ ভাবনা ॥৮৪

দৃষ্টি করি—শ্রীকৃষ্ণভক্তানাং প্রেমাচরণং দৃষ্ট্বা ॥৮৩॥

ভগবৎ প্রসাদ সেবনে, কর্ণকে ভগবৎ গুণ শ্রবণে, বৃক্কে  
ভগবদ্ভক্তের গাত্র স্পর্শাদি জনিত সুখভোগে ও নাসিকাকে  
ভগবৎ নিম্বাল্যাতির সুগন্ধ গ্রহণে নিয়োজিত কর । ৮২

মধ্যে মধ্যে আছে দুষ্টি ইত্যাদি—বহিঃস্থ বহু দুষ্টি ব্যাভ  
আছে, যাহারা শ্রীকৃষ্ণভক্তগণের প্রেমাচরণ দর্শন করিয়া রুষ্টি  
হয় । কারণ, তাহারা শ্রীকৃষ্ণভক্তের প্রেমরূপ মহাধনেয়  
বিষয় জ্ঞাত নহে, বরং প্রেমিক ভক্তের প্রেমোথ হাস্য,  
ক্রন্দন, নৃত্য-গীতাদিকে লৌকিক হাস্য-ক্রন্দনাদির ন্যায় মনে  
করে । ৮৩

অজ্ঞান-বিমুগ্ধজনই শাস্ত্র ও গুরুর উপদেশ গ্রহণ করিতে  
পারে না । কাজেই তাহাদের চিন্তাশুদ্ধি হয় না এবং চিন্তা-  
শুদ্ধি ব্যতিরেকে কোন সাধনেই সিদ্ধিলাভ হয় না । এজন্য  
বিমুগ্ধ ব্যক্তিগণ ইচ্ছিয় ও মনে আত্মাভিমান করিয়া কৃত-কর্মের

আর সব পরিহারি, পরম ঈশ্বর হরি,  
সেব মন! প্রেম করি আশ।

এক ব্রজরাজ-পুরে, গোবিন্দ রসিকবরে,  
করহ সদাই অভিলাষ ॥০৫

নরোত্তম দাস কহে, সদা মোর প্রাণ দহে,  
হেন ভক্ত-সঙ্গ না পাইয়া।

অভাগ্যের নাহি ওর, মিছাই হইলু ভোর,  
দুঃখ রহ অন্তরে ভাগিয়া ॥০৬

এক ব্রজরাজপুরে—মর্ত্য ব্রজমণ্ডলে ইত্যর্থঃ ॥০৫॥

‘আমিই কর্তা’ বলিয়া অভিমান কবে। কাজেই এই অহকার অতিশয় প্রবল ও সামর্থ্যশালী হইয়া জীবের আত্ম-স্বরূপ আচ্ছাদন করে বলিয়া ‘আমি কৃষ্ণের নিত্যদাস’—এই নিজস্বরূপ জানিতে পারে না। বস্তুতঃ এইরূপ ভক্তিহীন মনুষ্যগণই সংসার মধ্যে অতিশয় দীন, অথাৎ ভক্তিহীনতাই জীবের অশেষ সংসার দুঃখের কারণ হয় এবং দুঃখ নিবৃত্তির অশেষবিধ চেষ্টা ও ভাবনাদি ব্যর্থতায় পর্য্যবসিত হয়। ৮৪

সর্বপ্রকার বাসনা পরিত্যাগ করিয়া একমাত্র পরমেশ্বর শ্রীকৃষ্ণে আত্মসমর্পণ পূর্বক তাঁহারই সেবায় আত্ম নিয়োগ কর এবং একমাত্র সেই প্রেম সেবারই আশা কর। অতএব হে মন! তুমি সেই ব্রজধামে রসিকশেখর শ্রীগোবিন্দকে প্রাপ্ত হইবার নিমিত্ত অভিলাষ কর। ৮৫

সাধুর মুখ হইতে কথাক্রমেই শ্রীকৃষ্ণ শ্রবণকারীর হৃদয়ে

বচনের অগোচর,                      বৃন্দাবন হেন স্থল,  
 স্বপ্রকাশ প্রেমানন্দঘন ।  
 যাহাতে প্রকট সুখ,                      নাহি জরামৃত্যুদুখ,  
 কৃষ্ণলীলারস অনুকণ ॥৮৭

শ্রীবৃন্দাবনঃ বিশিনষ্টি “বচনের অগোচর” ইত্যাদিনা । বচনের  
 অগোচর — অনির্বচনীয়ং, নির্বচন্যমশক্যমিত্যর্থঃ ॥৮৭॥

প্রবেশ করিয়া সেই হৃদয়ের অমঙ্গলরাশি বিদূরিত করেন ।  
 অতএব ভক্তসঙ্গরূপ সৌভাগ্য ব্যতিরেকে কদাচ ভগবদ্-  
 বৈমুখ্য দোষ দূরীভূত হয় না এবং শ্রীকৃষ্ণসেবালাভেরও  
 উৎকণ্ঠা জন্মে না—এই অভিপ্রায়েই পূজ্যপাদ গ্রন্থকার  
 বলিতেছেন—নরোত্তম ইত্যাদি । ৮৬

পূজ্যপাদ গ্রন্থকার স্ফূর্তিপ্রাপ্ত শ্রীবৃন্দাবনের মহিমা বর্ণন  
 করিতেছেন—‘বচনের অগোচর’ অনির্বচনীয় । প্রকট  
 অপ্রকট-ভেদে লীলা স্বরূপ দ্বিবিধ, তদ্রূপ প্রাকৃতলোকের  
 প্রত্যক্ষগোচর যে ধামের স্বরূপ, তাহা প্রকট-প্রকাশ, আর  
 যাহা প্রাকৃত জনের চক্ষুচক্ষুর অগোচর, তাহাই অপ্রকট-  
 প্রকাশ ; কিন্তু উভয় প্রকাশই স্বরূপতঃ সচ্চিদানন্দ এবং  
 শ্রীকৃষ্ণলীলার ন্যায় স্বপ্রকাশ বস্তু । তবে আমাদের চক্ষুচক্ষু-  
 যে বৃন্দাবনবাসীগণের জরা-মৃত্যু দেখা যায়, তাহার  
 তাৎপর্য এই যে, বৃন্দাবনের সচ্চিদানন্দস্বরূপ প্রাকৃত নেত্র-  
 গোচর নহে বলিয়া প্রাকৃত দৃষ্টিতে প্রাকৃত জগতের ন্যায়  
 প্রতীত হইয়া থাকে, কিন্তু প্রেমিক ভক্তগণ এই বৃন্দাবনেরই

রাধাকৃষ্ণ দু'হু প্রেম,                      লক্ষবান যেন হেম,  
যাহার হিল্লোল রসসিকু ।

চকোর-নয়ন-প্রেম,                      কাম রতি করে ধ্যান,  
পিরীতি-সুখের দু'হু বন্ধু ॥৮৮

যুবায়মুখচন্দ্রয়োশচকোরারিব যেনহনে তয়োঃ প্রেমাং রতি-  
কামৌ ধায়তঃ । যাহার হিল্লোল ইত্যাদি—শ্রী বৃন্দাবনশু সঙ্ঘক্রে  
লীলারস এব সিবুৎসু তবঙ্গরূপঃ শ্রীরাধাকৃষ্ণয়োঃ প্রেমা ॥৮৮॥

সচ্চিদানন্দস্বরূপ অবলোকন করিয়া থাকেন । গৌতমীস্ব তন্ত্রে  
শ্রীকৃষ্ণবাক্য—‘ইদং বৃন্দাবনং রম্যং মম ধামৈব কেবলম্ ।  
অত্র যে পশবঃ পক্ষি ঃক্ষাঃ কীর্টা নরামরাঃ । যে বসন্তি  
মমাধিষ্ঠে মৃত্যু যান্তি মমালয়ং ॥’

এই পরম রমণীয় বৃন্দাবন কেবল আমারই বাসস্থান ।  
অত্রত্য পশু-পক্ষী কীর্ট বৃক্ষ, মনুষ্য দেবতা প্রভৃতি যাহারা  
আমার অধিষ্ঠানে বাস করে, তাহারা দেহান্তে আমার  
আলয়েই গমন করে । ‘যাহারা আমার অধিষ্ঠানে বাস করে’—  
এই বাক্যে প্রকট-প্রকাশকে লক্ষ্য করা হইয়াছে । ইহার  
পরেই উক্ত আছে, ‘তেজোময়মিদং রম্যম্ অদৃশং চন্দ্রচক্ষুষা’  
এই তেজোময় রমণীয় বৃন্দাবন চন্দ্রচক্ষুর অগোচর— এই বাক্যে  
অপ্রকট প্রকাশ সূচিত হইয়াছে । অতএব প্রকট ও অপ্রকট  
ধামের প্রকাশগত কোন ভেদ নাই । কেবল জ্ঞতার দৃষ্টিগত  
ভেদহেতু অভক্তগণের অদৃশ্য এবং প্রেমিক ভক্তগণের দৃশ্য ।  
এই অভিপ্রায়েই পূজ্যপাদ গ্রন্থকার বলিয়াছেন—‘নাহি

রাধিকা প্রেয়সীবরা, বামাদিকে মনোহরা,  
কনক কেশর-কান্তি ধরে ।  
অনুরাগে রক্ত সাড়ী, নীলপট্ট মনোহারী,  
মণিময় আভরণ পরে ॥-৯

নীলপট্ট— কৃষ্ণবর্ণ সাদৃশ্যে । অনুরাগে— অনুরাগহেতুনা ।

বামা— বামমহাভাবা ॥৮৯॥

জরামৃত্যুদুখ' ॥৮৭

যাহার হিল্লোল রসসিন্ধু— শ্রী বৃন্দাবন-রসচিন্তুর হিল্লোলই  
( তরঙ্গস্বরূপ ) শ্রীরাধাকৃষ্ণের প্রেম । চকোর নয়ন ইত্যাদি—  
শ্রীরাধাকৃষ্ণের মুখচন্দ্রের মাধুর্য্যশোভা আশ্বাদনকারী চকোর  
সদৃশ পরম্পরের যে নয়নযুগল, তাহার দৃষ্টিকণিকারূপ প্রেম-  
লাভের নিমিত্ত কাম রতি সতত ধ্যান করিতেছে । বলা  
বাহুল্য যে, এই কাম ও রতি অপ্রাকৃত তদ্বিশেষ হইলেও  
মদনমোহনরূপের উপাসক । ৮৮

রাধিকা প্রেয়সী বরা— ব্রহ্মসুন্দরীগণের মধ্যে শ্রীরাধিকা  
নিরতিশয় বরী যসী । রতি হইতে মহাভাবের উদগমনে  
উল্লাসশীল যে মাদনাখ্য মহাভাব, যাহা পরাৎপর অর্থাৎ  
মোহনাদি ভাব অপেক্ষাও উৎকৃষ্ট, তাহাই শ্রীরাধার স্বরূপ  
অর্থাৎ তাহা সতত শ্রীরাধাতেই বিরাজিত হয়, অন্যত্র ইহার  
উদয় হয় না । বামা মনোহরা— মধ্যাত্ম ও বামাত্ম প্রভৃতি  
স্বভাবব্যঞ্জক স্তমধুরভাবে স্থাবর-জঙ্গমাদিরও মনোহরা । অনু-  
রাগে ইত্যাদি— শ্রীকৃষ্ণানুরাগের প্রাবল্যহেতু শ্রীরাধিকা রক্ত-

করয়ে লোচন পান,                      রূপলীলা হুঁহু গান,  
আনন্দে মগন সহচরী ।

বেদবিধি অগোচর,                      রতন-বেদীর'পর  
সেব নিতি কিশোর-কিশোরী ॥ ৯০

আনন্দে ইত্যাদি—সাহচর্য এবং কৃষ্ণ আনন্দে মগ্না ভবন্তি ॥৯০॥

বর্ণ শাড়ী পরিধান করিয়াছেন এবং কৃষ্ণবর্ণ-সাদৃশ্যহেতু সেই রক্তবর্ণ শাড়ীর উপর নীলবর্ণ পটবস্ত্র আবরণ করিয়াছেন। যেহেতু, অনুরাগ অন্তরের বস্তু, সূতরাং অনুরাগের প্রতীক রক্তবর্ণ শাড়ীও অন্তর্বাসনরূপে ব্যবহার করাই সমীচিন ৷৮৯।

সখীগণ, শ্রীরাধাকৃষ্ণের সেই রূপমাধুর্য্য লোচনদ্বারা পান করিয়া এবং লীলামাধুর্য্য গান করিয়া আনন্দে নিমগ্না হইয়া থাকেন ।

শ্রীবৃন্দাবনে শ্রীরাধাকৃষ্ণের লীলাসমূহে বিভূষিত অসংখ্য কুঞ্জ ও রক্তবেদী প্রভৃতির অসংখ্য প্রকাশ নিত্য বিরাজমান এবং সখীগণ কর্তৃক প্রাচুর্য্যবিত সেইসব রহস্যলীলা, যাহা স্ব স্ব লীলাপরিকরণই দর্শনে সমর্থ, তদুভিন্ন অন্য কেহই দর্শন করিতে পারেন না। আবার শ্রীকৃষ্ণলীলা-দর্শনের অযোগ্য ব্যক্তিগণকে বঞ্চনার নির্মিত্ত বেদাদিশাস্ত্র সমূহও উহা নিগূঢ়ভাবে অর্থাৎ সকলের নিকট ব্যক্ত করেন না। এজন্যই বলা হইয়াছে—‘বেদবিধি অগোচর।’ অতএব সখীগণের অনুবর্তী হইয়া শ্রীযুগলকিশোরের সেবাসুখ আশ্রয় করিতে



জ্ঞান কাণ্ড কৰ্ম্য কাণ্ড,            কেবল বিষের ভাণ্ড  
অত বলিয়া যেবা খায়।

নানা যোনি সদা ফিরে,            কদর্য্য ভক্ষণ করে,  
তার জন্ম অধঃপাতে যায় ॥২৬

রাধাকৃষ্ণে নাহি রতি,            অণ্ড দেবে বলে পতি,  
প্রেমভক্তি রীতি নাহি জানে।

নাহি ভক্তির সন্ধান,            ভরমে করয়ে ধ্যান,  
বৃথা তার এছার জীবন ৯৫

করত সাধু-শাস্ত্র মতানুসারে শ্রীরাধাকৃষ্ণের ভজনা কর। ৯৩

জ্ঞান ও কৰ্ম্যকাণ্ড-বিধি-কর্তৃক প্রণোদিত হইয়া  
মনুষ্য জ্ঞান-কৰ্ম্মে প্রবৃত্ত হয়, কিন্তু উভয়ই ভক্তিবর্জিত  
বলিয়া পরিণামে দুঃখেই পর্য্যবসিত হয়। জড় ও নশ্বর  
দেহেন্দ্রিয়ে আত্মাভিমান করিয়া কৰ্ম্মী জড় ও নশ্বর ফল  
লাভে পুনঃ পুনঃ কৰ্ম্মসূত্রে আবদ্ধ হয় ও জন্ম-মরণাদি দুঃখই  
লাভ করে। জ্ঞানী, ঐ সকলকে দুঃখের কারণ জানিয়া দুঃখ  
নাশের উপায় জ্ঞানযোগের সাধন করেন, কিন্তু ভাক্ত, ভক্ত  
ও ভগবানের প্রতি অনাদর-হেতু মুক্তিপথ হইতে ভ্রষ্ট হইয়া  
থাকেন। আর যাহারা ইন্দ্রিয়সুখের উপযোগী কৃত্রিম ধৰ্ম্ম  
গঠন করত তাহার আশ্রয়ে পশুপ্রায় কদর্য্য জীবন-বাপন  
করিতে প্রবৃত্ত হয়, তাহাদের দুঃখের কথা কি বলা যাইবে ?  
'তাহাদের জন্ম অধঃপাতে যায়।' ৯৪

'আমি'র নাম আত্মা, এই আত্মভাবের আরোপ না

জ্ঞান কন্ম করে লোক. নাহি জানে ভক্তিব্যোগ,

নানামতে হইয়া অজ্ঞান ।

তার কথা নাহি শুনি, পরমার্থ-তত্ত্ব জানি,

প্রেমভক্তি ভক্তগণ-প্রাণ । ৯৬

জগৎ-ব্যাপক হরি, গুণ-ভব আজ্ঞাকারী,

মধুর মুরতি লীলা কথা ।

এই তত্ত্ব জানে যেই, পরম উত্তম সেই,

তার সঙ্গ করিব সর্বথা ॥ ৯৭

নাহি শুনি—শ্রবণং ন কুৰ্য্যাম্ । পরমার্থ-তত্ত্ব জানি—পরমার্থ-

তত্ত্বং জ্ঞাতব্যাম্ । ৯৬

হওয়া পর্য্যন্ত কোনও অনাত্মবস্তু প্রীতির বিষয় হয় না ;

অতএব এই প্রিয়তা জড়ের ধর্ম নহে—আত্মারই ধর্ম এবং

এই আত্মাই প্রীতির বিষয় । আবার পরমাত্মাই এই জীবা-

ত্মারও আশ্রয় । আর সর্বশক্তিমান স্বয়ং ভগবান শ্রীকৃষ্ণই

সেই পরমাত্মারও অংশী ; অতএব শ্রীকৃষ্ণই পরমাশ্রয় এবং

সকলের প্রীতির বিষয় । তাই শ্রীকৃষ্ণকে ভুলিয়া অন্য দেব-

তাকে পতিরূপে ভজন ব্যভিচার দোষতৃষ্ট । অথবা অন্য

দেবতাকে প্রভুরূপে উপাসনা করিলেও প্রীতির পূর্ণ বিকাশ

হইবে না । বস্তুতঃ বাহ্যের প্রীতি বা ভক্তির সন্ধান জানে

না, অর্থাৎ কাহাকে প্রীতি বা ভক্তি করা কর্তব্য—ইহার

অনুসন্ধান না করিয়া ভ্রমবশতঃ অন্য দেবতাকে ধ্যান করে,

তাহাদের জীবন ধারণই বুধা হয় । ৯৫



লীলাবাস সদা গান, যুগলকিশোর প্রাণ

প্রার্থনা করিব অভিলাষ :

জীবনে মরণে এই আর কিছু নাহি চাই,

কহে দান নরোত্তম দাস ॥১০০

আন কথা না বলিব, আন কথা না শুনিব

সকলি করিব পরমার্থ ।

প্রার্থনা করিব সদা, ল'লসা অভীষ্ট কথা,

ইহা বিনা সকলি অনর্থ ॥১০১

পরমার্থ — শ্রীকৃষ্ণ ভক্তি । ইহা — লালসা ॥ ১০১

শ্রীশুক ও ভক্তগণের চরণে মন-প্রাণ সমর্পণ করিয়া এবং শাস্ত্রবাক্যের অনুসরণপূর্বক ভজনপথে অগ্রসর হইবে । আর সিক্তরূপে সর্ব প্রকারে নিজ অভিষেকীয় সখীর মতানুবর্তিনী হইয়া ব্রজের নিকুঞ্জ মধ্যে সর্বদা বিহরণশীল শ্রীকৃষ্ণ-কৃষ্ণের সেবা চিন্তা করিবে ৯৯

শ্রীকৃষ্ণ সর্বদা প্রেমিক ভক্ত হৃদয়ে পরমস্থখে বাস করেন, এজন্য ভক্তহৃদয় ভগবন্ময় । অর্থাৎ ভক্তের নিজের কোন অভিমানাদি না থাকায় সে হৃদয়ে কেবল শ্রীযুগলকিশোরের লীলাই প্রকাশ পাইয়া থাকেন । এজন্য তাঁহারা লীলাবাস-স্বাদন ভিন্ন অথ কোন কিছু আশ্বাদন করেন না । যেহেতু ভক্ত কক্ষণে 'কাম' ও 'অর্থ'কে শ্রীকৃষ্ণসেবায় নিয়োজিত করিবেন, এই আশায় আশাবিত হইয়া নিখিল পুরুষার্থ এই ভক্তের পশ্চাতে অবস্থান করেন, অর্থাৎ ভক্তের ইচ্ছিতের

ঈশ্বরের তত্ত্ব যত, তাহা বা কহিব কত,  
অনন্ত অপার কে বা জানে ।

ব্রজপুরে প্রেম সত্য, এই সে পরম তত্ত্ব,  
ভজ ভজ অনুরাগ-মনে । ১০১

গোবিন্দ গোকুলচন্দ্র, পরম আনন্দ-কন্দ,  
পরিবার-গোপগোপী-সঙ্গে ।

অপেক্ষায় সতত উন্মুখ হইয়া থাকে । অতএব কৃষ্ণসেবা এবং তদীয় লীলাদি স্মরণ ব্যতীত অন্য সব কিছুই ভক্তের নিকট তুচ্ছ । অথাৎ শ্রীকৃষ্ণভক্তিই একমাত্র পরম পুরুষার্থ, এবং সেই পুরুষার্থ প্রাপ্তির অনুকূল শ্রীকৃষ্ণলীলাকথা ব্যতীত আর যাহা কিছু ভাল মন্দ কথা, সমস্তই অনর্থ মধ্যে পরিগণিত হয় । ১০০—০১

যাঁহার শ্রীঅঙ্কের জ্যোতিঃ ব্রহ্মশব্দে অভিহিত, যে মহাবিশ্বের নিঃস্বাসকে অবলম্বন করিয়া তদীয় রোমকূপজাত ব্রহ্মাণ্ডনাথ ব্রহ্মা, বিষ্ণু ও শিব প্রভৃতি গুণাবতার সকল প্রকটভাবে অবস্থান করেন, সেই মহাবিশ্ব শ্রীকৃষ্ণের এক কলা, ( ষোলছাগের একভাগ ) অতএব সেই ভগবানের তত্ত্ব নিরূপণে কে সমর্থ হইবে ? সুতরাং ঈশ্বরের তত্ত্ব নিরূপণ করা মনুষ্যের অসাধ্য । যাহা অসাধ্য, তাহার জন্ম জীবনপাত করা উচিত নহে । অতএব কেবল তত্ত্বালোচনায় জীবনানুভবিত না করিয়া ব্রজভাবের সাহিত্য সেই পরমতত্ত্বের ভজনা কর । ১০২

নন্দীশ্বর যার ধাম,                      গিরিধারী যার নাম,  
 সখীসঙ্গে তারে ভজ রঞ্জে ॥ ১০০  
 প্রেমভক্তি-তত্ত্ব এই,                      তোম রে কহিনু ভাই.  
 আর দুর্বাসনা পরিহরি ।  
 শ্রীগুরু-প্রসাদে ভাই,                      এসব ভজন পাই,  
 প্রেমভক্তি সখী অমুচরী ॥ ১০১

কন্দ—মূলং । যার—শ্রীগোবিন্দস্ত ॥ ১০০

আনন্দই আমাদের প্রিয় বস্তু, আর সেই আনন্দের কন্দ বা মূল হইলেন গোকুলচন্দ্র শ্রীগোবিন্দ ; কিন্তু এ জগতে আনন্দ ও আনন্দের বিষয় বিভিন্ন পদার্থ । আমরা আনন্দের প্রকৃত স্বরূপ অবগত নহি ; এজন্য আমরা আনন্দের বিষয় বা আনন্দ-সাধনকেই ভ্রমবশতঃ আনন্দ বলিয়া মনে করিয়া থাকি । পরন্তু শ্রীগোবিন্দই একমাত্র আনন্দের মূল উৎস । অতএব তাঁহারই ভজনা কর্তব্য । ১০০

হে ভাই মন ! এ পর্যন্ত তোমাকে প্রেমভক্তি তত্ত্ব-সমূহ অর্থাৎ সাধ্য ও সাধনরীতি বলিলাম, তুমি সেই সাধন-রীতি অবলম্বনের পূর্বেই অস্ত্র সকল দুর্বাসনা পরিত্যাগ করিয়া শ্রীগুরুচরণাশ্রয় কর ।

এ পর্যন্ত যাহা বলা হইয়াছে, তাহার সারমর্ম এইরূপ — যাঁহারা রাগানুগামার্গে শ্রীরাধাপদদাস্ত-লাভে সাতিশয় লালসাম্বিত, তাঁহারা একান্ত দৈন্ত্র আশ্রয়পূর্বক নিরন্তর ভজনপরায়ণ স্বজাতীয় সাধুসঙ্গে অভীষ্ট লীলাকথা আলোচনা

সার্থক ভজন-পথ,

সাধুসঙ্গে অবিরত.

স্মরণ ভজন কৃষ্ণ-কথা ।

করিবেন । আর অল্প সকল চেষ্টা সনা পরিচ্যাগপূর্বক যুক্ত বৈরাগ্য গ্রহণ করিয়া নীরবে নির্জর্জনে কেবল প্রিয়তম শ্রীরাধামাধবের নাম করিতে করিতে দিনাতিপাত করিবেন । কাণে যাহা কিছু শ্রীরাধামাধবের লীলাস্মরণের প্রতিকূল, তাহা সকলি তাহার বর্জনীয় । মন অবিচ্ছিন্নভাবে অভীষ্ট বিষয়ে সংলগ্ন না হইলে লীলারসাস্বাদন সুদূর পরাহত । দেহ-দৈহিক আবেশ শিথিলীত না হওয়া পর্য্যন্ত লীলাস্মৃতি সর্বথা অসম্ভব । সেইজন্য পূজ্যপাদ গ্রন্থকার স্থানে স্থানে বৈরাগ্যের কথা লিপিবদ্ধ করিয়াছেন । যদিও এই বৈরাগ্য ভক্তির অন্ত নয়, তথাপি শুদ্ধাভক্তিতে প্রবেশের পূর্বে 'শ্রীকৃষ্ণপ্রীত্যর্থ ভোগত্যাগ'রূপ যুক্ত-বৈরাগ্যের প্রয়োজন ।

কোন অনির্দিষ্টীয় ভাগ্যোদয়ে মহৎ কৃপার লেশমাত্র সংযোগ ঘটিলেই জীবের এইরূপ স্বরূপ ধর্মের বিকাশ হয় এবং ভজনে চেষ্টাশীলতা দৃষ্ট হয় । তাই শ্রীল গ্রন্থকার বলিলেন— 'শ্রীগুরু প্রসাদে ভাই, এ সব ভজন পাই'— শ্রীগুরুকৃপাতে কথিত ভজনপ্রণালী প্রাপ্ত হইলে সেই ভক্ত সাধনসিক্রিমে সিদ্ধদশালাভ করণ সিদ্ধদেহে সখীগণের অনুচরীরূপে সাক্ষাৎ প্রেমসেবা করিয়া থাকেন, সুতরাং সাধক চির-পিপাসিত প্রাণে শান্তিসুখাসিকনে চিরকৃতার্থ হইয়া থাকেন । ১০৪

প্রেমভক্তি হয় যদি তবে হয় মনশুদ্ধি,  
তবে যায় হৃদয়ের ব্যথা ১১০৫

বিষয় বিপত্তি জান, সংসার হৃগন মান,  
নরতনু ভজনের মূগ।

অনুরাগে ভজ সদা, প্রেমভাবে লীলাকথা,

আর যত হৃদয়ের শূল ॥ ১০৬

কর্মী, যোগী ও জ্ঞানী দুরাচার-দোষে নিজ নিজ ভজন-  
মার্গ হইতে দ্রষ্ট হইয়া চিরকালের জন্ম অধঃপতিত হইয়া  
থাকেন, কিন্তু ভক্তিমার্গে প্রবেশরত ভক্তের নাশ কখনও হয়  
না এবং ভগবৎকৃপাহেতু বিদ্ব-বৈগুণ্যাদিরও আশঙ্কা থাকেনা।  
এজন্য শ্রীল ঠাকুর মহাশয় বলিলেন—‘সার্থক ভজনপথ’।  
এই ভক্তি অতি অল্পমাত্র অনুষ্ঠিত হইলেও শ্রীভগবান  
সংসার-ভয় হইতে পরিত্রাণ করিয়া মনুষ্যকে কৃতার্থ করিয়া  
থাকেন, তথাপি ভজনে উৎকর্ষা ষ্ট্রির শিশিভ ভক্তের অনর্থ-  
নিবৃত্তির একটি সাধারণ ক্রম দৃষ্ট হয়। শ্রদ্ধাস্তরে (অহংতা  
ও মমতারূপ ব্যবহারিক বৃত্তিতে অত্যন্ত গাঢ় আসক্তি থাকায়)  
ভক্তিতে মাত্র অধিকার জন্মে, পরে সাধুসঙ্গক্রমে ভজনক্রিয়ার  
আরম্ভ হইলে একদেশবাসিনী অনর্থনিবৃত্তি-হেতু পরমার্থ  
বিষয়েও তপসুরূপ নিচাঁ হইয়া থাকে এবং সেই নিষ্ঠানুরূপ  
চিত্তশুদ্ধি হইয়া থাকে। পরে প্রেম জন্মিলে অহংতা ও মমতা  
বৃত্তি পরমার্থ বিষয় পরমাত্মান্তিকী হওয়াতে বহুদেশবাসিনী  
অনর্থ নিবৃত্তি-হেতু সম্পূর্ণ চিত্তশুদ্ধি হইয়া থাকে। ১০৫

রে মন! বিষয়সঙ্গকে বিপদ বলিয়া জান। কারণ বিষয় চিন্তার ফলে মনুষ্যের চিত্ত বিষয়েই আসক্ত হইয়া সংসারজালে জড়িত হয়। অথচ অলীক স্বপ্নময় সংসারে কোন প্রকার সুখই নাই। অর্থাৎ বিষয়সুখ স্বপ্নের ন্যায় অবাস্তব বলিয়া মনোবিলাসমাত্র এবং বিষয়াসক্ত মনের আসক্তি অনুসারেই সুখরূপে প্রতিপন্ন হয়। অর্থাৎ মনই ঐরূপ মিথ্যা ভোগসুখে মত্ত হইয়া বিবিধ কস্ম উৎপাদন করিয়া জন্ম-মরণ-দশা প্রাপ্ত হয়। পরন্তু বহু সৌভাগ্যের ফলে জীবের মনুষ্য জন্ম লাভ হয় এবং একবার মানবজন্ম হারাইলে বহুকাল সংসার ভোগ করিতে হয়। কারণ, মানব জন্মে শুভাশুভ কস্মার্জিত অসংখ্য ক্রিমি-কাট-পতঙ্গ-পশু-পক্ষী-দেবতাদি ভোগদেহ লাভের পর আবার মানবজন্ম লাভ হয়। তাই পূজ্যপাদ গ্রন্থকার বলিতেছেন— অনুরাগের সহিত শ্রীভগবৎজনের ফলে চিত্ত একমাত্র পরমানন্দময় ভগবদ্-মাধুর্য্যাসিক্তে ডুবিয়া যায়। আর এই ভজন ব্যাপারটিও 'প্রেমভাবে লীলাকথা'; স্মাভাফ-লালাকথা আশ্ব দনই রাগা-নুগীয় ভক্তের প্রধান ভজনাঙ্গ। অর্থাৎ ভক্তের চিত্ত ভবানের রূপ, গুণ ও লীলারসেই নিমগ্ন হয়, ইহা ছাড়া যা কিছু, সবই তাঁহাদের হৃদয়ের শূলসদৃশ পীড়াদায়ক। কারণ, বিষয়ে সুপ্নের অভাব-হেতু চিত্ত একটির পর একটি বিষয় অন্বেষণ করে এবং বিষয়ে ইন্দ্রিয়ের অনুকূল বেদনরূপ সুখ প্রাপ্তি-হেতু ক্রমশঃ বিষয়ে আবদ্ধ হইয়া পড়ে, কিন্তু পরে ঐ বিষয়ই

রাধিকা-চরণরেণু, ভূষণ করিয়া তনু,  
অনায়াসে পাবে গিরিধারী ।

রাধিকা-চরণাশ্রয় যে করে সে মহাশয়,  
তারে মুঞি যাই বলিহারী ॥ ১০৭

শূলসম বস্ত্রণাপ্রদ হয় । ১০৬।

লোকের মনকে অলৌকিক শক্তিবিশেষ দ্বারা বা মন্ত্রপূত চূর্ণবিশেষ দ্বারা যেমন কোনও বিষয়ে অনুরক্ত বা বশীকৃত করা যায়, সেইরূপ অনন্তশক্তিবৃক্ত শ্রীরাধিকার চরণরেণুও শ্রীকৃষ্ণবিষয়ে অনুরাগযুক্ত করিয়া থাকে । তাই শাস্ত্রে লিখিত আছে — ‘সত্ত্বঃ বশীকরণচূর্ণমনন্তশক্তিং তং শ্রীরাধিকাচরণরেণুমনুস্মরামি ’ এইজন্মই পূজ্যপাদ গ্রন্থকার শ্রীরাধিকাচরণরেণুর অসীম প্রভাব বর্ণন পূর্বক ব্রজপ্রেম লাভের প্রকৃষ্ট উপায় নির্দেশ করিয়াছেন ।

এই কলিকালে যদি প্রেমভক্তি লাভ করিতে চাও, তাহা হইলে অপার বরণাময়ী শ্রীরাধিকার চরণাশ্রয় কর । অন্যথায় নিগূঢ় ব্রজপ্রেম কখনই লাভ হইবে না । কারণ শ্রীরাধার কৃপাদৃষ্টি পতিত না হইলে শ্রীকৃষ্ণের মহামহিমাময় নাম-কীর্তন বা তাঁহার মধুময় রূপ-লীলাদির চিন্তন করিলেও ব্রজের উজ্জ্বল-প্রেমভক্তি লাভের সম্ভাবনা নাই ।

তাই পূজ্যপাদ গ্রন্থকার বলিলেন, “রাধিকা-চরণাশ্রয়, যে করে সে মহাশয় ।” ১০৭

জয় জয় রাধা-নাম, বৃন্দাবন যার ধাম,

কৃষ্ণ-সুখ-বিলাসের নিধি ।

হেন রাধা-গুণগান, না শুনিল মোর কাণ,

বঞ্চিত করিল মোরে বিধি ॥ ১০৮

তার ভক্ত-সঙ্গ সদা, রসলীলা-প্রেম-কথা,

যে করে সে পায় ঘনগাম ।

ইহাতে বিমুখ যেই, তার কভু সিকি নাই,

না শুনিয়ে তার যেন নাম ॥ ১০৯

শ্রীরাধিকা শ্রীকৃষ্ণেরই আনন্দিনী শক্তি । তাই তাঁহার নামে বিশ্ব-সংসারের কুলিশ-কঠোরচিত্তও প্রেমে দ্রবীভূত হয় । এজন্য কেহ যদি তাঁহার নাম গ্রহণপূর্বক শরণাগত হয়, তিনি তাহাকে শ্রীকৃষ্ণপ্রেম দানে রক্ষা করেন ।

শ্রীরাধার কৃপামাত্রেই তোমার মঞ্জরী স্বরূপের ক্ষুণ্ণি হইবে এবং তাঁহার আনুগত্যে পরম মধুর উজ্জ্বল রসাস্বাদনে কৃতার্থ হইবে ; কিন্তু দুর্দৈববশতঃ আমার কর্ণ শ্রীরাধার মহাপ্রভাবশালী নাম শ্রবণ করিল না । যিনি শ্রীকৃষ্ণের বিলাস-সুখের মূর্তি, মধু হইতেও স্নমধুর ভুবনমঞ্জল ঘাঁহার লীলাবলী, ভক্তগণের পক্ষে ঘাঁহার দাস্ত্রই পরম পুরুষার্থ, আমার চিত্ত কিন্তু তাঁহার দাস্ত্ররসে বঞ্চিত । বস্তুতঃ এইরূপ আক্ষেপপূর্ণ ভজনেই ভগবানের কৃপা হইয়া থাকে । ১০৮

যদি প্রশ্ন হয়, শাস্ত্র বহুবিধ সাধন উপদেশ করিয়াছেন, তাহাতেই জীব কৃতার্থ হয়, শ্রীরাধার কৃপাদৃষ্টিলাভে আর

কৃষ্ণনাম গানে ভাই,  
রাধিকার চরণ পাই,  
রাধানাম গানে কৃষ্ণচন্দ্র ।

সংক্ষেপে কহিনু কথা,  
ঘুচাও মনের ব্যথা,  
দুঃখময় অণু কথা ধ্বন্দ ॥ ১১০

অধিক কি ফল হইবে? উত্তরে বলিতেছেন—‘তার ভক্ত সঙ্গ’ ইত্যাদি । শ্রীভগবানের মহাপ্রসাদপ্রাপ্তি তদীয় প্রিয়তম জনের প্রসাদেই লাভ হয় এবং তদীয় প্রিয়তম জন সকলও তাঁহারই গায় পরমোৎকর্ষযুক্ত । তাই শাস্ত্রে উক্ত আছে—‘কৃষ্ণাশ্রয়ঃ স ন ব্রজরমানুগঃ স্বহৃদি শল্যাণি মে’ ( শ্রীকৃষ্ণ বলিতেছেন ) আমার আশ্রয় করিয়াও যে ব্যক্তি ব্রজলক্ষ্মীগণের আগত্যে ভজন না করে, তাহার ভজন আমার হৃদয়ে শূলসদৃশ হইয়া থাকে । ১০৯

অতএব ব্রজ-গোপীদের অনুগত হইয়া তদিতর সকল কিছু পরিত্যাগ করিয়া শ্রীরাধিকার চরণাশ্রয় কর এবং নিরন্তর প্রেমিক যুগলের নাম গান কর । মধু হইতেও সুমধুর শ্রীকৃষ্ণনাম গানে শ্রীরাধিকার চরণসেবা প্রাপ্ত হইবে এবং মহাপ্রভাবশালী শ্রীরাধানামগানে শ্রীকৃষ্ণের পাদপদ্মে প্রেমসেবা পাইবে । এই কথাই পূজ্যপাদ গ্রন্থকার বলিতেছেন । যদি তোমার মনে সন্দেহ হয় যে, শ্রুতিতে এই প্রেমের কথা গুপ্তভাবে ছিল, কিন্তু সেই প্রেম স্বয়ং বেদবিভাগকর্তাও লাভ করিতে পারেন নাই, তাহা একান্ত মূঢ় আমি কিরূপে লাভ করিব? তাই গ্রন্থকার বলিতেছেন—সকল কিছুর আশা-

অহঙ্কার অভিমান, অসৎ সঙ্গ অসৎ-জ্ঞান,

ছাড়ি ভজ গুরুপাদপদ্ম ।

কর আত্ম-নিবেদন, দেহ গেহ পরিজন.

গুরুবাক্য পরম মহত্ত্ব ॥১১১

অহঙ্কার অভিমান ইত্যাদি—“বিদ্যাধনাগার-কুলাভিমানিনো  
দেহাদি-দারাত্মজনিতাবুদ্ধয়ঃ । ইষ্টাত্তদেবান্ ফলকাজ্জিগো যে জীবন্মু-  
তাস্তে ন লভন্তি কেশবং ॥” “ততো দ্বঃসঙ্গমুৎসৃজ্য সৎসু সজ্জেত  
বুদ্ধিমান্” ইতি শ্রীমদ্ভাগবতোক্তে: ॥১১১॥

ভরসা পরিত্যাগ করিয়া শ্রীকৃষ্ণ-চৈতন্যদেবের চরণ শরণ গ্রহণ  
কর, তাহা হইলে শ্রুতির অগম্য ব্রহ্মাদিরও দুর্লভ প্রেমভক্তি  
লাভ করিয়া কৃতার্থ হইবে । ইহাই পরবর্তী পয়ারে বলা  
হইতেছে । ১১০

অহঙ্কারনিবৃত্তানাং কেশবো ন হি দূরগঃ ।

অহঙ্কারযুক্তানাস্তু মধ্যে পর্বতরাশয়ঃ ॥

অহঙ্কারশূন্য ব্যক্তিগণের পক্ষে কেশব দূরগামী নহেন, কিন্তু  
অহঙ্কারযুক্ত ব্যক্তিগণের মধ্যে রাশি রাশি পর্বত ব্যবধান ;  
অর্থাৎ শ্রীহরি তাহাদের নিকট হইতে বহুদূরে অবস্থান করেন ।

অসৎসঙ্গ ও অসৎজ্ঞান হইতেই অহঙ্কার উৎপন্ন হয় । আর  
বিদ্যা, ধন, কুল ও রূপ-যৌবনের গর্ব হইতে অভিমান বর্দ্ধিত  
হয় । এইপ্রকার অনিত্য দেহাদি ও দেহ-সম্বন্ধীয় আত্মীয়-  
স্বজনের প্রতি মমতা-হেতু নিত্যবুদ্ধিরূপ অসৎজ্ঞান হইতে  
ঐহিক-পারত্রিক নশ্বর বিষয়ভোগের জন্ম দেবতাস্তরের

শ্রীকৃষ্ণচৈতন্যদেব,                      রতি-মতি তারে সেব,  
 প্রেম কলপতরু-দাতা ।

ব্রজরাজ-নন্দন,                      রাধিকার প্রাণধন,  
 অপরূপ এই সব কথা ॥১১২

উপাসনাদি হইয়া থাকে ! অতএব অসৎসঙ্গ ও অসৎজ্ঞান পরিত্যাগ করিয়া একান্তভাবে শ্রীগুরু-পাদপদ্মে শরণাপন্ন হইয়া শ্রীকৃষ্ণভজন করা কর্তব্য ॥১১১

পরমকরণ শ্রীকৃষ্ণচৈতন্যদেবের কৃপা না হইলে কলিহত দুর্বল জীবের অপরাধপ্রবণচিত্তে প্রেমোদয় হয় না । যেহেতু তাঁহার কৃপা হইলেই তোমার মঞ্জুরীস্বরূপের স্ফুর্তি হইবে এবং শ্রীব্রজহৃন্দরীগণের ভাবের আনুগত্যে পরম মধুর উজ্জলরসে প্রবেশাধিকার ঘটিবে । এইজন্য শ্রীমন্ মহাপ্রভুর ভজনের অবশ্যকর্তব্যতা দেখান হইয়াছে ।

প্রেম-কলপতরু-দাতা—শ্রীমন্ মহাপ্রভুর কৃপা না হইলে শ্রীকৃষ্ণের মহাপ্রভাবশালী নামসমূহ বহুবার কীর্তন-শ্রবণাদি করিলেও তোমার অপরাধপূর্ণ হৃদয়ে প্রেমের আবির্ভাব হইবে না ; কিন্তু কাতরভাবে শ্রীমন্ মহাপ্রভুর নামকীর্তন করিলেই শ্রীকৃষ্ণপ্রেমের উদয় হইবে । যেহেতু তিনি সতত্ব ঈশ্বর ; তাঁহার এই প্রেমদান লীলায় পাত্রাপাত্র বিচার নাই অর্থাৎ দেয় কি অদেয় বিচার না করিয়াই তিনি এই দুর্লভ প্রেমধন অধমজনকেও দান করিয়া থাকেন । ১১২

নবদ্বীপে অবতার,            রাধা-ভাব অঙ্গীকার,  
ভাব-কান্তি অঙ্গের ভূষণ ।

তিন বাঞ্ছা অভিলাষী,        শ্যামী-গর্ভে পরকাশি,  
সঙ্গে সব পারিষদগণ ॥১১৩

গৌরহরি অবতরি,            প্রেমের বাদর করি  
সাধিলা মনের নিজ কাজ ।

রাধিকার প্রাণপতি,        কি ভাবে কান্দয়ে নিতি,  
ইহা বুঝে ভক্ত সমাজ ॥১১৪

তিন বাঞ্ছা—(১) শ্রীরাধিকার প্রণয়-মহিমা কি প্রকার ?  
(২) আর শ্রীরাধা সেই প্রণয় (প্রেম দ্বারা যে মদীয় শ্রীকৃষ্ণের)  
মাধুর্য্য আশ্বাদন করেন, সেই মাধুর্য্যই বা কি প্রকার ?  
(৩) আবার সেই প্রেম দ্বারা আমার মাধুর্য্য আশ্বাদনে  
শ্রীরাধিকা যে সুখানুভব করেন, সেই সুখই বা কি প্রকার ?  
—এই বাঞ্ছাত্রয় পূরণের জন্মই শ্রীগৌরাঙ্গের শ্রীনবদ্বীপে  
আবির্ভাব এবং শ্রীরাধিকার প্রাণপতি হইয়াও নিরন্তর সেই  
ভাবে বিভাবিত হইয়া স্বীয় মাধুর্য্য আশ্বাদনজনিত প্রেম-  
ক্রন্দন ।

কলিযুগের উপাস্ত-নির্নয় প্রসঙ্গে শ্রীমদ্ভাগবতে উক্ত আছে—  
'কৃষ্ণবর্ণং ত্রিষাংকৃষ্ণং সাক্ষোপাঙ্গান্ত্রপার্ষদম্ । যজ্ঞৈঃ সংকীৰ্ত্তন-  
প্রায়ৈবর্জন্তি হি স্মমেধসঃ' । যিনি কৃষ্ণবর্ণ কি কান্তিতে  
অকৃষ্ণ (গৌর), তাঁহাকে স্মেধাগণই কলিযুগে উপাসনা করেন ।  
এই উপাসনার উপাদান হইতেছে—সংকীৰ্ত্তন । অথবা 'কৃষ্ণবর্ণ'

গুপতে সাধিবে সিদ্ধি, সাধন নবধা ভক্তি,  
 প্রার্থনা করিব দৈন্ত্রে সদা ।  
 করি হরি-সংকীৰ্ত্তন, সদাই আনন্দ মন,  
 কৃষ্ণ বিনা আর সব বাধা ॥১১৫

শব্দের অর্থ—যিনি নিরন্তর 'কৃষ্ণ কৃষ্ণ' এই নাম বর্ণন করেন এবং করুণাবশতঃ নিজভক্তগণকেও উপদেশ করেন। 'সাক্ষোপাঙ্গ' বলিতে কর-চরণাদি অঙ্গসমূহ পরম সুন্দর বলিয়া উপাঙ্গস্বরূপ এবং কৌস্তভ, বনমালা, মুরলী ইত্যাদি মহা-প্রভাবময় বলিয়া অঙ্গস্বরূপ। যেহেতু, সুদর্শনাদি অঙ্গ-সমূহের প্রভাবে দৈত্যতুল্য বহিন্মুখগণ দৈত্যসুলভ স্বভাব পরিত্যাগ করিয়া ভক্তিতে প্রবৃত্ত হয়। আবার ঐ সকল অঙ্গাদি নিত্যরূপে তাঁহার সহিত বর্তমান থাকায় পার্শ্বদরূপে গণ্য হইয়াছেন। অথবা পার্শ্বদ শব্দে শীমদ্ অদ্বৈত আচার্য্যা-দির গ্রহণ হইয়াছে। অতএব শ্রীরাধাপ্রেম দ্বারা নিজ মাধুর্য্য আশ্বাদন এবং আনুষঙ্গিকভাবে নিজ উজ্বল রসগর্ভ ভক্তি জগতে সমর্পণ করিবার নিমিত্ত যিনি শ্রীশচীগর্ভরূপ দুঃখসিন্ধু হইতে উৎখিত হইয়াছেন, সেই গৌরচন্দ্রকেই ভজনা করিতে হইবে ॥১১৬—১১৮

গুপতে সাধিবে সিদ্ধি—গুপতে—গুপ্তভাবে অর্থাৎ নিজ অন্তরে নিজ সিদ্ধদেহ ভাবনা করিয়া নিরন্তর শ্রীরাধা-কৃষ্ণের কৃষ্ণসেবা চিন্তা করিবে এবং সাধকদেহে নববিধা ভক্তির অনুষ্ঠান করিবে। তাৎপর্য্য এই যে, সাধনটী যথা-

সংসার-বাটুয়ারে,                      কাম-ফাঁশি বান্ধ মাঝে,  
ফুকর করহ হরিদাস ।

করহ ভকত সঙ্গ,                      প্রেম-কথা-লানারঙ্গ,  
তবে হয় বিপদ বিনাশ ॥১১৬

অসচেষ্টা-কষ্টপ্রদ-বিবকট-পাশালিভিরহ প্রকামং কামাদ-  
প্রকটপথপাতিবাতিকরৈঃ । গলে বদ্ধাহনেহহমিতি বকভিদ্ধয়'পগলে  
কুরু স্বং ফুৎকারং নয়তি স যথা স্বাং মন ইতঃ ॥১১৬

সম্ভব গোপনে অনুষ্ঠিত হইবে । এমনকি অন্তরঙ্গ ভক্ত  
সঙ্গে যদি হীয় হৃদয়োথ প্রেম প্রকাশ হইয়া পড়ে, তথাপি  
যত্নের সহিত তাহাকে গোপন করিবার চেষ্টা করিতে হইবে ;  
অভিব্যক্তির পূর্বেই সাবধান হওয়াই চতুরতার কার্য । ১১৫

রে মন ! এই সংসারে প্রকাশ্যভাবে আক্রমণকারী কাম-  
ক্রোধাদি ছয়জন বাটপাড় ( পারমাথিক-জীবনের দস্যু  
অর্থাৎ পরস্পরে মিলিত হইয়া পরমার্থ লুণ্ঠন করে ) তোমাকে  
অসচেষ্টারূপ দুঃখপ্রদ ভয়ানক কাম ফাঁসের দ্বারা গলায়  
বাঁধিয়া যথেষ্টভাবে যন্ত্রণা দিতেছে, তুমি শীঘ্র ভক্তিপথের  
রক্ষক শ্রীকৃষ্ণভক্তগণকে ফুৎকার কর অর্থাৎ উচ্চৈঃস্বরে নিজ  
দুঃখ নিবেদন কর, তাহা হইলে তাঁহারা নিশ্চয়ই তোমাকে  
এই শত্রুদের কবল হইতে রক্ষা করিবেন ।

ভাই ! আরও দেখ, অনাদিকাল হইতে এই বাটপাড়-  
গণ প্রকাশ্যভাবে তোমার সর্বস্ব লুণ্ঠন করিতেছে । কিন্তু  
ইহাদের অপেক্ষাও ভয়ঙ্কর শত্রু হইতেছে প্রতিষ্ঠাশা । এই

স্ত্রী-পুত্র বালিকা যত, মরি যায় কত শত,  
আপনারে হও সাবধান ।

মুঞি সে বিষয়-হত, না ভজিনু হরিপদ,  
মোর আর নাহি পরিত্রাণ ॥১১৭

বামচন্দ্র কবিরাজ, সেই সঙ্গে মোর কাজ,  
তার সঙ্গ বিনা সব শূন্য ।

যদি জন্ম হয় পুনঃ, তার সঙ্গ হয় যেন,  
তবে হয় নরোত্তম ধন্য ॥১১৮

প্রতিষ্ঠাশারূপ মহাশত্রু পেছন্নভাবে থাকিয়া তোমার পরমার্থ বস্তু লুণ্ঠন করিতেছে । এজন্য কামাদি বাহিরের শত্রু দূর হইলেও প্রতিষ্ঠাশা সহজে যায় না ; বরং সেই প্রতিষ্ঠাশা হইতে উত্তরোত্তর নানারূপ কপটতা উৎপন্ন হইয়া তোমাকে অপরাধী করিয়া ভক্তিপথ হইতে চিরতরে বিতাড়িত করিতে বদ্ধপরিকর । তাহা হইবে যে পর্যান্ত কপটতা দূর না হয়, সেই পর্যান্ত নিঃশূল সাধুপ্রেম উদয় হইবে কিরপে ? তবে একমাত্র উপায় হইতেছে যে, কপটতা বিনাশকারী শ্রীকৃষ্ণভক্তের শরণাপন্ন হইলেই তাঁহারা সত্ত্বর প্রতিষ্ঠাশার সহিত কপটতা দূর করিয়া প্রেমের সন্নিবেশ করিবেন । কেবল তাঁহারাই তোমাকে পরিত্রাণ করিতে সমর্থ ॥১১৬

এক্ষণে অন্তরঙ্গ প্রেমের সাধন জন্য স্বজাতীয় আশয়-বিশিষ্ট রসিকভক্তের সঙ্গ নিষ্ঠা বর্ণন করিতেছেন : যেহেতু লীলাকথারস আশ্বাদনই রাগানুগা ভক্তের প্রধান জীবাতু ।

আপন ভজন-কথা, না করিব বথা তথা,

ইহাতে হইব সাবধান।

না করিহ কেহ রোষ, না লইহ কেহ দোষ,

প্রণয়ক ভক্তের চরণ ॥১১৯

তাই ঐকান্তিক ভক্তগণ শ্রীকৃষ্ণের লীলাবস-মাধুর্য্য আবাদনে লুক্কমনা হইয়া পরস্পর সৌহার্দ্যের সহিত নিরন্তর প্রীতিভয়ের মহাদুঃ লীলা কথা আলোচনা করিয়া মহানন্দে কালান্তিত করেন। এইরূপ শ্রীল ঠাকুর মহাশয় স্বীয় অন্তরঙ্গ সখী শ্রীল রামচন্দ্র কবিরাজ মহাশয়ের সহ্য বিরহিত হইলেও জঘ্যান্তরে তাঁহার সহ্য কামনা করিয়াছেন। ১৯৮

বহিঃ ভজনও শাস্ত্রও মহাজনের অনুভবের উপর প্রতিষ্ঠিত এবং অদ্রান্ত সত্যস্বরূপ, তথাপি উহা অন্তরে অনুভব করিতে হয়; তর্ক, যুক্তি বা বাক্যের দ্বারা প্রকাশ করা যায় না। তবে ভক্ত করি ভক্তির উজ্জ্বল আলোকে ভজনীর বস্তুর বাস্তব মূর্তি নিঃসন্দেহভাবে অঙ্কিত করিতে পারেন; কিন্তু অভক্তের দৃষ্টি দেশ-কাল-পাত্রগত কল্পনার দ্বারা অতিরঞ্জিত হয় বলিয়া তাহারা কল্পনার সাহায্য ছাড়া একপদও অগ্রসর হইতে পারে না; সুতরাং পরম সত্যস্বরূপ ভজনকথা বলিলেও তাহারা বুঝিবে না; কাজেই উহা অপরাধে পর্য্যবসিত হইবে। ১:৯

শ্রীগোরাধ প্রভু মোর যে বলান বাণী ।  
 ভাহা বিনা ভাল-মন্দ কিছুই না জানি ॥  
 লোকনাথ প্রভুপদ হৃদয়ে বিলাস ।  
 প্রেমভক্তি-চন্দ্রিকা কহে নরোত্তম দাস ॥১২০





# পরিশিষ্ট

বাংলার সংস্কৃতিরক্ষক শ্রীযুত বিমানবিহারী মজুমদার এম. এ, পি, আর, এস, পি, এইচ, ডি মহোদয় কর্তৃক প্রেরিত বঙ্গীয় সাহিত্য পরিষদে রক্ষিত প্রায় ৩৫৮ বৎসর পূর্বের প্রাচীন পুঁথির ( পুঁথি নং ২৩০৪, লিপিকাল ১০০৯, মাঘ মাস ২, অর্থাৎ ১'০৩ খ্রীষ্টাব্দ ) পাঠ নিয়ে দেওয়া হইল।

পৃঃ।	শ্লোক বা পত্র সংখ্যা	মুদ্রিত গ্রন্থের পাঠ	প্রাচীন পুঁথির পাঠ
১	১	অজ্ঞান তিমিরাক্রান্ত... শ্রীগুরবে নমঃ ...	...
৭	২	শ্রীচৈতন্যমনোভীষ্টং... স্বপদান্তিকম্ ...	এই দুইটি শ্লোক নাই
২০	৪	বে প্রসাদে পুরে সর্ব আশা ...	প্রসাদে পুরিব সব আশা
৩২	৬	এবে বশঃ ...	বশ এবে
৩৪	৭	মার্জ্জন হয় ভজনে ...	মার্জ্জনাতে ভবজনে
৩৭	৯	প্রেমভক্তি রীতি যত ...	প্রেমভক্তি বলি যত
৩৮	১১	স্বসেবন ...	স্বসেবনে
৩৮	১১	এই ভক্তি পরম কারণ ...	এই তত্ত্ব পরম যতনে
৩৮	১২	হৃদয় করিয়া ঐক্য ...	করিয়া চিতেতে ঐক্য
৩৮	১২	ইগারে ...	তাহাকে
৪১	১৩	ভজনে ...	যতনে
৪১	১৩	পূজিব ...	পূজিব
৪২	১৪	মহাজনের ...	মহাজনে
৪২	১৪	তাতে ...	তাহে
৪৬	১৫	কর্ণী জ্ঞানী পরিহরি দূরে ...	আর কর্ণ পরিহর দূরে
৪৬	১৫	কেবল ভকতসঙ্গ ...	কেবল ভক্তি সঙ্গ
		প্রেমকথা রসসঙ্গ ...	প্রেমভক্তি রঙ্গ
৪৬	১৫	লীলাকথা ব্রজরসপুরে ...	তত্ত্বকথা কহিল গৌমারে
৪৯	১৭	গোবিন্দচরণ ...	গোবিন্দচরণে
৪৯	১৭	অনন্তভজনে ...	চৈতন্যভজনে

পৃঃ।	শ্লোক বা পদ্য সংখ্যা	মুদ্রিত গ্রন্থের পাঠ	প্রাচীন পুঁথির পাঠ	
৪৯	১৮ নবভক্তি	....	....	নববিধি
৫১	১৯ পূজিব	---	...	পূজিহ
৫১	১৯ বড়	....	....	মনে
৫২	২৩ নাম	....	....	ধাম
৫২	২৩ সাধুজনার	...	....	সাধুজনা
৬১	২৫ যার হয় একান্ত ভজন	....	....	প্রেমভক্তি পরম কারণ
৬১	২৬ না করিহ...পরম কারণ	....	....	এই পদ্য নাই
৬২	২৭ আপন আপন	...	...	আপনা আপনা
৬৩	২৯ শ্রীনাথে জানকীনাথে	....	....	এই শ্লোক নাই
৬৭	৩৩ কর পরিত্রাণ	...	...	মোরে কর ত্রাণ
৬৭	৩৪ তুমি	...	....	তোমায়ে
৬৭	৩৪ আমি	....	....	মোর
৬৮	৩৫ তথাপিহ তুমি গতি	....	....	তথাপি তোমায় গতি
৬৯	৩৬ করোঁ	...	....	করি
৬৯	৩৭ জানে	...	....	শুনে
৬৯	৩০ ওহে বাঞ্ছা কল্পতরু	....	....	নাই বাঞ্ছা কল্পতরু
৬৯	৩৮ পাতত নাই	...	...	পাতকী নাঞি
৬৯	৩৮ পাবন নাম ধর	....	....	বড়ই পামর
৬৯	৩৮ পতিত পাবন	...	...	পাতত উদ্ধার
৭০	৪০ আনকথা আন ব্যথা	...	...	অনুকথা অন্ত ব্যথা
৭০	৪০ ষাউ	....	....	ষাউ
৭০	৪০ গুণ	....	...	গুণে
৭০	৪০ গাই যেন	....	....	গাই সৰ্ভোঁ
৭৩	৪৫ শিখরিনী	....	....	শিখরিনী
৭৪	৪৭ দীন নরোত্তম দাস	...	....	তাহা মরোত্তমদাসে
৭৫	৪৭ অভিলাষ	...	....	অভিলাষে
৭৫	৪৮ জুড়াবে	...	....	জুড়াব
৭৭	৪৯ শ্রীরাধিকার	....	....	রাধিকার

পৃঃ।	শ্লোক বা পঙ্ক সংখ্যা	মুদ্রিত গ্রন্থের পাঠ	প্রাচীন পুথির পাঠ
৭৭	৪৯ বা	....	— না
৮৭	৫৬ পক্ষাপক মাত্র সে বিচার	—	— পক্ষাপক মাত্র বিচার
৯১	৬১ বই	—	.... বিনে
৯১	৬১ তত্ত্ব সর্কবিধি	...	... ভাব সর্কবৃত্তি
৯২	৬৪ যেন বাল	—	.... বালমল
৯৩	৬৫ কুলবধু মরালিনী	...	.... শুনি রাখা ঠাকুরাণী
৯৩	৬৫ শুনিয়া রহিতে না রে ঘরে	—	— রহিতে না রে আর ঘরে
৯৩	৬৫ গেল	—	— যায়
৯৭	৬৮ হৃদয়	—	— হৃদয়ে
১০০	৭১ পরিহর	—	— পরিহর
১০০	৭১ ছই ভাগ করি	...	— ছুরে ত্যাগ কর
১০১	৭২ পরতত্ত্ব	—	— সারতত্ত্ব
১০১	৭৩ নামগান	—	— গুণগান
১০২	৭৪ ভজনে	—	— ভজনে
১০২	৭৪ ব্রজজনের.....ডুবাও চিত	ব্রজজন	যেন রীতি, তাহে হবে অনুরত
১০৩	৭৫ করিব	—	— করিহ
১০৫	৭৭ গৌরী তনু	—	— তনু গৌরি
১০৬	৭৯ স্বপ্নেও না বলো	—	— সপনে না বল
১০৭	৮০ এমতি	—	— এমত
১০৭	৮০ যেই সেই	—	— সেই যেই
১০৭	৮১ প্রেমভক্তি রীতি	—	— প্রেমভক্তি রতি
১০৮	৮২ তাতে মান	—	— তাহে মানে
১০৮	৮২ সেই	—	— সে না
১০৮	৮২ সঙ্গ কর	—	— সঙ্গে করে
১১১	৮৭ হৈন স্থল	—	— স্থান যার
১১১	৮৭ স্বপ্রকাশ	—	— স্ব প্রকাশ
১১২	৮৮ লক্ষবাণ	—	— শতধার
১১৩	৮৯ মণিময়	—	— অঙ্গে ভাল

পৃঃ।	শ্লোক বা পত্র সংখ্যা	মুদ্রিত গ্রন্থের পাঠ	প্রাচীন পুঁথির পাঠ
১১৪	১০ সেব	—	— সেবোঁ
১১৫	১২ কৃষ্ণচন্দ্রচরণ	—	— নন্দনন্দন
১১৫	১৩ দেহে না করিহ	—	— দেহেতে না করি
১১৫	১৩ মরিলে যে	—	— মন্দনীতে
১১৬	১৪ যেবা খায়	—	— কেনে খাও
১১৬	১৪ সদা ফিরে	—	— ঘুরে ফিরি
১১৬	১৪ করে	—	— করি
১১৬	১৪ যায়	—	— যাও
১১৬	১৫ দেবে	—	— জনে
১১৬	১৫ প্রেমভক্তি রীতি	—	— প্রেমভক্তি
১১৭	১৬ করে	—	— কহে
১১৭	১৭ করিব	—	— করিহ
১১৮	১৮ হব আতি ভৃগু	—	— হও সতৃষ্ণ
১২০	১০২ ব্রজপুরে... পরমতত্ত্ব—ব্রজেশ্বরে	প্রেম নিত্য, এষ্ট সে পরম সত্য	
১২১	১০৩ তারে	—	— তায়
১২১	১০৪ পরিহরি	—	— পরিহর
১২১	১০৪ অমুচরী	—	— অমুচর
১২৩	১০৬ সংসার স্বপন মান	—	— নিশির স্বপন যেন
	১০৫ করিব	—	— করিহ
১৩৪	১১৯ কেহ দোষ	—	— মোর দোষ
১৩৪	১১৯ প্রণমহ	—	— প্রণমহ
১৩৫	১২০ বিনা	—	— বই



সাউরী প্রপণাশ্রমিত শ্রীভক্তিীর্থ গ্রন্থতাপ্তা:

হইতে প্রকাশিত গ্রন্থাবলি :-

- ১। শ্রীহরিনামমৃতসিন্ধু—২৬ টাকা ২। ঐ বিন্দু
- ৩। শ্রীরসতত্ত্ব গীতাবলী (গীতাংশ)—৫০ ৪। আত্মবোধ—
- ৫। শ্রীসেবাসঙ্ক মূল্য—৫ ৬। সদযুক্তি সোপান ১ম+
- (একসঙ্গে) মূল্য—১০ আনা ৭। প্রার্থনামৃত তরঙ্গিনী মূল্য—
- ৮। শ্রীবৃহদ্ভাগবতামৃত মূল্য ৩২০ টাকা (১ম+২য়খণ্ড) ৯।
- দেশামৃত—৮০ আনা ১০। শ্রীভাগবতধর্ম মূল্য—৪ টাকা
- ১১। শ্রীল ভক্তিীর্থ ঠাকুরের সংক্ষিপ্ত জীবনী—৭ টাকা
- ১২। শ্রীবৈষ্ণবকণ্ঠমালা—১০ ১৩। সিকোপদেশাবলী—
- ১৪। কল্যাণ কতক—৮ ১৫। একাদশী ব্রত ব্যবস্থা—৮
- ১৬। শ্রীনামতত্ত্বরহস্য—১০ ১৭। শ্রীগুরুতত্ত্ববিবেক ১৮। শ্রীমাদ্বৈত
- কাদম্বিনী—১০ টাকা ১৯। রাগবস্তু-চক্রিকা মূল্য—৫ আনা
- ২০। স্বারসিকী লীলাস্মরণ পদ্ধতি ২১। রাগাভুগা ভজন
- রহস্য (১ম) ১০ ২২। শ্রীকৃপাভুগ ভজন দর্পণ ২৩। শ্রীপ্রেমভক্তি
- চক্রিকা ১০ ২৪। ভজনরত্নসম্পূট ২৫। শ্রীরাধারস স্তোত্রানিধি:
- মূল্য—৩ টাকা ২৬। শ্রীকৃষ্ণলীলা মহিমা ২৭। স্বপ্নবিলাস ১০
- ২৮। সাধ্যসাধন নির্ণয় ২৯। দীক্ষা ও মন্ত্ররূপ বিধি—১০
- ৩০। সঙ্কল্প কল্পক্রম মূল্য—৫ আনা।

## সঙ্কল্প-সঙ্কিনী

(অধিতীয় পারমার্থিক মাসিক পত্রিকা)

বার্ষিক মূল্য সডাক, তিন টাকা মাত্র।

“সাউরী প্রপণাশ্রম,” পো:- সাউরী, (বেদিনীপুর)